

WANTU

NIUSPEPA BILONG OL PAPUA NIUGINI STRET

Ernst & Young audited
circulation 15,177

36 pes

Namba 1027

Wik i stat long Fonde, Mas 3, 1994.

40 toea

Fores ripot tokaut olsem

OL PAPA GRAUN KISIM YET LIKLIK TIMBA ROYELTI MANI

RODNEY KAMUS i raitim

...Tulapi Bil bai rausim pawa bilong gavman long wok timba

WANPELA ripot bilong Papua Niugini Fores Atoriti long pinis bilong las yia i soim olsem ol papa tru bilong graun em ol timba kampani i wok nau i wok long kisim liklik mani tru.

Insait long dispela ripot, mani em ol timba kampani i kisim em i antap moa long K412 milien. Na ol papa graun yet i wok long kisim K6 milien tasol. Dispela mak bilong mani em bilong las yia,

1993. Prais bilong ol diwai i wok long go antap tru. Tasol royalti mani ol papa bilong graun i kisim i no go antap. Royalti mani i stap wankain yet.


Ripot ya ol i kolim *Timba Digest* i

soim tu hamas kubik mita diwai em ol kampani i wok long katim, hamas mani ol i save kisim na wanem ol kantri em ol diwai i save go long en.

Hamas kubik mita diwai ol kam-

pani i save katim i wok long go antap bikpela tru. Long 1992 na 1993, mak bilong ol kubik mita i bin go antap long 32 kubik mita.

Na sapos olgeta yia ol kampani i i go moa long pes 3



• Sampela papa bilong ol pikinini bilong Daulo husat i bin protes na go long gavman stesin. Bikos ol i no amamas long ripot olsem nupela Daulo haikul bai sanap long ples bilong memba. Ol i laikim skul i stap long ples Mando.

Poto na stori: Sape Metta.

Protes kamap long toktok bilong nupela Daulo haikul

OL toktok bilong kirapim nupela Daulo haikul long Isten Hailans provins i no kamap stret taim bikpela lain

papamama i protes na wok about i go long Asaro gavman stesin long tupela wik i go pinis.

Planti em ol papa na mama bilong ol skul pikinini husat i no amamas. Long wanem haikul ya i no stap long

wanpela namel ples. Ol i laikim olsem haikul ya i mas stap long ples Mando bikos ol i tok em i namel ples.

Bil bilong senisim provinsal gavman stap long Palamen



• Micah...bai putim ripot nau long plua bilong Palamen kibung bilong paitim toktok.


BEVERLY WAIMAN i raitim

SAMPELA bikpela toktok bilong senisim konstitusen na ol mama lo we i karamapim wok politik bilong kantri bai kamap long Palamen tude.

Bikpela hap bilong ol dispela senisim bai sut long wok bilong ol provinsal gavman. Dispela kain gavman bai senisim i go nau na kamap olsem ol provinsal atoriti na ol lokol gavman.

Memba bilong Kavieng na siaman bilong konstitusen komiti, Ben Micah bai autim bil bilong em long plua bilong Palamen. Long dispela taim, em bai givim ripot na ol kli tingting long dispela samt-ing. Longpela bilong dispela ripot bilong Mista Micah i karamapim 38 pes.

Komiti i bin sindaun paitim toktok na skelim dispela ripot inap long 15 mun. Long wankain taim, ol i go moa long pes 4



COASTER BAS

EM NAU... NAMBawan PMV BAS LONG PAPUA NIUGINI NAU ILUK SMAT MOA!

TOYOTA

PORT MORESBY 229400 LAE 422322 RABAU 921988 MADANG 822188
GOROKA 721844 MT HAGEN 521888 WEWAK 862255 KAVIENG 942132
KIMBE 935155 TABUBIL 589060 VANIMO 871254 PORGERA 579367
ALOTAU : WALTERS WORKSHOP PH 611174

Ela Motors
OLGETA HAP

EM4543 B

Dispela wik long Palamen wantaim GODFRIED YASSAFAR

Hevi bilong ol tisa em namba wan

EDUKESAN minista Andrew Baing i tokaut long Palamen olsem gavman bilong em i gat bikpela tingting long stretim ol hevi ol tisa insait long kantri i gat. Na stretim dispela ol hevi long traime na impruvim kwaliti bilong edukesen insait long kantri.

Long mekim dispela samting i kamap trupela, Mista Baing i tok gavman i mas baim ol tisa long bikpela mani. Bihainim dispela tingting, gavman bilong em i tok orait pinis long nupela salari straksa bilong ol tisa.

Em i tok aninit long dispela nupela straka, wanpela tisa i ken kisim samting olsem

K21,000 long wanpela yia. Tasol long nau yet, dipatmen bilong em i nogat inap mani long stat yusim dispela nupela salari straksa.

Mista Baing i tokaut long dispela samting taim em i bekim askim bilong memba bilong Esa'ala, John Kanadi.

Mista Kanadi i askim Mista Baing long wanem samting gavman bilong em i wok long mekim nau yet long stretim mani na sindaun bilong ol tisa insait long kantri. Na tu sopus gavman i wok long yusim profesinol sevis bilong ol tisa long givim aut fri edukesen.


Edukesen minista Andrew Baing i tokaut long Palamen olsem long nau yet, ol tisa i no save kisim bikpela mani long bikpela wok ol i mekim long developmen bilong Papua Niugini. Tasol gavman i wok long sponim bikpela mani long edukesen sistem insait long kantri.

Mista Baing i tok em yet wantaim gavman bilong em i luksave long dispela hevi ol tisa i gat. Tasol i no longtaim i go pinis, ol tisa i kisim dispela samting i go long Abitresen Traibiunel. Na Abitresen Traibiunel i skelim hevi bilong ol tisa na i givim ol wan pesen moa antap long mani

em ol i bin wok long kisim long potnait pastaim long ol i bringim dispela hevi bilong ol i go long Abitresen Traibiunel.

"Dispela hevi ol tisa i gat long en i wanpela bikpela hevi tru. Presiden bilong asosiesen bilong ol tisa (Tisa Asosiesen) i kam na lukim mi na toktok wantaim mi pinis long dispela hevi. Na mi gat amamas long em i kam na toktok wantaim mi. Mi putim pinis dispela hevi i go long dipatmen bilong mi na tu long Tising Sevis Komisnin," Mista Baing i tokim Palamen.

Edukesen minista i tokim Palamen olsem em bai toktok wantaim dipatmen bilong em.



LAE, Morobe: Nesenel Kot i no oraitim askim bilong tripela man long baim beil na stap wetim kot bilong ol. Ol plisman i bin sasim ol long bagarapim tupela plisman long 9 mail ausait long Lae taun.

Dispela birua i bin kamap long Fraide, 18 Februeri.

Ol dispela man em Paul Siwi husat i gat 37 krismas, Petrus Bero na Nimbo Tala husat i gat 40 krismas. Ol dispela man i bilong ples Sim long Kerowagi insait long Simbu provins.

Ol plisman i bin sasim ol long paitim Komanda bilong Lae plis stesin, Peter Nessesat na Konstabil Robin Sangania long las wik. Long dispela birua, ol i bin kisim wanpela sot gan bilong tupela plisman ya.

Long taim em i rausim askim bilong ol, Jastis Sevua i tok pasin ol i wokim long paitim ol plisman nating i no gutpela. Na tu long dispela taim, ol i bin karim tu ol strongpela samting bilong pait.

Jas i no bin oraitim askim bilong ol bikos em i pret nogut ol i pretim ol arapela witnes.

BOMANA, Sentrel: Wanpela kalabus i dai pinis bihain long em wantaim narapela man i pait.

Dispela man husat i dai i bilong Galp provins. Na birua ya i bin kamap long Mandem moning taim narapela man i yusim sisis long kilim em.

Ripot i tok pait i bin stat long Sande nait taim man husat i dai wantaim ol arapela pren bilong em i bin paitim narapela kalabusman bilong Sepik long Sande nait.

Orait long Mandem moning, dispela man Sepik i bel hat yet na kirapim pait wantaim man Kere-ma ya i go na kilim em wantaim sisis. Long hap rot bilong go long haus sik, em i dai.

Dispela man husat i dai i bin kalabus long stil inap long 4-pela yia na 7-pela mun. Na man Sepik ya i kalabus long stil 7-pela taim na bagarapim meri na kamapim bagarap long bodi bilong narapela man.

MADANG: Bikpela paia i bin kamap long Tunde nait na kukim olgeta wanpela bikpela bakstua bilong ol Saina. Dispela stua i stap tasol long taun.

No gat ripot i kamap klia yet long as bilong dispela paia. Dispela stua i bilong Hokitt Shopping Complex.

Bos bilong ol paiaman long Madang, Polly Yambu i tok ol i no bin inap long kilim dai paia hariap bikos ol i gat hevi bilong wara. Tasol bihain DCA paia ka i kamap na helpim ol long pinisim paia.

Ol plisman i toktok nau wantaim ol lain husat i stap klostu long taim paia i kirap. Wanpela sekyuriti i tok pastaim long paia, em i bin harim bikpela pairap i kamap long masin bilong kol-win.


Papa bilong stua, Michael Woo i tok wok bilong kirapim na ranim dispela kampani em i winim tru K3 milien.

KIUNGA, Westen: Paia i bin kukim edministresen opis bilong Kunga haiskul long Tunde moning.

Bikpela bagarap inap kamap tasol gutpela olsem tupela sekyuriti i lukim smok bilong paia na go kirapim het tisa. Em nau ol i kam na hariap long kilim dai paia.

Het tisa Martin Minjuk i tok bagarap em paia i kamapim em inap long tu na tri fausen kina. Paia i bagarapim tu olgeta lektrik waia bilong opis.

Plis Inspekta long Kiunga, Hariba Mamae i tok sampela man i bin laik bagarapim skul olsem na ol i wokim paia. Na ripot i tok ol plisman i wok long askim tu sampela skul sumatin long dispela samting.



Ol luslain meri... Jisas Hapwe Senta long Morata insait long Nesenel Kapitel Distrik nau i gat ol meri na man wantaim. Long laip bilong ol. ol dispela lain i olsem ol raskol. Na taim ol i lusim haus kalabus, planti i go stap long Hapwe Senta. Long poto antap em 6-pela meri husat tu i bin go stap long hap, bikos ol i gat nem nogut liklik. Oltaim ol i mas wokbung wantaim ol man long kain wok olsem. *Poto na stori: Louis Warimi.*

Wewak no gat turis

MEMBA bilong Wewak, Bernard Narokobi i tokaut long Palamen olsem gavman i bin makim Wewak ples balus olsem wanpela intenesenel ples balus.

Tasol long nau yet, gavman bilong Praim Minista Paias Wingti wantaim strongpela tingting na toktok long promotim turisim indastri insait long kantri, i no luksave olsem Wewak ples balus.

Mista Narokobi i sutim tok i go long Praim Minista Wingti na tok taim Mista Wingti i go long Not, em i lusim tingting long Wewak. Em i tok wankain samting i kamap taim Mista Wingti i go long Saut. Mista Narokobi i tok ating Mista Wingti bai luksave long Wewak taim em i go long Is o Wes.

Membra bilong Wewak i tokim Palamen olsem ol pipel long ol arapela kantri long wol i save moa long Wewak na i no Papua Niugini. Narokobi i tok Is Sepik provins i gat biknem long planti kantri long insait long wol.

Mista Narokobi i mekim dispela ol toktok bihainim ol toktok bilong Praim Minista Paias Wingti long raun bilong em long Australia na Nu Silan long las mun.

Ol bikpela askim bilong Oposisen

OPOSISEN Lida Chris Haiveta long aste Trinde i bin askim 14 kwesten i go long lida bilong gavman, Praim Minista Paias Wingti.

Long namba 14 kwesten bilong em, Lida bilong Oposisen Mista Haiveta i askim Praim Minista Wingti long lusim wok olsem praim minista. Na stap olsem wanpela memba nating inap long taim wanpela Komisnin ov Enkwairi i putim kamap ol samting em i painim long dispela wok sekap.

Mista Haiveta i laikim olsem wanpela Komisnin ov Enkwairi i mas sekap long wanem as tru na gavman bilong Wingti bin apoinim Luke Lucas olsem seketeri bilong Atoni Jenerel dipatmen.

Mista Haiveta i askim Praim Minista Wingti long lusim wok olsem praim minista bihainim dispela 14-pela kwesten em i askim Mista Wingti long wanem astingting na gavman bilong em (Wingti) i bin apoinim olpela Iektoral Komisina Luke Lucas olsem Seketeri bilong Dipatmen Bilong Atoni Jenerel long 1992.

Sampela toktok *Wantok Niuspepa* i kisim i tok olsem Mista Haiveta i putim dispela ol askim i go long Mista Wingti bikos em (Haiveta) i luksave na tu kisim sampela ripot olsem i bin i gat as na gavman bilong Wingti i makim Mista Lucas olsem seketeri bilong atoni Jenerel dipatmen.

Bihain long gavman bilong Wingti i apoinim Mista Lucas olsem seketeri bilong Atoni Jenerel dipatmen, bikpela hevi i bin kamap. Na dispela hevi i go kamap long han bilong Nesenel Kot. Na Nesenel Kot i rabisim disisen bilong Wingti gavman long apoinim Mista Lucas olsem seketeri bilong Dipatmen Bilong Atoni Jenerel.

Hia em ol arapela 13 kwesten Mista Haiveta i askim i go long Praim Minista Wingti. Dispela ol kwesten i kamap long tok inglis. Tasol *Wantok Niuspepa* i tanim i go long *Tok Pisin*.

1. Inap long Praim Minista i tokaut olsem gavman bilong em i apoinim Luke Lucas olsem Seketeri bilong Dipatmen Bilong Atoni Jenerel bikos long wanpela pesenel samting na em i mas apoinim Mista Lucas?

2. Inap long praim minista i tokaut sopus em i no go het na apoinim Mista Lucas olsem Seketeri bilong Atoni Jenerel dipatmen, dispela i bin sopus long bagarapim politikel wok bilong em?

3. Inap long Praim Minista i tokaut sopus i tru olsem em i bin kamapim wanpela agrimen wantaim Mista Lucas long opis bilong em (Lucas) long Hagen long stretim sampela samting. Na Mista Wingti i mas go het na apoinim em (Lucas) olsem seketeri bilong Atoni Jenerel dipatmen.

Nu Silan na Australia gat laik long wokbung wantaim PNG

NU Silan na Australia i gat bikpela laik long developim na strongim wokbung bilong tupela wantaim Papua Niugini, Minista Bilong Maining na Petroleum John Kaputin i tokim Palamen.

Mista Kaputin i tok wokbung Papua Niugini i gat wantaim dispela tupela kantri

i mas kamap moa bikpela. Na long wankain taim i mas stap long wankain mak long ol developmen wok na tu long ol arapela eria. Bikos long dispela wokbung, dispela tupela kantri i gat bikpela laik long kam na kirapim ol bisnis wok long Papua Niugini. Mista Kaputin i tokaut long

dispela samting taim em i givim toktok bilong em long raun bilong Praim Minista Paias Wingti long Australia na Nu Silan long mun i go pinis.

Mista Kaputin i tok long narapela mun (Epril), Primia bilong Kwinslan long Australia wantaim sampela min-

ista bilong em bai kam long Papua Niugini long mekim wanpela tukluk raun. Na long mun Mei long dispela yia, Praim Minista Wingti na Praim Minista bilong Australia Paul Keating, bai bung na toktok wantaim ol maining kampani insait long Papua Niugini.

Foapela man Tauta dai long hangre

BEN TAUMAI | raitim

... ol pik bagarapim tru ol gaden kaikai bilong ol pipel

RIPOT bilong wanpela olpela kaunsol bilong ples Simbo long Tauta insait long Madang provins i tok olsem 4-pela pipel long hap i dai pinis. Bikos ol i sot

tru long kaikai. Dispela man, Thomas Gere i bin givim dispela ripot i go long opis bilong ol bagarap long Madang long aste moning.

Em i tok tupela lapun man na tupela pikinini i dai pinis bikos ol i no gat kaikai. Ripot i tok wanpela lapun wantaim wanpela pikinini i dai long Tauta na nara-

pela tupela i dai long ples Barim. Mista Gere i tok ol pipel bilong hap i sot tru long kaikai bikos olgeta gaden kaikai i bagarap. Long taim ol

pipel i bin stap long Ranara kea senta, ol pik i bin brukim banis i go insait na bagarapim olgeta kaikai. Wantok Niuspepa i no inap long kisim toktok

bilong gavman opisa long Tauta bilong tokaut sapos ol ripot bilong 4-pela pipel i dai i tru o nogat. Wankain tu long ol arapela ripot bilong dispela stori.

long hap i bin kisim sik pekpek wara i kam inap long tupela wik i go pinis. Na nau sampela tasol i painim sik yet.

Rot suvim ol pipel long oraitim timba kampani

GODFRIED YASSAFAR | raitim

ROT em i wanpela bikpela samting ol pipel insait long ol rurel eria long Papua Niugini. Rot i save bringim ol i kam long taun, wantaim rot ol i

ken salim ol kes krop olsem kopi, kakao, kopra na tu ol gaden kaikai. Sopos i nogat rot, ol sevis olsem helt, edukesen, wara saplai, sosel

sevis na tu ol arapela sevis bai i no inap i go kamap long ol.

Tude, planti pipel insait long ol rurel eria long kantri i wok long askim ol nesanel memba bilong ol long askim gavman long wokim rot i go

long hap bilong ol. Sampela i kisim kaikai bilong askim bilong ol. Planti i nogat na i wok long askim yet.

Bikos long dispela samting rot tasol na ol pipel bilong Numbo konstituensi long Is Sepik provins i tok orait.

Long wankain ripot, olpela kaunsol ya i tok rot i bungim Tauta na Barim tu i pas pinis na wankain tu long rot i kam olgeta long bikpela haiwe.

Mista Gere i tok bikpela graun i bin bruk na karamapim ol dispela hap rot. Em i tok tu olsem planti pipel

Long narapela ripot, Mista Gere i tokaut tu olsem ol gret 6 sumatin tasol long Tauta komyuniti skul i stat skul pinis. Ol arapela gret i no yet.

Gutnius bilong Tauta em ol pipel nau i wetim bos bilong Opresen Homeng, Kenel Lima Datoana long go lukim ol neks wik.

Ol PTC wokman dai long helikopta

VERONICA HATUTASI | raitim

FOAPELA man i dai long Buka bihain long wanpela Heli Niugini helikopta ol i ron long en i bagarap na pundaun.

Birua i kamap long dispela wik Tunde namel long 10 na 11 klok moning klostu long Maunten Notukou long Solos eria, Buka ailan.

Tripela man husat i dai em ol teknisen bilong PTC. Nem bilong ol em Aloysius Parah husat i gat 44 krismas bilong ples Novah long Buka. Em i wanpela sinia radio teknisen wantaim PTC. Narapela man gen bilong Not Solomons em Gerard Siaka husat i gat 26 krismas. Em i bilong ples Koiare long Torokina eria bilong wes kos Bogenvil. Em i wok olsem wanpela riga wantaim PTC. Na Simon Kakala husat i gat 44 krismas i wok olsem wanpela riga tu wantaim PTC. Em i bilong ples Bitavavar insait long Is Nu Briten provins.

Pailot bilong balus i bin dai tu long dispela birua. Em i wanpela waitman bilong Nu Silan tasol em i kamap wanpela sitisen bilong Australia. Nem bilong pailot em Daryl James Jessop. Wanpela sinia radio teknisen bilong Manus husat i no dai long dispela birua em Joster Pakop husat i gat 44 krismas. Em i kisim bikpela bagarap na ol i bin kisim em i go long Nonga haus sik long Rabaul.

Opis bilong edministretiv seketeri bilong Not Solomons i tok helikopta ya i bin ron long haia bilong PTC long mekim sampela wok painimaut long provins.

Long Tunde moning, helikopta ya i bin ron i go pastaim long Wakunai. Bihain em i go long Kunua long not wes Bogenvil. Orait klostu long em i go pundaun long Maunten Notuko bes long Solos insait long Buka, birua i kamap.

Bikpela edpos projek kirap long Is Sepik

BEVERLY WAIMAN | raitim

WOK bilong kirapim 7-pela edpos na ol arapela sevis olsem bai kamap long Wara Sepik long dispela yia.

Na dispela bai kos inap long K135,000.

Dispela bikpela wok projek i kamap bihainim ol hevi bilong draipela tait long 1991 na 1992. Long dispela taim, bikpela wara i bin bagarapim

haus, gaden, na ol arapela samting bilong klostu 80 tausen pipel.

Ol ripot i tok olsem long 1973 na 1983, wankain haiwara olsem i bin kamap. Na long ol dispela taim, ol pipel yet i strong na stap.

Tasol long 1991 na 1992, ol arapela pipel bilong Australia, Amerika, Jemeni, Fiji, Japan, Saut Korea, Tailen na planti arapela i bin harim krai bilong helpim na i givim han.

Bikpela askim bilong helpim i bin kamap long redio na ol i givim helpim bilong klos, laplap, kaikai mani wantaim planti arapela samting.

Siaman bilong Apil Komiti na tu bilong Nesanel Broadcasting Komisen, Sir Alkan Tololo i bin givim dispela sek mani i go long primia bilong Is Sepik na namba wan seketeri bilong em, Bella Seiloni. Em i tok ol i mekim olsem bikos dispela em i

bihainim tasol tingting na laik bilong ol lain husat i givim helpim mani.

Em i tok mani em komiti i givim nau bilong wokim ol dispela edpos i gutpela bikos em bai stap oltaim na long-pela taim moa.

Long taim em i kisim dispela sek mani, Mista Anisi i tok dispela wok bilong kirapim ol edpos, haus bilong ol edpos odali na wan wan teng wara em i narakain.

Timba royelti mani no inap

i kam long pes 1

apim mak bilong katim diwai long 32 kubik mita, i luk olsem Papua Niugini bai no gat diwai long bihain taim.


Siaman bilong ICRAF wanpela non gavman oganaisesen, Brian Branton i bin tokaut long dispela.

Na taim ol kampani i apim mak bilong katim diwai, ol bai kisim bikpela mani moa.

Mista Branton i tok olsem ol prais bilong diwai i bin go antap. Na ol timba kampani i wok long kisim bikpela mani moa. Tasol royelti mani bilong ol papa bilong graun i no go antap liklik.

"Royelti bilong ol bai stap wankain tasol. Long wanem ol kampani i sainim agrimen pinis wantaim ol papa bilong graun long baim timba bilong ol long K5 o K6 long wan wan kubik mita," Mista Branton i tok.

Em i sapatim tu dispela nupela Forestri Gaidlain. Dispela gaidlain bai givim moa samting i go long ol papa bilong graun. Em bai daunim winmani bilong ol ovasis kampani husat i wok long katim ol diwai. Nau yet ol ovasis timba kampani i wok long kisim bikpela winmani tru na ol papa bilong graun tru i wok long kisim pipia mani tasol.



• Siaman bilong NBC, Sir Alkan Tololo i givim K135,000 sek mani em ol i bungim i go long primia bilong Is Sepik, Alex Anisi. Mani bai go long wok bilong 7-pela edpos long Wara Sepik.

TR 100

TORO WANTAIM OL PORO DRING LONG HAUS BILONG WANWOK BILONG EM...

OLIDRING LONG PRAIDE APINUN I GO SARERE MONING NA TORO WAIALUS OLGETA ...

(Hic!) EH. BRAS... YUANI BRUKIM REKOT LONG DRING TULAIT.

(Hic!) EM NAI... (Hic!) DATS AS!

NAU WANPELA PORO PUTIM KASET BILONG MANDAWALI NA OLGETA MEKIM SAVE LONG DANIS IGO IKAM ...

HIC! AAA YOOOHH!! EM FEIVARET SINGSING YA!

TAIM MANDAWALI SINGIM WANPELA SINGSING OL I KOUIM "SORE LEWA" NA LEWA BILONG TORO I BRUK STRET...

HIC! AAA YOOOHH!! EM FEIVARET SINGSING YA!

EM KIRAP KISIM DOK BILONG WAN WOK NA HOLIMPAS LONG EM NA TUPELA DANIS ...

(Hic!) EM NAI! SNOOOPY!! MIGAT LAIK!!

WOF!! WOF!!

TARANGU DOK YAH BIKMAUS IGO IKAM NA OLGETA NEBA I KAM LUKUK..

WANTOK

Bihainim lo long helpim yu yet

LONG sampela hap bilong kantri, ripot bilong ol man i bagarapim meri i wok long kamap bikpela nau.

Insait long Is Nu Briten long mun Februari tasol, namba bilong ol man i bagarapim meri em i bikpela tru. Na sampela meri husat i kisim taim em ol liklik meri krismas bilong ol i stap long 5-pela yia.

Kantri bilong yumi i laik go bihainim wanem rot nau. Wanem taim bai olgeta man na meri i lainim long kamap olsem ol man na meri tru. Na i no ol enimel.

Ating i mas gat taim nau dispela kain pasin i mas pinis. Bikos sapos PNG i karim nem olsem wanpela Kristen kantri, orait, i mobeta olsem dispela i mas kamap tru.

Toktok bilong Hausing minista, John Jaminan long rabsim ol sekpin i gupela. Tasol sapos PNG i bihainim yet kain pasin long-olsem na i no soim rispek long ol meri na pikinini, ating i mobeta pawa bilong lo i mas kam insait.

Olsem na long stapim kain samting olsem, bikpela wok i stap long wan wan man na meri yet long skelim na stretim samting. Sapos nogat, mipela i no ken kamap bihain na kral long mekim save bilong lo. Bikos lo i stap bilong helpim olgeta man, meri na pikinini. Na i no wanpela man tasol.

Ol ripot bilong Palamen kibung wantaim GODFRIED YASSAFAR

Foren Afeas rausim 21 ovasis manmeri long kantri

NAMBA tu Praim Minista na Minista Bilong Foren Afeas na Tred, Sir Julius Chan i tokaut long Palamen olsem stat long Jenueri 1 i kam inap long Disemba 31 long las yia, dipatmen bilong em i rausim 21 ovasis pipel long Papua Niugini.

Dispela namba i karamapim ol ovasis pipel husat i stap na wok insait long Papua Niugini longpela taim na tu ol lain husat i kam insait long kantri long stap sotpela taim tasol.

Sir Julius i tokim tu Palamen olsem dipatmen bilong em i rausim 12-pela ovasis pipel long i no kisim tok orait na stap long kantri na tu i no kisim tok orait na wok long

kantri. Na tu i no kisim tok orait na i hat tasol na kam insait long kantri.

Em i tok moa olsem ol opisa long dipatmen bilong em i rausim 6-pela ovasis pipel long Jackson Intenesenel ples balus long Mosbi. Bikos dispela 6-pela ovasis pipel i laik kam insait long kantri taim ol i nogat pepa i givim ol tok orait, nem bilong ol i no stap long Visa Lista na tu i raitim ol giaman toktok long kat bilong ol.

Taim em i tokaut long dispela samting, Sir Julius i tok gavman i putim kamap migresen lo long banisim ol pipel bilong Papua Niugini. Na long wankain taim lukim

olsem ol ovasis pipel i no ken kam insait long kantri na mekim ol wok ol Papua Niugini pipel inap long wokim. Na tu long bainisim komyuniti bilong mipela long ol ovasis pipel i kam insait long mekim kain kain pasin nogut em mipela i no laikim i kamap long komyuniti bilong yumi.

"Dispela em i wanpela bikpela samting. Na em i wok bilong dipatmen bilong mi long glasim dispela samting.

Na rausim ol ovasis pipel husat i kam insait long kantri bilong yumi taim ol i no kisim tok orait. Na tu ol lain husat i mekim kain kain pasin nogut," Sir Julius i tokim Palamen.

Em i tokim Palamen olsem nem na poto bilong dispela ol ovasis pipel dipatmen bilong em i rausim long kantri, bai stap long Visa Lista. Na sapos dispela lain i laik kam insait gen long kantri, ol opisa bilong em bai i no inap larim ol long kam insait long kantri.

Na tu em i tok olsem ol opisa long dipatmen bilong em bai salim nem na poto bilong dispela lain i go long olgeta ovasis misin bilong Papua Niugini. Sapos Papua Niugini i nogat ovasis misin long wanpela ovasis kantri, ol opisa long dipatmen bilong em bai salim dispela Visa Lista i go long dispela kantri i gat ovasis misin bilong Australia.

Micah givim nau ripot bilong Bai-patisen Raun bilong Sir Julius long Pasifik

i kam long pes 1
i bin skelim tu ol toktok i stap insait long Hesingut na Pokawin na Bai-patisen ripot.

Long ol toktok bilong em long dispela wik, Mista Micah i gat strongpela bilip olsem em bai kisim bikpela sapot long Palamen. Bikos ol senis em i laik kamapim bai banisim na stapim dispela kain pasin bilong yusim krangi pawa em ol bikman i gat long en.

Sapos Palamen i oraitim dispela bil, ol bai rausim nem bilong provinsal gavman na kirapim ol provinsal atoriti na lokol gavman long olgeta provins.

Bihainim ol senis, opis bilong primia, provinsal spika na rijonal memba bai kamap wanpela. Man husat bai lukautim ol wok nau em rijonal memba na em bai holim tu wok olsem siaman bilong provinsal atoriti.

Mista Micah i tok sapos dispela rijonal memba i kisim wanpela wok minista long nesanel gavman, orait, dispela wok bilong siaman bai go long namba tu siaman.

Provinsal atoriti bai karamapim rijonal memba husat i siaman, olgeta open memba, ol bos bilong ol lokol gavman wantaim ol arapela memba em ol i makim long en.

Orait lokol gavman bai karamapim presiden, ol wud memba na ol memba em ol i makim long en.

Wok bilong ol provinsal gavman i bin kirap long 1976 taim Not Solomons provins i bin toktok strong long kisim independens. Long dispela taim tu, gavman bilong Somare i lukim olsem em i wanpela rot bilong tilim na givim pawa i go long ol pipel yet long stretim ol hevi bilong ol.

I no longtaim, olgeta arapela provins tu i kisim na bihainim dispela pasin bilong ranim gavman. Tasol long dispela taim i kam inap nau, hevi bilong ol lida i yusim krangi pawa na pablik mani i bin bikpela tru. Olsem na Nesanel Eksekutiv Kaunsil i bin rausim wok bilong provinsal gavman.

Mista Micah i tok em i laikim olgeta pipel bilong PNG long klia olsem ripot bilong ol dispela senis i redi pinis. Na dispela senis bai rausim wok bilong ol provinsal gavman na kamapim ol nupela kain gavman long pinis bilong mun Jun.

Tasol em i tok ol primia bai stap wok yet inap long taim bilong holim ol nesanel ileksen long 1997. Na bihain long ileksen, ol primia wantaim olgeta provinsal gavman bai pinis olgeta.

Wanpela narapela bikpela senis em long rausim wok bilong ol bos bilong ol gavman dipatmen long provins. Em i tok aninit long nupela lo, ol bos bilong wan wan dipatmen bai holim wok olsem ol edministreta. Na olgeta bai kam aninit long wanpela bos bilong dipatmen tasol long Mosbi hetkwa-ta.

Piksa bilong dispela samting nau i kamap long Manus. Na ol ripot i tok em i wok long ron gut tru. Nesanel Kapitel Distrik tasol bai gat wanpela meya. Dispela i kamap bihainim ekt bilong Palamen olsem bai NCD inap wok em yet. Na em i no ken bung wantaim Sentrel provins.

Sir Michael askim long K203,000 bilong ol kaunsil long Is Sepik

MEMBA bilong Is Sepik, Sir Michael Somare i laik save long wanem hap em mani nesanel gavman i makim bilong ol lokol gavman kaunsil long provins i stap nau long en.

Ol i save kolim dispela kain mani olsem Minimam Ankondisinel Gren (MUG). Na gavman i bin makim K203,000 bilong givim i go long ol lokol gavman kaunsil long Is Sepik.

Tasol long ol ripot em i kisim, Sir Michael i tok dispela mani i no bin go long ol kaunsil long hap.

Olsem na long las wik Fonde, Sir Michael i tromoi dispela askim long plua bilong Palamen. Bikos em i laik save long wanem hap tru em dispela mani i stap nau long en.

Em i askim minista bilong Fainens na Plening, Masket langalio long

dispela mani em gavman i makim long 1993 baset bilong go long wok bilong ol 12-pela lokol gavman kaunsil long provins.

"Tasol long save bilong mi, provinsal gavman bilong Is Sepik tu i no kisim dispela K203,000.

"Olsem na provinsal gavman yet i givim mani bilong en i go long wok bilong dispela 12-pela kaunsil. Na dispela i bagarapim baset bilong provinsal gavman."

Sir Michael i tromoi askim tu long minista long wanem taim nesanel gavman bai givim Is Sepik dispela mani.

Tasol long bekim bilong em, minista langalio i tok em bai sekap long dispela na tok save long Sir Michael long bihain taim.

WANTOK

NIUSPEPA BILONG OL PAPUA NIUGINI STREET

P.O. Box 1982 BOROKO
Telepon Namba: 25 2500
Feks Namba: 25 2579

PE BILONG WANPELA YIA 52 NIUSPEPA

PLES	AIR
Mosbi	K30.00
Arapela PNG eria	K60.00
Australia na Nu Silan	K92.00
Esia pasifik na Japan	K123.00
Amerika na Yurop	K180.00





Pasin raskol kamap bikpela long Vanimo

HEVI bilong raskol i wok long kamap bikpela nau long Vanimo taun insait long Wes Sepik provins.

I gat ripot bilong tupela bikpela trabel i kamap. Wanpela em long taim sampela man i stilim mani bilong Westpac Beng na narapela em long taim ol man i kisim mani bilong Woks Dipatmen.

Presiden bilong Vanimo lokol gavman kaunsil na kaunsol bilong ples Vanimo, Gerald Kubon i tok dispela i kamap bikos ol bikman i slip tumas.

Em i tok provinsal gavman wantaim ol lain bilong provinsal pis na gut oda komiti i slek yet. Olsem na long tupela wik i go pinis, sampela man i bungim

na paitim bos bilong Air Niugini Vanimo opis, Harry Irew.

Long dispela birua, Mista Irew i kisim bikpela bagarap long het bilong em na i slip nau long haus sik.

Mista Kubon i tok ol pipel bilong ples i bilip olsem ol i save long wanem hap ol dispela lain bikhetman i stap long en. Tasol ol i lusim

samting long han bilong lo long stretim pastaim. Sapos i no inap, ol yet bai kirap na mekim samting.

"Mi bin toktok pinis bipo wantaim provinsal gavman na bel isi komiti. Tasol no gat wanpela samting i kamap yet. Ating ol i laikim wanpela o tupela man long dai pastaim."

Mista Kubon i skruim toktok olsem long stapim kain hevi olsem, ating i mobeta long gavman i rausim ol lain husat i no gat wok i go bek long ples bilong ol.

Na dispela em i wanpela samting ol pipel bilong ples yet bai mekim sapos ol bikman i no stretim dispela hevi kwiktaim.

Ripot tokaut olsem ol 18 BRA memba dai pinis

VERONICAL HATUTASI i raitim

SAMTING olsem 18 memba bilong Bogenvil Revoluseneri Ami (BRA) i dai insait long tupela wik bihain long pait namel long ol wantaim ol soldia bilong resisten/seykuriti fos. Ol birua ya i kamap long sentrel na saut Bogenvil.

Orait long hap bilong Aita insait long Wakunai, 10-pela BRA memba i bin dai long las wik bihain long ol sekyuriti fos wantaim ol resisten soldia bilong hap i banisim ol long ples Kakarapia klostu long Red Riva bris. Ol i bin kilim tripela bilong ol pastaim.

Bihain long ol i go bek long karim bodi bilong ol lain husat i dai ol sekyuriti fos na resisten paita i sutim gen 6-pela moa BRA memba.

Ol ripot i kam long opis bilong Stet

minista na Bogenvil Afeas i tok planti taim ol dispela lain man i bagarapim bris long Red Riva.

Long wankain taim tu, 5-pela strongpela BRA lida i dai pinis long hap bilong Buin bihain long pait namel long ol na sekyuriti fos wantaim ol resisten paitman. Ol ami na resisten soldia i banisim ol gut na sutim ol. Birua i kamap klostu long Buin taun.

Ripot i tok wanpela BRA i bin dai long Februeri 16. Na narapela 4-pela long Februeri 17.

Sampela ripot i kam long hap bilong Siwai i tok tripela lain BRA i bin dai las wik klostu long Boku. Wanpela pait namel long ol BRA na resisten/seykuriti fos i bin kamap long hap. Na ol i sutim dai tripela BRA memba. Ol i no tokaut yet long nem bilong ol.

Bulolo singaut gen long Nalau

ARI GUH DANDEE i raitim

NARAPELA singaut gen i go nau long lapun bilong Morobe na rijonal memba, Jerry Nalau long tingim tu ol pipel bilong Bulolo.

Dispela singaut i bihainim namba wan singaut long sampela taim i go pinis long memba i mas lukluk gut long ol pipel bilong hap. Na em i no ken tingting long giamanim na yusim ol tasol long kisim sapot.

Man husat i mekim dispela singaut, Tony Giding i tok Mista Nalau i mas tingim gut ol pipel bilong Bulolo. Bikos long taim bilong kempen, em i bin kisim bikpela sapot bilong em i kam long hap.


Mista Giding i tok long taim bilong kempen, rijonal memba i bin wokim planti gris toktok tru bilong kisim sapot bilong ol pipel long Bulolo open ilektret.

"Tasol ol dispela tok promis bilong Mista Nalau i no kamap, maski em i no stap tu long gavman," em i tok.

Kanage i save wok long Tang Mou stua long Wewak. Wanpela taim em i kam ausait long stua na stretim tingting long wanpela buai bilong ol Kofaik i stap. I no longtaim na wanpela yangpela meri i wokbaaut i kam. Kanage kirap na askim dispela yangpela meri ya: Hei susa, yu go we? Meri ya i no harim gut na tokim Kanage: Mi bilong Gateway. Kanage i paul na askim em gen: Gateway em long we? Na meri ya bekim: Em yu save pinis, K92 tasol. Kanage i harim meri ya tok olsem na em i lap nogut tru na tok: Yufela, K92 em bikfela tumas ya. Inap yu tekewe i kam daun long K2 na mi ken limlimbur long long ples bilong yu Gateway? Meri ya paul ogeta na kirap bikmaus long Kanage: Mipela ol meri Kainantu i no bilong K2. Mipela i bilong K92 em i gat Gateway bilong Hailans i stap long en. Na i no bilong yupela ol Wara (Sepik) na ol arapela nambis man. Kanage harim olsem na tokim meri ya olsem: Tru tumas. Olsem na hevi bilong wanpela beg kaukau tu ya i no save isi-bikfela moa yet.

Russel R Harry
Jailbird, KAINANTU

INSTANT GREASE STRIPPER



**ISI WE
LONG KLINIM
OL DIS NA SOSPEN
BILONG YU!**

TU MINIT TINGTING

OL TUMBUNAN NA DUKDUK I HAITIM YUMI

LONG Sepik yumi gat pasin bilong hait insait long tumbuan long taim yumi wokim sampela spesel singsing. Ol man i sapim pes bilong tumbuan long wanpela hap diwai na ol i wokim tupela hul bilong ai. Man i save haitim pes bilong em insait long dispela kaving na nau ol man i karamapim em wantaim liklik rup kunai. Nau em i save wokabout na pretim ol manki bilong ples.

Long Rabaul ol Tolai pipel i gat wankain samting ol i kolim dukduk. Hia tu wanpela man i go insait long wanpela hip kunai i gat tupela ai long en, na dukduk ya i save danis nabaut. Man i stap insait i save bilip em i kisim spesel pawa long tumbuan o dukduk, ol i no save toktok liklik. Nogut ol arapela man i save husat tru i stap insait.


Long taim yumi singsing, yumi save penim pes bilong yumi long ol kain kain kala bai yumi kamap narakain. Long taim bilong pait, wantaim moa yumi laik haitim pes. Olsem na yumi

karamapim pes long blakpela sit bilong paia. Long taim ol raskol i go bilong stil na mekim olkain pasin nogut bilong ol, ol tu i save haitim pes bilong ol.

Long Tunde i go pas long Len, long sampela kantri bilong Yurop ol manmeri i save pati na karamapim pes bilong ol long olkain fani pes giaman. Long las de bilong mun Oktoba, ol manki long Ingran na Australia na Amerika i save werim ol dispela kain fani pes bilong haitim ol yet. Em i wanpela pilai bilong ol.

I luk olsem: long sampela taim yumi olgeta i laik haitim pes bilong yumi. Na planti taim yumi laik haitim tingting bilong yumi. Yumi save werim spesel kain dres o trausis o su o singlis. Yumi stailim gras bilong yumi. Yumi penim kapa bilong ol pinga. Yumi so op. Ol liklik pikinini yet i laik wokabout wantaim bikpela slipa bilong mama.

Bilong wanem na yumi save mekim ol dispela kain samting? Bilong wanem yumi no laik bai ol arapela manmeri i ken save



FRANK MIHALIC i raitim

yumi husat tru, o yumi wanem kain man o meri tru? Laip bilong yumi i karamap na i hait long planti kain pasin. Long skul yumi no laik bekim ol askim bilong tisa. Yumi sem; nogut ol sumatim i lap. Long haus lotu yumi save hait long kona. Long taim yumi sainim nem, yumi save haitim em tru bai ol arapela i no inap ritim. Bilong

wanem?

Ating em i bikos yumi save wari tumas long tingting bilong ol arapela manmeri, na yumi no save wari long yumi husat tru. Yumi save kalabus insait long ol dispela bilas samting yumi save yusim bilong haitim yumi yet. Yumi no fri long tingting na toktok na lap na kraik na bihainim laik bilong yumi. Yumi pret long stap yumi yet.

Tasol God i laikim yumi olsem tasol. Yu mas ritim Sam 139 na bai yu inap amamas long ol naispela samting God i save painim insait long yu. Ritim pinis, nau yu ken amamas long stap yu yet - maski ol bilas na trik karamap na hambag samting. Maski long traime senis na kamap narapela man o meri. Mobeta yu stap yu yet.

I gat wanpela stori bilong daunim dispela wari bilong yumi long kamap narakain. Wanpela grup animel i bung wantaim na i statim wanpela nupela kain skul. Wan wan animel i laik stadi na skul long wanpela

nupela pasin em i no save long en.

Orait. Pato, em saveman bilong swin, em i skul nau long resis na ron hariap. Sore, em i no inap. Na tu, long taim em i taitim bun long prektis, em i lus tingting long pasin bilong swin.

Dok em i save ron hariap tru, tasol em i laik skul long flai olsem balus. Em i traime na em i pundaun na i brukim lek bilong em. Nau em i wokabout kranki na i no inap ron olgeta.

Koki i save flai nambawan tru, tasol klostu em i lus long taim em i skul long swim long wara.

Bihain long ol dispela spesel kos na skul i pinis, olgeta animel ya i no bin lainim wanpela nupela samting. Long wanem, bodi bilong wan wan em i no inap.

Dispela stori i skulim yumi olsem: yumi mas stap yumi yet. Yumi no mas mangal long kamap narapela kain samting. Nogat. Bai yumi paulim laip bilong yumi. Yumi mas hepi bikos yumi stap yumi tasol.

Lotu komiti glasim ol sampela senis insait long Lutheran Sios

SANANG ZAZORING i raitim

LOTU komiti bilong Yabim distrik insait long Evanjelikel Lutheran Sios bilong Papua Niugini (ELC-PNG) i bin holim wanpela bung long Bundun konpres senta.

Bung ya i bin stat long

14 Februari na pinis long de namba 18 bilong dispela yia yet. Long bung, komiti i bin skelim pasin bilong lotu nau i stap insait long Yabim distrik na Lutheran Sios long kantri.

Long wankain taim,

as tingting bilong komiti long holim dispela bung i sut long pasin bilong lotu bihainim wanem skul na mak i stap long Buk Baibel.

Dispela komiti i bin kamap bihain long bung bilong ol pasto bilong Yabim distrik long 1992. Long bung bilong ol, ol pasto i givim wok long dispela

komiti bilong glasim gen pasin bilong lotu insait long Lutheran Sios. Na long wankain pasin, ol bai skelim wanem rot bilong senisim sampela pasin bilong wokim lotu.

Long lukluk bilong ol pasto, ELC-PNG nau i bihainim yet olpela lotu buk na planti manmeri i save sutim toktok

olsem Lutheran Sios em i indai sios.

Komiti i tokaut olsem long bihainim wankain pasin bilong lotu long olgeta Sande i soim olsem lo i banisim ol Kristen long bihainim wankain pasin long lotu bilong ol.

Tasol long lukluk bilong ol, lotu i mas sut long senis insait long laip bilong ol Kristen. Sampela piksa bilong ol dispela senis em long taim bilong Krisimas, Gut Fraide, Ista na olkain de olsem.

Long ol dispela taim i mas gat senis long stail bilong lotu, em i no ken wankain olsem long olgeta arapela Sande.

Bihainim rot bilong Lutheran Sios, sapos em i taim bilong amamas o taim bilong givim tenkyu ofa long God, orait, dispela tu i mas gat lotu stail bilong em yet. Long sampela taim, lotu i mas sot liklik bikos ol manmeri i save les long sindaun na sanap longpela taim tumas insait long haus lotu.

Dispela komiti nau bai stretim wanpela ripot bilong givim long taim ol pasto bilong distrik i bung. Na sapos em i gutpela, ol pasto bai givim long mama sios bilong glasim na kamapim sampela senis insait long wok lotu bilong

Lutheran Sios.

Long wankain taim, ol i tok olgeta samting i kamap insait long lotu i mas bihainim Tok bilong God long Buk Baibel tasol.

Long las yia, komiti i bin toktok tu long dispela samting. Na ol i tok olsem lotu bilong sios i mas sut long tripela bikpela mak bilong Lutheran Sios. Ol dispela mak em Marimari tasol, Bilip tasol na Baibel tasol.

Ol i strongim tu toktok olsem lotu em i kamap long tok ples bilong wan wan lain pipel yet bai gat bikpela mining long ol pipel. Olsem na em i mas kamap long tok ples anit long stia bilong Tok bilong God.



• Sampela memba bilong Yabim distrik lotu komiti i sanap i stap ausait long Bundun konpres senta. Ol i bin bung na toktok long kamapim sampela senis long pasin bilong lotu insait long Lutheran Sios.

Yunaited Sios holim yut kodineta kos

WANPELA rijonal woksop bilong ol yut kodineta i wok long kamap nau long ples Tubuserea klostu tasol long Mosbi siti.

Dispela em i namba wan taim Yunaited Sios i kamapim dispela kain kos.

Modereta bilong Yunaited Sios Reveren Edea Kidu i opim dispela woksop long Sande, Februari

27. Na em bai pinis long tumora, Mas 4.

Nainpela yut kodineta i stap long dispela woksop. Ol i makim ol rijon bilong Yunaited Sios insait long PNG na Solomon Ailan.

Ektong yut kodineta bilong asembli i go pas long dispela kos. Man ya em Gogobe Mairi.

LOTU Bahai i lukim olsem gutpela helt na sindaun bilong ol mama wantaim pikinini long kantri em i wanpela bikpela samting tru.

Bilong helpim ol i kisim gutpela save long pasin bilong sindaun gut na daunim ol kain kain sik, lotu Bahai i wok long ranim ol developmen program long planti hap bilong kantri.

Long mun Februari, ol i bin holim samting olsem 16 nesanel konpres insait long 9-pela provins. Em long Sentrel provins, Nesanel Kapitel, Kimbe, Sepik, Madang, Madina long Nu Ailan, Gudina long Milen Be, Rabaul long Is Nu. Briten na long

Lae.

Bikpela tingting bilong ol bung ya i sut long givim gutpela skul long ol pikinini na skul sumatin.


Lotu Bahai i laikim ol pikinini i groap long ples na kamap ol gutpela manmeri bilong komyuniti na kantri.

Ol i laikim ol long bihainim gut lotu Bahai. Na tu long harim tok na helpim ol papamama em i bikpela samting long skul bilong Bahai i go long ol pikinini. Bikos planti hevi na trabel long komyuniti i kamap long ol pikinini i no kisim gutpela skul long ol papamama bilong ol.

Helt em i wanpela long ol bikpela samting tu ol i bin lukluk long en.

AIR NIUGINI EXPLORER FARES

AIR NIUGINI DAUNIM PRAIS BILONG BALUS GEN



BRISBANE

EX POM RETURN

K399

Was K846 Save 52%

SYDNEY

EX POM RETURN

K499

Was K1,036 Save 52%

Kirap na yumi go nau, Brisben na Sidni kamap klostu pinis. Dispela nupela pe bilong balus i moa moa yet na yu i no inap givim baksait long en. Nau wantaim ol arapela nambawan pe bilong balus, Air Niugini i givim stret dispela sans bilong yu long go limlimbur na pinisim laik long Sidni na Brisben.

Mipela i katim bikpela mak bilong pe na nau em i kam daun tru winim bilong ol yia bipo. Air Niugini i gat bikpela laik long kirapim wok turis insait long Papua Niugini bikos dispela kantri i pulap long kain kain samting em ol turis bai laik lukim. Na long wankain taim, Air Niugini i laikim olsem ol pipel bilong PNG i mas gat isi rot bilong go limlimbur long narapela kantri. Bikos long dispela rot, ol bai kamap olsem ol mausman bilong kantri long olgeta hap bilong graun.

Sapos yu laik bukim sit long dispela spesel prais, kisim tasol telefon na ringim namba 27 3444 o 27 3555 na askim long wanpela sit. Sapos yu laik, yu ken bukim tu sit bilong balus wantaim Travel Agen bilong yu, tasol yu mas baim tiket insait long 48 aua.

Ol lain husat i stap long ol narapela hap bilong kantri i ken kisim dispela spesel 30 pesen diskaun o ol narapela spesel pe bilong ron long balus. Olsem bai ol inap sevim planti mani.

Dispela spesel ofa bilong Air Niugini i bin stat pinis long namba 22 de bilong mun Februeri (las mun) na bai pinis long namba 21 de bilong mun Me long dispela yia yet.




Air Niugini

Conditions apply. Subject to Government Approval.

Phone Air Niugini Telephone Sales 27 3444 or 27 3555 or your travel agent for full details.

HEREFORD



CORNERED BEEF

THE GREAT CORNERED BEEF TO REEF GIVEAWAY

C O M P E T I T I O N

Nau em sans bilong yu long limlimbur i go long Kens, Australia wantaim pren bilong yu. I gat fri haus bilong silip na K500 spending mani bilong yusim tu, o sapos nogat, bai yu winim wanpela kala televisen, maikrowev aven, redio kaset o moa long 10,000 narapela praises.

Raitim nem na adres bilong yu tasol long baksait bilong tri-pela karamap pepa bilong **Hereford Corned Beef tinmit (200g)** na salim i kam long: **The Great Beef to Reef Giveaway Competition.**
P.O. Box 635, Boroko. NCD. PNG.


Bai yu winim stret wanpela bilong ol dispela hamas tausen gutpela na kwaliti "T" siot,

ambrela, bia kula o fri katen bilong ol dispela maus i wara na gutpela PNGMEID, **Hereford Corned Beef** abus.

Nem wantaim adres bilong yu bai go insait long Bikpela Dro long yu bai gat sans long winim dispela amamas limlimbur i go long Kens, o ol arapela nupela lektrik pawa prais.

Dispela bikpela prais bai ol i tokaut long Redio Kalang long 26/3/94.

So traim dispela swit teis bilong **Hereford Corned Beef** insait long 200g tin na salim i kam na **WIN** wantaim **Great Corned Beef to Reef Giveaway Competition!**



CONDITIONS OF ENTRY

There is no fee for entry and all entries become the property of the Hugo Canning Group. All entries must be lodged in a single envelope and must be received by Hugo Canning Pty. Ltd. no later than last mail on Friday, 25th March, 1994. Each entry must contain three (3) original Hereford Corned Beef labels from the 200g can, with the senders name and address clearly printed on the back of each label. The judges decision will be final and no correspondence will be entered into. Subject to these conditions, the contest is open to everyone except employees of the Hugo Canning Pty. Ltd. and its subsidiaries, and Craft Works Pty. Ltd. Entrants must be Papua New Guinean residents. The prize must be taken prior to December 1994. Only the first 10,000 (Instant Prize winning) entrants are eligible for the major prizes draw. If through over-booking or for any other reason a nominated hotel, resort or means of transport is unavailable, the Promoter reserves the right to alter departure date and/or substitute a similar sector of the same standard and value. The prizes are non-transferable and non-redeemable for cash. The winner will be notified by mail and his/her name published in The Post Courier 28/3/94 and announced live at time of draw on Radio Kalang 26/3/94. Submission of an entry or receipt of any prize will not create a legal relationship between the entrant and the prize sponsors and submissions of any entry constitutes acceptance of the above rules and conditions.

10,000 PRIZES MUST BE WON!



NAMBA WAN


TRAK

TOYOTA 6000

TEAM UP WITH TOYOTA

Ol Toyota Trak i fit long raun long ol rot insait long Papua Niugini. I gat spesel tripel fran waipa bilong helpim draiva long lukim gut rot long taim em i ran long bikpela ren. I gat strongpela Toyota disel pawa na ful sapot bilong Toyota Genuine Parts na Quality Service Centre i stanbai oltaim long helpim Toyota Trak bilong yu.

PORT MORESBY 229400 • LAE 422322 • RABAUL 921988
MADANG 822188 • GOROKA 721844 • MT HAGEN 521888
WEWAK 862255 • KAVIENG 942132 • KIMBE 935155
TABUBIL 589060 • VANIMO 871254 • PORGERA 579367





Taitim rot bus...Ol dispela lain 5-pela ya i no wari long graun o wanem. Long ples em kain sindaun na stail laip olsem i stap. Bikos no gat wanpela man o meri o pikinini bai sot long wanpela samting. Lukim long poto, naip wantaim diwai i no mak bilong go long pait. Ol dispela lain man i go limlimbur pinis long bus na kam bek insait long lsten Hailans provins. *Poto: Sape Metta.*

Mis PNG na Red Cross kisim sapot long Wewak

GODFRIED YASSAFAR i raitim

LONG las wik Trinde na Fonde, Mis Papua Niugini Sharon Onsa i bin go long Wewak taun long wanpela bikpela bung bilong Red Cross Apil.

Bikpela haus sik long Wewak taun, Boram Jenerel Hospital i bin holim dispela bung. Na ol i askim Mis PNG bilong go long Wewak na stap insait long dispela bung.

Tupela sista long Boram haus sik i bin go pas na stretim ol samting bilong dispela Red Cross Apil bung. Dispela tupela sista em Sista Helen Pitius na Sista Scholastica Sak. Bikpela sapot i bin kam long tupela Dokta, Dokta Lalam na Dokta Warangi.

Insait long dispela tupela de taim em i stap long Wewak, Mis

Onsa i raun na lukluk long tripela skul insait long taun. Dispela tripela skul em Passam nesenel haikul, Kaindi tisa koles na Yarapos haikul. Yarapos Haikul em i wanpela haikul bilong ol meri tasol insait long Is Sepik provins.

Long Fonde nait, Rotari Klab long Wewak na Red Cross i holim wanpela bikpela bung long Yot Klab. Planti manmeri tru i bin kamap long dispela bung. As tingting long holim dispela bung em long bungim sampela mani bilong helpim Red Cross Sosaiti.

Deputi primia bilong Is Sepik, Martin Apinigi long toktok bilong em long dispela bung, i askim Wewak taun komisen long lukluk na givim helpim i go long Red Cross. Na tu long painim sampela kain gutpela rot bilong kisim mani long givim helpim i go long ol trangu pipel.

Memba bilong Wewak taun na tu provinsal minista bilong Fainens na Plening, Mis Laura Martin tu i bin stap insait long dispela bung.

Olgeta samting i bin kamap gut tasol. Bikos ol plisman i mekim bikpela wok long lukim olsem stap bilong Mis Onsa long Wewak i gutpela. Na long wankain taim no gat hevi i kamap long bagarapim lukluk raun bilong em.

Wantok Niuspepa i no inap kisim mak bilong mani em Rotari Klab na Red Cross i kisim long Fonde nait.

Helt inspekta pasim haus slip long Aitape haikul

FELIX RAMRAM i raitim

OL skulmeri bilong Aitape haikul i no moa yusim wanpela haus slip bilong ol.

Bikos haus slip i bagarap tru na provinsal helt inspekta i pasim dispela haus slip bilong ol meri.

Olsem na moa long 30 meri sumatin bilong skul i slip nau long wanpela haus em skul i save yusim long putim ol samting bilong wok olsem sawol, sarep, naip, tamiok na ol arapela samting olsem.

Ol ripot i kam long Aitape i tok olsem Helt Inspekta, Simon Muanli i givim ol bikman bilong skul inap long 6-pela wik bilong stretim dispela hevi. Sapos nogat, em bai tambuim olgeta dispela haus slip na no gat sumatin bai stap moa long en.

Het tisa bilong skul, Robert Miroi i tok wanpela bikpela hevi em ol pos bilong haus slip ya i surik i go aninit nau long graun malmalum. Na dispela i mekim haus i slip krungut, wanpela sait i stap antap na narapela i narapela i go daun.

Narapela ripot i tok dispela hevi i stap winim tripela yia pinis. Tasol no gat wanpela samting i kamap long en.

Resis bilong klinim taun kirap gen long Madang

BEN TAUMAI i raitim

MADANG taun kaunsil i kirapim gen resis bilong klinim na planim ol gutpela plawa long mekim taun i luk nais na gutpela.

Kuskus bilong taun kaunsil, James Una i tok ol i laik statim gen dispela resis bikos dispela em i wanpela gutpela rot bilong ol papa bilong ol haus long klinim gut ol haus bilong ol. Na helpim taun kaunsil long mekim ples i luk moa gutpela na naispela.

Mista Una i tok ol bai kisim prais i go long ol haus em ol i gat ol gutpela plawa long ol na tu i luk klin. Ol prais em i tok bai kam aninit long 7-pela grup. Dispela 7-pela grup em wan wan institusen ol komyuniti skul, haikul, bisnis haus, inta mitiet haus, lokos haus na hai kavnen haus.

Sampela prais ol bai givim long ol papa bilong haus em ol sarep, fok bilong dikim graun, spet, lon mowa na rek.

Mista Una i tok long nau yet, ol bai salim ol wokman bilong taun kaunsil i go raun na sekim ol haus na givim ol poin. Bihain ol bai putim olgeta poin bilong wan wan haus wantaim na givim ol prais long mun Septemba long dispela yia.

"Dispela em i gutpela taim bilong mipela long givim ol prais. Bikos planti manmeri bai bung na dispela i ken kirapim tingting bilong ol long lukautim haus bilong ol tu," Mista Una i tok.

Long bipo, Madang taun kaunsil i save holim dispela resis. Tasol em i bin pundaun long 1980. Na nau ol i laik kirapim gen dispela samting.

Long wanpela tok save bilong ol long las mun, Madang taun kaunsil i bin tokaut olsem ol i no inap katim gras long rot klostu long fran bilong ol haus. Bikos em i wok bilong ol papa bilong haus long klinim fran bilong ol haus bilong ol.

Ol yut lida tokaut olsem senis bai helpim ol yangpela

SANANG ZAZORING i raitim

WANPELA bung bilong ol yut lida, ol yut memba na ol pasto bilong Luteran Sios i bin kamap long Bunbun konprens senta long Mumeng, Morobe provins.

Dispela bung i bin stat long 14 Februeri na pinis long de namba 28, em inap long tupela wik olgeta. Namba bilong ol lain husat i kamap em inap long 15 man na ol i bin kisim trening long wok olsem ol yut lida.

Long trening, bikpela toktok bilong ol yut i bin bihainim dispela askim bilong wok lida bai go olsem wanem. Bekim bilong en i kamap olsem ol yut lida i mas

save na bihainim rotmak bilong ol trupela lida insait long ples na komyuniti.

Bikpela tingting bilong bung i sut long kirapim wok yut insait long grasrut na kongrigesen mak. Na kain progrem olsem i narakain olgeta long progrem bilong ol yia bipo.

Bung i painimaut tu olsem aninit long yut progrem bilong nau, Luteran Sios i ting olsem em i liklik samting na i no wok strong long kirapim na helpim wok bilong ol yut insait long kongrigesen.

Ol yut lida i tokaut strong olsem olgeta samting i mas stat long daunbilu. Wankain

tasol, wok bilong ol yut i mas kirap long kongrigesen na i go antap long nesenel mak.

"Planti taim ol yangpela i save ting olsem nesenel yut opis bai helpim ol wantaim mani na olkain samting bilong wok. Tasol dispela long planti taim i no save wok," ol yut lida i tok.

Ol i tok long dispela kain luksave, ol yut i no save tingting strong tumas long kirapim wok na helpim ol yet.

Olsem na long kos, ol yut lida wantaim ol arapela yut memba i lainim pasin bilong painim mani ol yet, kirapim ol wok projek na sapotim dispela wok bilong ol.

Tasol ol tu i no klia tumas long wanem

hap bilong kisim mani bilong kirapim ol wok. Olsem na wanpela rot tasol em bilong kisim helpim long olgeta mak bilong komyuniti, seket, distrik na nesenel opis.

Long wankain taim, ol yut lida i bin luksave tu long sampela hevi em i save kamap na bagarapim wok bilong ol yut. Wanpela bikpela hevi em long taim yut lida i save senis klostu klostu na ol tingting bilong wok tu i senis wantaim nupela lida.

Olsem na ol i tok wok yut i no inap kamap gut inap sampela senis i kamap insait long olgeta hapmak bilong sios. Na ol yut yet i mas stap na wok olsem hap bilong sios.



• Ol dispela lain man na wanpela meri i bin kamap long lidasip kos bilong ol yut lida long Mumeng. Kos ya i bin stap inap long tupela wik olgeta.

**Give it
to me!**



trukai

**GIVE ME STRENGTH!
GIVE ME HEALTH!**





Ples pilai i kamap bipo... Juan Antonio (long name)presiden bilong Intenesenal Olympic Komiti i go lukluk raun long wanpela ples long Sarlevo ol i kollim Allja Izetbegovic. Dispela ples em ol i bin holim 1990 Winter Olympics. Tasol nau bikpela pait i stap long Bosnia. Long dispela yia 1994, pilai i kamap long kantri Norway.



Lida i malolo nau... Ol manmeri long Ivory Coast long Afrika i holim piksa bilong Presiden bilong ol Felix Boigny husat i dai long Desemba. Ol i wet tasol long lukim bodi bilong em na bihain bai ol i planim. Taim presiden i dai, ol i holim bodi bilong em i stap Inap long las wik Mande na ol i planim.



Bikpela pait long Kabul... Ol manmeri bilong Kabul i ranawe i go ausalt long blaktaun ya. Long wanem i gat bikpela pait i stap nau. Ol toktok i kamap olsem pait bai pinis tasol long las wik Trinde, wanpela bom i pundaun na kilim 13 manmeri olgeta.




Klostu taim nau... Wanpela bikman long ami bilong Serbia, Komanda Jenerel Ratko Mladic i sanap wantaim ol narapela bikman bilong ami na sekim klok bilong em. Dispela em long taim ol i kism tok save olsem ol Yunaited Nesens bai bomim ol sapos ol i no pinis long pait.



Mipela laikim independens... Ol Sulu paltman bilong Saut Afrika i wok long wokim ol singsing bilong pait long las wik Mande. Ol i redi tasol long harim King Goodwill Zwelthini i toktok long ol Zulu bai kism independens.



Kaikai i kam nau... Ol ilklk ol manki long Sarlevo i sanap raunim wanpela soidja bilong Yunaited Nesens husat i wok long tllim ol kailkai. Bikpela pait i stap long Sarlevo na planti manmeri na pikinini i no gat kailkai nau.




Skul fi mani kamapim kros...Ol pipel long Paris long Frans i mas i go long gavman haus long protes long nupela polisi bilong gavman. Gavman bilong Frans i no nap givim ol pipel bikpela helpim moa long baim skul fi.



Redi tasol long resis...Meri ya Tonya Harding bilong Amerika i save ski long ais. Em bai resis wantaim ol narapela long Olympic Winter Games. Olympic Winter Games i long Mande. Na Tonya i winim wanpela gol medol long resis bilong ron antap long ais.



Ol Sebia bai kisim taim nau...Ol woa balus bilong Ingran i stap antap long wanpela dralpela sip arere long Adriatik solwara. Ol i wet tasol long tok orait bilong Yunaited Nesens long tromol bom long ol Sebia husat i wok long bagarapim yetol Bosnia.



Kaikai i hat yet...Ol lapu manmeri long Sarlevo i sanap long lain na redi long kisim kaikai. Wanem samting ol bai kaikai em bret, sup na kakao. Dispela ol kaikai em ol wokman bilong Red Cross i redim bilong ol lapun manmeri husat i no gat kaikai.

taim bilong kirap wantaim kakaruk! na peim hap prais

LAE Mt. HAGEN
K95 K132
Port Moresby return
Conditions apply

Narapela taim yu raun, kisim nambawan flait long moning na kisim hap pras tasol. Yu ken flai long olgeta dei long wik na "Kirap Wantaim Kakaruk" flait igo long narapela hap bilong kantri.

Long kisim ol dispela spesol tiket yu mas stap inap 7 pela dei o moa long ples tasol inoken moa long tripela ten dei.

Air Niugini igivim gutpela diskaunt long yu go na kam long ol biknem ples. Kain olosem; Long Pot Mosbi igo na kam long Madang K129 tasol, Rabaul K187, Simbu K113, Gurney K101, Popondetta K58 na Goroka-K114, tasol. Ol narapela ples i wankain tasol.

Lukim Air Niugini na bukim hap prais tiket bilong yu nau.

 **Air Niugini**

Offer subject to Government approval. Conditions apply

Lukim Air Niugini o narapela ples long bukim na stretim tiket.

Ripot bilong ol wok kamap long Bogenvil ailan Komiti egensim toktok bilong opim gen Panguna kopa main

ALOYSIUS SAMI i raitim

OL PIPEL wantaim ol bikman bilong Bogenvil i no laik harim tru ol toktok bilong opim gen Panguna kopa main.

Bikos ol toktok bilong dispela samting inap bagarapim ol wok bilong kamapim gutpela sindaun em nau i go het long ailan.

Long tupela wik i go pinis, ol bikman bilong Bogenvil Kopa bod i bin sindaun long Mosbi na paitim toktok long opim gen Panguna main sapos olgeta samting long ailan i kamap orait.

Ol dispela toktok i kamapim bel kros namel long planti pipel bilong Bogenvil.

Bikos planti pipel i dai pinis na sindaun long ailan i bin bagarap olgeta long hevi em toktok bilong main i bin kamapim. Nau tasol sindaun i wok long kamap gut isi isi. Na ol pipel i tok em i no gutpela long stat toktok gen long opim gen kopa main.

Siaman bilong Buka distrik pis komiti, John Hakena i no amamas long ol toktok bilong ol dairekta bilong Bogenvil Kopa.

Em i tok sapos ol dairekta i save gut long wanem samting i wok long kamap long laip bilong ol pipel tude long

olgeta hap bilong bikples Bogenvil, ol bai pasim maus na wet i stap.

Narapela memba bilong komiti, James Billy i tok, "Ol toktok bilong opim gen Panguna Kopa main i mas stap pastaim. Bikos dispela inap long bagarapim ol wok bilong kamapim gen gutpela sindaun long ailan."

Em i tok, "Gutpela sindaun i mas kamap pastaim bihain long yumi ken toktok long opim Panguna main. Na sapos nogat, main i no inap long op yet. Narapela samting tu bilong tingim nau em ol papa graun wantaim gavman na maining kampani i mas sindaun na paitim toktok. Na kamap pastaim long wanpela

gutpela tok orait o agrimen long dispela samting."

Em i tok moa olsem i mobeta sapos ol bikman ya i helpim long stretim sindaun bilong ol pipel long Bogenvil. Bikos as tru bilong ol hevi long ailan i stat long Panguna main. Taim gavman na kampani i no harim singaut bilong ol papà graun long gutpela kompensesen mani long graun bilong ol.

Mista Billy i tok long nau yet, ol sekyuriti fos, ol sios, gavman wantaim olgeta grup long ailan i wok hat tru long stretim sindaun na laip bilong ol pipel. Na i no gutpela long ol dairekta i suvim het bilong ol wantaim ol toktok bilong kirapim bek main.

Saut na sentrel Bogenvil kea senta sot long saplai

OL PIPEL insait long ol kea senta bilong saut na sentrel Bogenvil i no kisim gut gavman saplai na ol arapela helpim i kam long ol ausait grup.

Long nau, moa long 50 tausen pipel bilong dispela tupela hap i sot tru long ol samting bilong karamapim skin bilong ol. Em ol klos olsem laplap, betsit, blanket, dres, trausis, sket na ol arapela wantaim klos bilong givim i go long ol nupela pipel husat i kam long ol kea senta bilong sentrel na saut Bogenvil.

Long tupela wik i go pinis, wanpela bikman bilong sentrel Bogenvil i bin go long Buka na autim ol wari bilong pipel bilong em. Man ya em Partrick Niangko.

Em i tokim ol bikman bilong provinsal edministresen olsem ol pipel bilong em long sentrel

Bogenvil i pret na les pinis long toktok bilong pait na bruk lusim PNG. Em ol giaman toktok tasol we i no inap long karim kaikai, em i tok.

Em i laik strongim gavman nau long putim moa mani long wok bilong stretim sindaun bilong ol pipel bilong em. Bikos planti manmeri na pikinini i dai nating long bus.

Ripot i kam long Buka koman pos i tok wanpela pait i bin kamap long Kuraio insait long not is Bogenvil. Na 5-pela resisten soldia i bin kisim bagarap long bodi bilong ol.



•Mambu ben em i wanpela samting i save amamasim ol man, meri na pikinini long Buka. Dispela ol lain i bin amamas na paitim mambu long Buka taim ol resisten fos i givim ol gan na samting bilong pait i go long han bilong ol aml. Photo: Aloysius Sami

Ami kisim BRA bot drip long solwara

ALOYSIUS SAMI i raitim

OL I PAINIM wanpela bot i kapsait na drip antap long solwara bilong Koromira insait long sentrel Bogenvil.

Tasol sip bilong gavman, MV Sankamap long las wik yet i pulim bot ya i go long Taurato ailan long Buin.

Na em i stap nau long han bilong ol sekyuriti fos long Taurato ailan.

Ailan ya i stap namel long bodamak bilong PNG na Solomon Ailan. Na sampela PNG sekyuriti fos i stap long dispela ailan bilong lukautim ol wok long

boda mak. Tu sampela pipel bilong ol nambis eria long Buin i stap nau long kea senta bilong Taurato.

Longpela bilong dispela bot ya em inap long 23 fit. Na em i ron long 40 hos pawa. Ol i bilip olsem bot ya i bilong sampela lain Bogenvil Revoluseneri Ami (BRA). Na ol i wok long yusim bilong ron namel long Bogenvil na Solomon Ailan.

Ol i bin painim wanpela hap sop bilong waswas wantaim nem bilong wanpela kampani bilong Solomon Ailan long taim ol i pulim dispela bot.

Wanpela BRA lida husat i no long taim i givim em yet long han bilong ol sekyuriti fos long Loloho i bin lukim dispela bot na putim tok save i go long ol. Na ol i pulim i go stap nau long Taurato ailan.

Singaut bilong helpim ol pipel long Sohano haus sik

WANPELA bikman bilong saut wes Bogenvil i no laikim ol pipel long hap bilong em i go raun nating long Buka taun.

Na em i laikim Buka Interim Atoriti wantaim provinsal edministresen long givim gutpela helpim i go long ol pipel bilong em husat i save kam stap long 'Sohano haus sik.

Man ya em Thomas

Papakuni bilong Nagovis insait long saut wes Bogenvil. Em i bin stap long Buka long las wik bilong sekap long sindaun bilong ol pipel bilong em.

Em i wari long sindaun bilong ol pipel bilong Buin, Siwai na Nagovis insait long saut Bogenvil husat i save go long Sohano haus sik long Buka bihain long

ol i gat bikpela sik. Na ol lukaut papamama bilong ol sikman.

Mista Papakuni i tok em i no laik long lukim ol pipel bilong em i raun nating long taun. I moa gutpela long ol i go bek long ples na helpim long wok bilong stretim ol asples bilong ol, em i tok.

Tasol em i laikim ol lain

bilong Buka Interim Atoriti na Not Solomons edministresen long givim gutpela helpim wantaim kaikai na ples bilong slip i go long ol pipel bilong em. Na helpim ol tu long painim rot bilong go bek gen long ples bilong ol. Sapos ol i bungim hevi wantaim mani na ol kain samting olsem, ol dispela lain mas helpim ol.

PLIS
RIPOT



MOSBI, Nesenel Kapitel Distrik: I gat ripot olsem 12-pela hevi bilong brukim haus na stil i bin kamap long dispela wik. Long 26 Februari (Sarere), 8-pela birua ya i bin kamap taim bikpela ren i pundaun.

Bos bilong ol plisman long NCD, Joseph Kupo i givim tok lukaut olsem ol pipel husat i slip long Korobosea, Is Boroko na Badili i mas lukaut gut long dispela.

Long wankain taim, sampela man i bin bagarapim wanpela yangpela meri long Sarere bikmoning. Meri ya i gat 23 krismas. Ripot i tok em i pinis danis long Moonlight disko ples na i laik go long Godens taim em i bungim dispela birua.

Ripot i tok sampela man i kisim em long ka na go bagarapim em.

Mista Kupo i asktu tu ol yangpela meri long no ken yesa nating long go wantaim ol man long ka bilong ol sapos ol i no save long ol.

GOROKA, Isten Hallans: Goroka Distrik Kot i kalabusim pinis wanpela man inap long tupela yia. Ol plisman i bin sasim em long karim spakbrus mariwana wantaim em. Nem bilong dispela man em Jack Lain husat i gat 52 krismas.

Bipo em i bin holim wok olsem provinsal memba bilong Agarabi insait long provinsal asembli.

Ol plisman i bin kisim em long taim ol i banisim rot long hap bilong Kainantu. Na insait long ka bilong em, ol i painim tupela beg spakbrus. Ol pipel i save yusim dispela kain beg bilong pulimapim kaikai bilong ol pikna kakaruk, tasol lapun Lain i pulimapim ol mariwana i stap.

Long wankain taim yet, kot i salim narapela man Kainantu tu i go kalabus long tripela yia long wankain sas.

Dispela man Arnold Job husat i gat 24 krismas na i bilong ples Baranda long Isten Hailans.

Ol plisman i bin painim em wantaim tripela beg spakbrus.

RABAUL, Is Nu Briten: Long las mun, ol ripot i soim olsem hevi bilong bagarapim meri i wok long kamap bikpela nau.

Olsem na plis i givim bikpela tok lukaut i go long ol meri long was gut taim ol i wokabout raun long taun na ples.

Provinsal Plis Komanda, Sief Inspekta Patrick Semi i tok ol meri i mas lukaut gut taim ol i wokabout long ol ples i no gat man long en.

Em i mekim dispela tok taim wanpela yangpela man Husat i gat 17 krismas i bagarapim wanpela liklik meri. Dispela meri i gat 5-pela krismas tasol.

Ol ripot i tok dispela man i pulim meri ya i go baksait long Kaivuna Hotel na bagarapim em. Dispela liklik meri i stap nau long Nonga haus sik.

Orait long Vester Strit baksait long opis bilong Nesenel Hausing Kopresen, wankain birua gen i kamap.

Long dispela birua, tripela man i kisim wanpela yangpela meri husat i gat 16 krismas i go long hap na bagarapim em. Dispela birua i bin kamap long Februari 19 namel long 6 klok na hap pas 6 long apinun.

Na ol plisman i kisim na sasim pinis tupela man bihainim dispela birua.

Orait long Niugini plantesin long Kokopo, wanpela man i go antap long haus na bagarapim wanpela meri taim man bilong em i lusim haus na go long wok. Long narapela ripot, wanpela man i karamapim pes bilong em na bagarapim wanpela skulmeri bilong OLSH Vunapope haiskul long Kokopo. Dispela birua i bin kamap long ples Vunapope taim yangpela ya i pinis skul na laik go long ples.

HAGEN, Westen Hallans: Wanpela biknem bisnisan na loya bilong Hagen i bin kamap long kot long dispela wik.

Dispela man em Joseph Mek Teine. Ol plisman i bin sasim Teine long no gat laisens na salim strongpela dring long ol arapela man na meri.

Provinsal Plis Komanda, Sief Inspekta John Wakon i tok ol i skruim kot bilong Teine i go long sampela taim bihain long dispela mun.

Bisnisan kalabus long yusim K33,000

NESENEL Kot long Madang i kalabusim pinis wanpela bisnisan inap long tripela yia long las wik Fonde.

Long wanem kot i bin painim olsem em i stilim na yusim krangi K33,166.96 bilong ol arapela lain.

Dispela man em William Puio husat i winim 32 krismas na i bilong ples Waipu long Enga provins.

Puio em i papa bilong Task Puio Security Services kampani long Madang.

Kot i harim olsem namel long 6 Epril na 25 Me long 1992, Puio i bin yusim krangi K33,166.96 bilong Woks Dipatmen long Madang.

Dispela pasin i stat taim Mista Puio i bin kamap olsem oksenia bilong Woks Dipatmen.

Ol ripot i tok long dispela taim em i kisim dispela wok, em i bin salim sampela ka wantaim buldosa na kisim mani inap long K67,468. Orait em i putim long wanpela pasbuk namba 7069938 long Westpac Beng.

Tasol bihain em i stat long rausim liklik liklik na yusim i go inap long K33,166.96 na nau i gat K26,668 tasol i stap.

Na long namba wan taim em Puio i kamap long ai bilong kot long Tunde, em i tokaut olsem ol dispela toktok i tru.

Jastis Andrew i painim olsem Puio i asua pinis na skruim kot bilong em i kam long Fonde. Long dispela taim, Puio i tokim kot olsem em i namba wan taim bilong em na askim kot long mari-mari long em.

Ol pipel bilong Buin wok long kisim taim nogut yet

ALOYSIUS SAMI i raitim

OL PIPEL bilong Taurato ailan long Buin i laikim wanpela bot bilong yusim long ol wok na wokabaut bilong ol i go i kam long ailan na bikples.

Ol i laikim tu ol marasin, klos na kaikai. Bikos nau ol i sot tru long ol dispela samting.

Taurato ailan i stap long bodamak bilong PNG na Solomon Ailan. Long nau, moa long 300 pipel i stap long kea senta bilong dispela ailan.

Wanpela bikman bilong ailan ya i bin go long Buka long las wik. Na em i autim ol wari na hevi bilong ol pipel bilong em. Bikman ya i no laikim nem bilong em i kamap long niuspepa.

Luteran Sios glasim gen wok bilong Kristen edukesen

SANANG ZAZORING i raitim

WANPELA bung bilong skelim wok bilong Kristen edukesen insait long ol skul bilong Ewanjelikel Luteran Sios bilong Papua Niugini i bin kamap



• Ol dispela lain man na meri i bin kamap long bung bilong skelim program bilong Kristen edukesen insait long ol skul bilong Luteran Sios long kantri. Bung ya i bin kamap long Bundun konprens senta.

Planti yangpela bilong Kerema lus long Gutnius

EDDIE SAUNDERS i raitim

WANPELA yut grup bilong ples Lese Oala long Kerema, Galp provins i tok planti yangpela bilong hap i no kisim tumas Tok bilong God i go insait long laip bilong ol.

Dispela Katolik yut grup i stap nau long wanpela ewanjelaisesen bung long Mosbi. Dispela bung i kamap long Sivarai Namona long Bomana.

Olsem na wanpela bikpela wok tru ol i lukim nau bihainim dispela bung em bilong go bek na bungim moa yangpela long bihainim ol skul na wok bilong God.

Siaman bilong Lese Oala Katolik yut grup, Emmanuel Epe i tok em yet i amamas tru long kam na kisim skul. Bikos olsem wanpela lida, dispela skul bilong wok ewanjelaisesen bai strongim em long go bek na helpim ol yangpela bilong em.

Lese Oala i gat 10-pela memba i kamap long bung.

Planti taim ol pipel i bungim hevi long painim pis na ol arapela kaikai. Bikos ol i no gat bot bilong helpim ol long wokabaut bilong ol. Bikman ya i paitim toktok wantaim ol lain bilong Not Solomons edministresen. Na em i autim wari bilong ol pipel long kisim wanpela bot.

Tom Viere i bosim ol kea senta long Bogenvil. Bikman bilong Taurato i bin toktok tu wantaim em. Em i autim hevi bilong marasin, ol klos na kaikai samting em ol pipel long Taurato ailan i bungim.

Pilai em i wanpela bikpela samting long laip na sindaun bilong ol yangpela.

Taim ol yangpela i stap nating long kea senta, ol bai les. Bikman i askim ol lain husat i bosim pilai long provins long saplaim ol samting,

long Bundun konprens senta.

Dispela bung i bin stat long 14 Februeri na pinis long 18 Februeri, 1994.

Ol mausman husat i kamap long bung i bin paitim toktok na glasim ripot bilong kain kain wok bilong Kristen edukesen insait long ol komyuniti

skul (rilijis instraksen) na ol haikul, tok ples skul na ol koles (Kristen rilijis edukesen) bilong Luteran Sios.

Long wankain taim, ol i bin glasim tu kain Kristen program em ol gavman haikul i save yusim. Orait bihain ol R.I. kodineta i givim ripot bilong ol na ol Kristen edukesen kodineta i lukluk long trening bilong olgeta distrik. Nau ol arapela grup tu i skekim ol arapela kos nau i kamap insait long ol distrik, seket, peris na kongrigesen.

Man husat i lukautim wok bilong Kristen edukesen insait long hap bilong hailans em Kawage Kendey. Dispela i karamapim ol hap stat long Kainantu distrik i go inap long Imanuel distrik. Bikpela opis bilong hailans i stap long Kagai seket long Simbu distrik.

Tasol ol wok i no stat yet inap olgeta arapela samting i stret.

Na long ol nambis distrik, Malac Yaom i lukautim dispela wok.

Long bung, ol mausman i paitim toktok na givim wok long wan wan man bilong kirapim na pinisim olgeta wok em i no pinis yet. Olsem bai wok bilong Kristen edukesen insait long Luteran Sios inap ron stret na pinis long taim.

Bihain long olgeta dispela wok i pinis, ol bai givim ripot i go long Kristen Edukesen Komiti. Na komiti bai strongim na luksave na givim wok stia long dispela skul program bilong sios.

Olgeta tok orait wantaim helpim na sapot bilong program bai kam yet long Gutnius bod. Olsem tasol, olgeta skul bilong ELC-PNG inap kamapim na holim strong dispela program.

peim hap prais long NAMBAWAN

NO TIFE

Mt. HAGEN GOROKA K132 K114

Port Moresby return Conditions apply

Sapos yu laik go long ples na malolo, flai long Tunde, Trinde o Fonde na peim hap prais tasol long tiket. Yu ken go stap long ples long 14 pela dei o moa, tasol inoken moa long tripela ten dei. Yu yet makim taim yu flai tasol yu mas flai long Tunde, Trinde o Fonde.

Air Niugini igivim ol gutpela diskaunt long yu iken go na lukim ol biknem ples. Kain olosem: Long Pot Mosbi igo na kam long Madang K129, Lae K95, Simbu K113, Gurney K101, Popondetta K58 na Rabaul -K187 tasol. Ol nara-pela ples i wankain tasol.

Lukim Air Niugini na bukim hap prais tiket bilong yu nau.



Offer subject to Government approval. Conditions apply

Lukim Air Niugini o narapela ples long bukim na stretim tiket.

Givim bikpela mekimsave i go long ol trabel man

Dia Edita,

Mi wanpela manki Hailans. Tasol nau mi wok olsem wanpela woda plisman long Bomana haus kalabus long Mosbi. Mi laik autim wanpela tingting bilong mi i go long gavman.

Long nau yet, long lukluk bilong mi olsem wanpela woda plisman, planti yangpela man insait long kantri bilong yumi i wok long kamapim kain kain bikhet pasin. Na i wok long kalabus olgeta taim. Sampela i wokim ol pasin nogut olsem kilim man, repim meri, brukim haus na stil, hensapim man na stilim mani na tu ol arapela bikpela trabol.

Dispela kain ol pasin nogut i wok long kamap bikpela na bagarapim gutnem bilong gutpela kantri

bilong yumi Papua Niugini. Mekim na planti manmeri long ol arapela kantri i save tok olsem Papua Niugini em i wanpela kantri i gat kain kain pasin nogut.

Bikos long dispela as, mi laik askim gavman long putim kamap wanpela gutpela na strongpela long long givim mekimsave i go long ol manmeri husat i wokim ol bikpela trabel olsem repim meri/man, kilim arapela manmeri, brukim haus na stil na tu hensapim ol man wantaim sot gan na kisim bilong ol. Eksam-pel: Sopos wanpela man i repim wanpela meri, orait gavman i mas givim tok orait i go long ol plisman o dokta long kamautim tupela kiau (bol) bilong em. Sopos wanpela mani kilim arapela man, orait gavman i

mas givim tok orait i go long ol plisman long katim wanpela han o lek bilong dispela man.

Bikos long kantri bilong yumi i gat mekimsave bilong kalabus tasol na ol raskol man i no wari long kalabus. Bikos ol i save olsem sopos ol i kilim wanpela man, gavman bai i no inap kilim ol. Ol bai go long kot na bihain bai go long kalabus. Bihain taim kalabus bilong ol i pinis, ol bai pinis kalabus na ka ausait na mekim wankain samting gen.

Sopos gavman i no mekim wanpela samting, hevi bilong lo na oda insait long kantri bilong yumi bai i no inap pinis o slek. Tasol bai go het yet na kamap moa bikpela.

Woda Manki Bomana, MOSBI

Ol Tolai gat nem long lukautim taun bilong ol

Dia Edita,

Mi wanpela manki Sirunki long Enga provins tasol nau mi stap long Kimbe taun.

Mi sapatim Is Niu Briten provinsal gavman long rausim ol skwata setelmen long Rabaul taun. Bilong wanem planti ol man i nogat wok i wokim haus bilong ol nating na dispela i kamapim planti trabel long taun. Ol man i gat wok, ol i tingting long wok bilong

ol na stap isi tru. Na ol man nating i wok long mekim ol bikhet pasin nabaut.

Long dispela as tasol na hevi i save kamap bikpela tru long taun na givim hatwok i go long ol plisman.

Olsem na mi laikim provinsal gavman long Wes Nu Briten tu i mas mekim dispela pasin na rausim ol setelmen arere long Kimbe taun. Dispela em wanpela gutpela we bilong stretim hevi bilong lo na

oda problem insait long taun.

Mi bin lukim pas bilong Max Makip long Wantok na em bin tok olsem ol Tolai i no nap long lukautim taun bilong ol. Mi sem liklik long dispela hap tok. Mi laik tokim yu olsem long sait bilong narapela samting, yumi ken wokim tasol long sait bilong lukautim taun, ol Tolai bai winim yumi ya.

Na tu ol taun i stap long PNG em i stap

long lukaut bilong ol provinsal gavman. Na ol i ken mekim wanem samting ol i ting i gutple long taun. Wanem ol samting ol i mekim yu no ken komplemen nating bikos em i ples bilong ol yet. Yumi gat nem long Mendi na Wabeg bikos em i taun bilong yumi. Mi laikim yu mas sem long mekim dispela ol kain kain rabis toktok nabaut.

Kepas Tiss KIMBE

Ol marit meri long Kainantu taun paul tumas

Dia Edita,

Mi laik autim wari bilong mi long Wantok Niuspepa. Mi wanpela manki Kainantu. Mi no amamas long lukim pasin bilong sampela marit meri long insait long Kainantu taun.

Sampela bilong ol i save bilas gut tru olsem ol yangpela meri na gris wantaim ol man. Mi lukim dispela long ai bilong mi na em i no gutpela.

Kain pasin tasol i mekim na sindaun bilong planti marit i bagarap. Tupela marit i pait nabaut na bihain marit bilong ol i bruk.

Mi askim yupela ol meri long stapim dispela kain pasin. Dispela pasin i bagarapim tu sindaun bilong ol Kristen famili tude. Na tu i kirapim trabel na pait wantaim namel long ol hauslain.

Toktok bilong mi long ol dispela lain meri em no ken kusai na raun olsem ol yangpela meri. Sopos husat manmeri i gat toktok long dispela samting, rait tasol i kam long Wantok Niuspepa. Bai mi amamas long ritim.

Lond Parage KAINANTU

Rot bilong wokim gutpela haus long asgraun

Dia Edita,

Mi save ritim kain kain pas long Wantok Niuspepa. Sampela i save komplemen long ol samting i no gutpela, sampela i save autim tok amamas long ol wok i kamap na ol arapela i laik kisim infomesen o toksave long ol lain famili memba i lus long sampela hap bilong kantri. Na i nos ave go bek long ples bilong ol.

Nau mi laik tok kliia long wanpela gutpela rot em yumi ken o inap long kisim helpim long kamapim gutpela sindaun long ples.

Yumi olgeta i save

olsem planti ol lokol pipel insait long planti provins i save traim long kirapim kain kain bisnis. Bikos ol i laik traim long kamapim bikpela mani long bringim kamap gutpela sindaun long ples. Tasol sori tumas. Bikpela bilong ol dispela bisnis i save bruk daun kwiktaitim tru.

Planti lain bilong yumi long olgeta hap bilong kantri i wok long lusim ples na go stap planti krismas o yia long ol taun. Bikos ol i lukim na laikim gutpela haus insait long taun.

Long dispela astingting tasol na mi raitim

dispela pas long tokaut long helpim em yumi inap kisim long wokim haus long graun bilong yumi yet long ples. Mipela i laik helpim ol lokol pipel long ples long wokim gutpela haus long liklik kos tasol.

Sopos yu laik save moa, orait rait i kam long dispela adres: P O Box 906, Lae, Morobe Province o ringim mipela long telipon namba 42 5016. Mipela bai i gat bikpela amamas tru long helpim yu.

Mark Matang Kon LAE

Yusim nem bilong God long stretpela rot

Dia Edita

Mi laik komplemen long ol brata na susa husat i save raitim ol tok pilai stori bilong Kanage na salim i go long Wantok Niuspepa.

Mi no save amamas long ritim sampela tok pilai stori bilong Kanage em i gat ol toktok long Bikpela Papa God. Planti taim i go pinis sampela tok pilai stori bilong Kanage i toktok long Kanage i beten na tu i kolim nating nem bilong God. Dispela em long mekim dispela tok pilai stori i kamap pani.

Ol brata na susa bilong mi, ol gutpela stori yupela i ken raitim

na salim long Wantok Niuspepa i stap. Tasol i luk olsem yupela i painim wok tru na raitim dispela ol tok pilai stori i gat kain kain toktok long Bikpela Papa God.

Plis tru ol brata na susa bilong mi, mi laikim olsem yumi olgeta i mas luksave olsem Papa God em i no wanpela manki o man nating. Papa God em i gat bikpela pawa na em i bosim olgeta samting long dispela graun na tu long Heven. Tasol bikpela samting tru i olsem em i wokim yumi olgeta man na samting long graun na tu long

Heven.

Bikos long dispela mi laik askim yupela ol brata na susa bilong mi long glasim gut samting pastaim long yupela i yusim nating nem bilong Papa God.

Olsem ol pikinini bilong em, yumi olgeta i mas yusim nem bilong em long stretpela rot long lipitapim em na mekim wok bilong em. Tasol yumi i no ken yusim nem bilong em long mekim kain kain samting i no gutpela long em.

Ralph Bomal Gan Kerevat, RABAU

Ol meri Hailans save katim lewa tu ya

Dia Edita,

Mi laik bekim pas bilong Hams Sailas i bin kamap long Wantok Niuspepa long Fonde Februari 17.

Brata, mi laik tokim yu stret olsem, dispela meri em i no susa bilong yu na tu em i no meri Sepik. Mipela i bilip yu bin gat laik long dispela meri Tolai ya tasol boi Hailans nogut i autim tiket bilong meri Tolai.

Na yu autim bel kaskas bilong yu nating long Wantok Niuspepa. Boi Sepik, mi ken tokim yu olsem sopos yu lus stret long meri, orait yu mas go na bihainim Okuk Haiwe i go kamap long Hagen na go olgeta long Pogera. Na long sait sait bilong Okuk haiwe bai yu lukim ol sip prais meri bilong Simbu bai katim kona i go kam.

Na bai katim lewa bilong yu stret. Yu bai lukim smatpela patpela meri tasol bai stap. Yu bai amamas olsem ol long long man i save amamas taim ol i lukim retpela tanget lip. Em tasol bekim bilong mi long yu brata Hams Sailas na yu husta i laik sapatim o egensim mi, rait i kam tasol long Wantok na bai mi ken ritim.

Pius Mara BIALLA



Maski resis long sindaun long fran bilong ka.

Dia Edita,

Mi wanpela manki Mendi tasol mi stap nau long Ramu Suga.

Mi no amamas long pasin en ol fil bos bilong Bora seksen i save wokim. Ol i save seksek tru long sindaun long fran bilong ka. Taim ol arapela wokman i sindaun long fran, ol bai rausim ol na i go sindaun long bak-sait bilong ka.

Dispela kain pasin i

nogut olgeta. Long ol narapela seksen olsem long Ramu na Waris, ol man i save holim bus naip na sindaun long fran bilong ka. Tasol long Bora, em nogat. Wanem, ka ya i no wanpela PMV o praiwet ka bilong yupela we yupela i seksek tumas long sindaun long fran.

Tingting gut pastaim. Sampela taim tu, ka eksiden i kamap. Na draiva wantaim pasidia

long fran i kisim bikpela bagarap tru o indai.

Masta dai i bihainim yumi taim yumi go long wok o ron nabaut long ka. O long wanem hap yumi go long en Em i paitim dua i stap long laip bilong yumi. Olsem na traim senisim dispela pasin bilong resis long sindaun long fran bilong ka.

Wesley Robert MADANG

Bilas na raun em hap wok bilong ol meri Tolai

Dia Edita

Mi lukim wanpela samting long ol meri Tolai em i no stret o gutpela long ai bilong mi. Olsem na mi laik autim dispela samting long Wantok Niuspepa. Astingting em long tok-save long ol yangpela man long ol arapela provins em ol i stap long Kokopo long Is Nu Briten provins.

Toksava bilong mi long ol dispela yangpela man i olsem yupela i no ken tru maritim ol meri Tolai. Bikos ol i no save mekim wanpela wok. Ol i save sindaun tasol long ples.

Mi givim dispela tok lukaut bikos nogut

yupela maritim wanpela meri Tolai na kisim ol i go long ples bilong yupela na ol bai i no inap mekim wanpela wok. Ol bai sindaun tasol tasol lukluk long yupela long mekim ol wok. Na yupela bai belhat na paitim em olgeta taim.

Wok bilong ol meri Tolai mi lukim em long waswas, bilas gut tru na raun long taun. Olgeta de ol bai kukim kaikai na kaikai pinis na waswas. Bihain ol bai bilas olsem ol wok-meri na i go raun nating long taun i stap. Ol bai i no inap tingting long sindaun gut na mekim ol liklik wok nabaut long haus

olsem kamautim gras na klinim haus, brumim ol pipia o go mekim sampela wok long gaden. Nogat tru stret ya.

Ol wantok na brata bilong, plis, mi askim yupela long wasim tupela ai bilong yupela long wara. Na lukluk na glasim gut pasin bilong ol meri Tolai na bihain kamapim tingting long maritim ol o nogat. Nogat yupela seksek long gutpela nus pes bilong ol na bihain bai yupela bungim hatpela taim. Olsem mi toksava tasol ya. Save stap long yupela wan wan.

Beebe Pilima LAE

Rot bilong ka no bilong pilai, sindaun o slip

Dia Edita,

Mi laik autim wari bilong long Wantok Niuspepa na ol manmeri i ken lukim na skelim.

Planti taim mi save lukim olsem ol manmeri i no pret long rot bilong ka. Em long Hoskins na Talasea rot insait long Wes Nu Briten. Sampela i save slip long rot bilong ka

na pasim ples bilong kai i ron.

Ating yupela ol asples na i no pret long ka i baimim yupela? Ol yupela ol ston o hap ain samting? Sapos yupela ol manmeri tru bai yupela i pret. Na givim spes long ka i ron long rot.

Ol gutpela draiva bai i givim rot long yupela. Tasol sampela draiva

em ol i spak na draivim ka, ol i no i long wari long yupela. Rong bilong yupela yet sapos wanpela ka i ron antap na kamapim dai bilong yupela. a no ken sutim tok long draiva.

Husat i laik sapatim o egensim mi, rait i kam tasol Wantok Niuspepa na bai mi amamas long lukim. Wapu Kombe KIMBE

Husat i laik salim pas i kam long edita i mas raitim stret nem na adres bilong you. Na salim i kam long dispela adres: Edita, Wantok Niuspepa, P.O. Box 1982, BOROKO, N.C.D.

Yumi olgeta mas amamas olsem Jisas em i Ridima

Dia Edita,

Mi rait long sapatim pas bilong Francis Kay Fragile bilong Kimbe. Yes brata Francis, yu kliarim tingting bilong Balthazar Mango bilong Lae. Pas long em i bin kamap long *Wantok Niuspepa* long Disemba 30. Na em bin tok olsem Disemba 25 em no de tru mama i karim Jisas long en.

Yes, em i tru yumi no painim wanpela hap bilong buk Baibel i tok

stret long de Jisas i bon long Betlehem. Baibel i no gat kliapela toktok long dispela samting.

Tasol brata Baltazar, yu mas save olsem long PNG olgeta Kristen sios i save makim Disemba 25 olsem bikpela de bilong lotu long en. Na tingim dispela de olsem mama i karim Jisas long en.

Orait, ol Kristen bilong dispela kantri na long wol i save amamasim dispela de wantaim

famili na ol hauslain bilong ol. Ol i lotu na bihain bung long haus bilong selebretim betde bilong Jisas.

Yumi no wari long dispela de Disemba 25 o 30. Em samting nating. Maski sapos dispela de bilong wanpela bikman bilong Katolik sios. Em tu i samting nating. Yu laik save tru wanem deit stret Jisas i bon long en. Brata Balthazar, yu bilong wanem lotu? Yu askim pasta o man husat i go

pas long lotu bilong yu long de mama i karim Jisas long en. Na ol bai tokim yu stret long dispela samting.

Yu no ken sutim tok tasol long Katolik Sios. Em mama sios bilong yu. Yumi olgeta stap long Katolik sios pastaim. Na bihain bruk i go long ol liklik sios.

Mama sios i no save toktok planti. Mi amamas long lukim pas bilong brata Francis Kay Fragile. Long stretim ol toktok bilong yu,

ating yu Balthazar Mango i no bilong wanpela Kristen sios. Yu bilong wanem lotu tru ya. Wanpela long ol nupela lotu i kamap nau tasol long kantri o?

Em tasol liklik toktok bilong mi. Yu husat manmeri i gat sampela toktok long wokim long dispela, mi bai amamas tasol long lukim pas bilong yupela long *Wantok Niuspepa*.

Peter Ambane SIMBU

LAIKIM PENPREN

Nem: Wanpis Luke

Krismas: 17

Adres: P O Box 610, Kimbe, WNB.

Save Laikim: Raun lukim ples, harim musik na ritim buk.

Nem: Joyce Joe

Krismas: 16

Adres: P O Box 215, Wewak, ESP.

Save Laikim: Lukim vidio, pilai basketbal, raitim pas na tok pilai.

Nem: Marling Paul

Krismas: 17

Adres: P O Box 215, Wewak, ESP.

Save Laikim: Lukim vidio na televisen, raitim pas na waswas long solwara.

Nem: Tony Hofa

Krismas: 19

Adres: P O Box 887, Wewak, ESP.

Save Laikim: Go lotu, harim gospel musik, lukim vidio na televisen, waswas long solwara na raitim pas.

Nem: Richard B Johnson

Krismas: 18

Adres: P O Box 361, Wewak, ESP.

Save Laikim: Harim gospel musik, raun lukim ples, pilai volibal na basketbal.

Nem: Cassy P Monoks

Krismas: 16

Adres: P O Box 887, Wewak, ESP.

Save Laikim: Harim gospel musik, go lotu, raitim na ritim pas, pilai volibal na ragbi.

Nem: Albert Nande

Krismas: 19

Adres: Gaulim Teachers College, P O Box 1343, Rabaul, ENBP.

Save Laikim: Pilai gita, ritim niuspepa, raitim pas, pilai volibal na ragbi na raun lukim ol pren.

Nem: Issac Mini

Krismas: 20

Adres: Gaulim Teachers College, P O Box 1343, Rabaul, ENBP.

Save Laikim: Pilai gita na singim ol gospel singsing, go lotu na mekim pren wantaim ol arapela manmeri.

Nem: Mathias Manef

Krismas: 16

Adres: P O Box 487, Kimbe, WNB.

Save Laikim: Harim gospel musik, pilai ragbi na ragbi tas, lukim vidio na televisen na raitim pas long ol pren.

Nem: Darlson Nomben Hihimou

Krismas: 21

Adres: C/- Joe Koua, P O Box 229, Vanimo, Sandaun Province.

Save Laikim: Pilai soka na lektrik ben, harim musik, raitim pas, ritim *Wantok Niuspepa* na i save amamas tru long kisim pas long ol pren.

Nem: Chris Khene Makun

Krismas: 24

Adres: Rimbunan Hijau P/L. P O Box 102, Port Moresby, Kamuse Base Camp.

Save Laikim: Ritim Baibel, Harim gospel musik, go long felosip na raitim pas.

Nem: Steven Giling

Krismas: 20

Adres: P O Box 3242, Lae, Morobe Province.

Save Laikim: Pilai soka na gita, singim ol gospel singsing, go lotu tok pilai.

Ol BRA gat rait long pait

Dia Edita,

Mi sapatim pas bilong Herbert Homage i bin kamap long *Wantok Niuspepa* long sampela taim i go pinis.

Brata ya i bin toktok long no ken sutim toktok i go long ol lain Bogenvil Revoluseneri Ami (BRA).

Mi sapatim tru ol toktok bilong yu brata em yu tok ol lain BRA i no ol raskol o ol stil lain. Ol i pait long graun bilong ol. Bikos hia long PNG, graun em i wanpela bikpela samting. Na gavman wantaim maining kampani BCL i mekim paul pasin na i no stretim ol hevi bilong papa graun hariap.

Brata, mi sapatim tu toktok bilong yu long ol ami i save paulim ol meri asples. Na painim disko tumas. Dispela em i tru tumas.

Toktok bilong sampela ami man i mekim long ol meri asples i joinim BRA em i no tru.

Mi sapatim tu toktok bilong yu long pasin ol ami i save askim ol lain long ol kea senta long ol BRA.

Jacinta Pee BUKA.

Bilip em i bikpela samting

Dia Edita,

Mi laik bekim pas bilong Kenny Sindum i bin kamap long *Wantok Niuspepa* namba 1025. Sindum i no bin wanbel o amamas long pas bilong Mista Pilake i bin kamap long *Wantok Niuspepa* namba 1022. Het tok long pas bilong Pilake i tok olsem: Stopi maket long Sande.

Brata Kenny, long bekim pas bilong yu mi laik tok olsem brata ya Pilake i mekim stretpela toktok. Bikos tok i stap long Genesis 2:3 o yu ken ritim long ves 1-4.

Mista Sindum i bin tok tu olsem Pop Pius i bin senisim dispela sabat de na ol i lotu long Sande. Na em i bin stori liklik long Gut Fraide na Sarere.

Dispela tupela de bilong lotu i nogat sin o rong long en. Nogat tru stret. Mi putim het tok bilong mi olsem: BILIP TASOL. Bikos Heven em i no ples bilong ol Katolik, SDA o Yunaited tasol. Heven em i ples bilong olgeta manmeri na pikinini em ol i bilip long God na bihainim ol lo bilong em. Dispela tupela de em i mak bilong ol Kristen long stap isi na harim tok bilong God.

Brata bilong mi Kenny, mitupela i no ken salens long olgeta lo bilong God. God i putim olgeta lo pinis. Sapos husat i popaia, em ino wok bilong mitupela. Nogat.

Nau mi laik stretim tingting bilong yu na brata Pilake. Harim: Long Olpela Testamen yumi kaunim tok bilong sabat de em i holi. Tasol bilong wanem ol ol Kristen sios i lusim pasin bilong sabat de na ol i save lukim Sande?

Bikos Jisas i dai long wanpela Fraide. Na long Sarere em i slip long matmat. Na long namba wan de bilong wok (Sande) em i kirap long matmat na em i stap laip. Olsem na yumi ol Kristen manmeri i no ken daunim tok bilong God long namba seven de. Yumi mas amamas moa moa yet na liptimapim nem bilong Kraus. Bikos em i dai na kirap gen na i stap laip.

Ol Apostel tu pastaim ol i lukim tupela holide. Sabat de olsem ol Juda man na Sande bikos em i de bilong bikpela. Tasol bihainim de Jisas i kirap long matmat, em i winim tru sabat de. Olsem na olgeta Kristen sios i save lotu long Sande. Bikos Jisas i kirap long matmat long Sande.

Olsem na pasin bilong lotu long Sande em i no sin o rong. Na tu Pop Pius i no senisim. Long pinisim toktok bilong mi, mi laik tokim brata Kenny olsem: Mitupela i no ken toktok nabaut long de bilong lotuim Bikpela Papa God. Na long wankain taim mitupela i no ken bagarapim ol arapela sios bilong God.

Mista E Nuss MADANG

Ritim Baibel na save long ansa

Dia Edita,

Mi laik bekim pas bilong Michael Timothy i bin kamap long *Wantok Niuspepa* long Fonde Februari 10.

Michael, yu bin toktok olsem Papa God i wokim dispela graun long Mande i go inap long Sarere. Na long Sande em i malolo. Olsem na yumi olgeta i mas lotu long Sande long dispela taim em i no mekim wok.

Na tu yu bin tok tu olsem wanem taim tru em namba 7 de em Sarere o Sande.

L.A. Kosian KAINANTU

Painim ol lapun i pait long WW 2

Dia Edita,

Komiti bilong mi i wok long painim ol lapun ami, plis na kago boi ol i bin mekim wok long taim bilong Wol Woa 2 long Papua Niugini nemei long 1942 na 1945.

Dispela lain man komiti bilong i wok long painim i bilong ol dispela provins ya: Western Hailans, Enga, Sauten Hailans na Simbu. Mipela i laikim tu ol man long ol arapela provins em ol i bin mekim wok long Wol Woa 2. Dispela ol lain i

mas kisim blok na stap long wanpela bilong dispela ol provins antap.

Komiti bilong mi i wok long painim dispela ol man bikos mipela i gat tingting long wokim wanpela bikpela de long ANZAC De long namba 25 de bilong mun Epril long dispela yia. Insait long dispela bikpela de mi i laik amamasim tu nem bilong Kwin. Bikos mama bilong emi bin karim em long dispela de long planti yia i go pinis.

Mipela i laik painimaut

long nem na sindaun bilong dispela lapun man em ol i bin pait na tu mekim ol arapela wok long Wol Woa 2. Dispela mani mas i gat medal bilong woa i stap long soim mipela. Mipela bai putim tok-save long redio long toksave long olgeta lapun long wanem taim mipela bai holim miting long Kundiawa, Banz, Minj na Maun Hagen. Wetim dispela toksave o raitim pas i kam long P O Box 137, Mt Hagen, WHP.

Peter W van Fleet MAUN HAGEN

Ol Hailans gat namba long baim meri

Dia Edita,

Mi laik bekim pas bilong Hams Sailas i bin kamap long *Wantok Niuspepa* long Februari 18.

Brata, mi laik tokim yu stret olsem mipela ol Hailans na Sepik i no fit long baim ol meri. Sapos mi laik baim wanpela meri Sepik, yu bai lukim pasin bilong mipela ol Hailans. Mi bai baim sista bilong yu long K8000 o 20 pik na ol samting na bai yu

lukluk tasol.

Yu stap long Rabaul na hat long yu long lukim. Brata, sapos yu lukim wanpela man Hailans i kisim sista bilong yu, yu mas lukluk tasol. Em i no grisim tasol. Em i gat inap mani olsem na em i makim dispela. Yu no ken bagarapim nem bilong mipela ol Hailans nating.

Yupela ol man Sepik tasol i save wari long ol meri ya. Sapos yu man tru, yu kam na

baim sista bilong mi.

Yu mas yusim het bilong yu na toktok. Yu mas tok long wanem ol provins long Hailans i mekim dispela kain pasin na nogut yu bagarapim nem bilong mipela ol gutpela lain nating. Sapos yu inap, long baim meri Hailans, orait yu kam tasol. Em tasol bekim bilong mi long brata Hams Sailas.

Wapu John Taiken KIMBE

No olgeta kalabus man na woda long Kerevat haus kalabus mekim pasin pamuk

Dia Edita,

Mipela ol kalabus man i no amamas long ol toktok i pairap long niuspepa we i toktok long ol kalabus na ol woda i wokim pasin pamuk long haus kalabus.

Mipela planti o olgeta kalabus na woda wantaim i ol gutpela man. Tasol wanpela o tupela kalabus man wantaim

woda tasol i mekim dispela kain pasin.

Olsem na i moa gutpela sapos niusman i kisim dispela kain nius olsem, i gutpela long em i mas kolim nem bilong man stret. Maski em kalabus o woda husat i wok long mekim pasin pamuk.

Bilong wanem mipela ol narapela kalabus wantaim ol woda mipela i karim sem na

hevi nating bilong ol dispela kain man.

Olsem na mipela askim niuspepa sapos taim yu kisim kain nius olsem, kolim stret nem bilong husat man i wokim dispela kain pasin pamuk (kalabus o woda).

Ellison Mastales na Blackie Pukata RABAUL

Ol plisman mas bihainin stret lo

Dia Edita, Mi laik autim wari bilong mi long *Wantok Niuspepa* na ol manmeri long publik i ken lukim na skelim.

Komplen bilong mi i sut long ol plisman.

Long taim ol i go long ol ples long kisim ol stilman o ol man i

wokim rong, ol i save kisim tu ol samting bilong ol man.

Max Balun MADANG

Keneda salim kontena wantaim klos bilong helpim ol trangu

EVANJELIKOL Luteran Sios insait long Keneda (Not Amerika), i harim singaut bilong Evanjelikol Luteran Sios bilong Papua Niugini na salim pinis ol klos samting bilong helpim ol lain i kisim bikipela bagarap long taim nogut.

Wanpela bikipela 20 fit kontena i pulap long ol klos, sop na marasin i kam pinis long sios i ken givim i go long ol lain i go pas long helpim ol pipel.

Long Tunde 22 Februeri, 1994, Bisop Getake Gam i givim dispela kontena i go long han bilong Kenel Lima Dotauna, man husat i go pas long dispela opresen bilong lukautim ol pipel i bin kisim

bagarap long graun guria wantaim arapela hap husat i bungim hevi.

Long taim bilong putim kontena long han bilong Kenel Dotauna, Bisop Getake Gam i tok, "Long nem bilong ELC-PNG, mipela i tok tenkyu i go long Evanjelikol Luteran Sios insait long Keneda long dispela bikipela helpim ol i salim i kam bilong helpim ol pipel bilong yumi insait long Papua Niugini."

Bisop Gam i tok, ol planti pipel i sot tru long samting bilong helpim ol yet, planti bilong ol em insait long Morobe na Madang provins na Wagi Veli insait long boda

bilong Simbu na Westen Hailans provins.

Taim Kenel Dotanau i kisim dispela helpim, em i tok, "Mipela tu i tok bikipela tenkyu i go long Luteran Sios insait long Keneda long dispela helpim ol i salim i kam. Em i tok, bai mipela i yusim gut ol dispela samting long givim ol pipel i gat hevi."

Kenel Dotauna i tok, long nau i gat bikipela wok i stap long putim ol pipel bilong 23 ples i go bek long narapela hap bilong graun bilong ol we hevi i bin kisim ol. Samting olsem 3,000 pipel i stap long mak bilong go bek long ples bilong ol.

Kenel Dotauna i tok, long nau bel bilong ol pipel i gat hevi, mi kisim maus bilong ol na tenkyu long dispela helpim Keneda Luteran Sios i salim i kam. Bai mipela i amamas tru long kisim dispela helpim, em i tok.

Dispela kontena i gat ol samting olsem i stap insait: Quilts - 2,119, Blanket - 398, layettes - 1,284, Ass't Kits - 838, ol klos - 1,270 paun hevi bilong en, ol marasin - paun na sop em 1,490 paun.

Kenel Dotauna i tok, dispela em i wanpela long ol bikipela helpim mipela i kisim i kam long Evanjelikol Luteran Sios insait long Keneda. Dispela helpim Luteran

Sios Keneda bihainim askim bilong Bisop Getake Gam long wanpela wokabout bilong en insait long Evanjelikol Luteran Sios insait long Canada long Jun na Julai, 1993.

Long wokabout bilong en, Bisop Gam i bin stori bilong sios wok insait long Papua Niugini wantaim hevi bilong yumi nau i wok long kamap. Ol Kristen manmeri long Keneda i harim stori bilong sot bilong yumi na salim dispela samting i kam long helpim ol pipel husat i gat bikipela sot long sindaun bilong ol bihainim ol kain kain hevi i stap nau.

Luteran Sios soim rot bilong givim helpim

SANANG ZAZORING i raitim

OL pipel husat i kisim bagarap long hevi bilong bikipela san na i hangre i sot tru long kisim helpim hariap.

Taim nogut komiti bilong Evanjelikol Luteran Sios bilong Papua Niugini i bin bung long 21 Februeri, 1994, na toktok long ol ripot bilong bagarap bihainim hevi bilong bikipela san insait long planti hap bilong Papua Niugini.

Siaman bilong ELC-PNG taim nogut komiti, Bisop Getake Gam i tok, em i bikipela samting long harim olsem kain ripot i kam long ol ples we bikipela san i bin bagarapim ol. Insait long sampela komyuniti, ol skul i laik pas. Long wanem, ol skul pikinini i hangre na i no inap skul gut.

Bihainim dispela hevi, Bisop Gam i bin bung wantaim taim nogut komiti bilong em na givim pinis K50,000 bilong baim kaikai na helpim ol pipel husat i kisim bikipela bagarap long ol provins bilong ol.

Dispela komiti tu i toktok long hevi bilong graun i bruk insait long ol hailans provins. Sios i kamapim pinis ol klos, sop, na arapela samting na em i redi bilong salim i go long helpim ol.

Bihainim dispela hevi, wanpela 20 fit kontena i kam long Luteran Sios insait long kantri Keneda insait long Not Amerika wantaim ol blanket, marasin, sop na ol klos. Dispela ol bai skelim i go long helpim ol lain i kisim bagarap.

Bisop Gam i tok, i luk olsem hevi bilong san, ren na guria i kamap long olgeta yia insait long dispela kantri na bagarapim na rausim gutpela sindaun bilong ol pipel long ples. Long dispela as Bisop



• Bisop Getake Gam bilong Luteran Sios long Papua Niugini i sekap nau long ol samting i stap insait long kontena na bihain em i givim i go long ol lain bilong lukautim ol wok bilong bagarap na taim nogut.

Gam i tok, em i taim yumi olgeta sios, gavman na arapela ogenaísesen i mas wok bung wantaim long helpim ol pipel long taim bilong kain hevi olsem.

Bisop Gam i tok tu olsem, ol i mas kamapim rijinol disasta na taim nogut senta na nesenol gavman i mas kamapim fultaim wokmanmeri long mekim gut wok bilong givim helpim long ol pipel long taim nogut.

Bisop Gam i singautim olgeta sios insait long Papua Niugini olsem, ol i no ken autim Tok bilong God long maus tasol - ol i mas soim gutpela bilong God long han na givim helpim long ol manmeri i kisim bagarap bihainim sot bilong bodi long kaikai na klos.

Luteran Sios long Sosel Konsen na Taim Nogut Komiti bilong en, em i givim pinis ol samting bilong bodi long han bilong Red Cross i ken salim

Wok stat nau bilong redi long Hiri Moale festival

DANIEL MONA i raitim

BIKPELA wok bilong redi long 1994 Hiri Moale Festival long Mosbi i bin stat long las wik Sarere.

Planti lain man na meri tru i bin kamap. Na Spika bilong Nesenel Palamen, Bill Skate i opim dispela bung.

Ekting siaman bilong Nesenel Kapitel Distrik Komisen (NCDC), Robert Suckling i tokaut tu olsem komisen i givim pinis K75,000 i go long komiti i lukautim wok bilong redi long dispela festival. Na long wankain taim, NCDC bai yusim moa long K200,000 bilong givim ol arapela helpim olsem ol ka, opis na wokman na meri.

Tripela bikipela sponsa bilong dispela festival i tokaut pinis long givim K20,000. Ol dispela lain em Coca Cola, Mobil Oil (PNG) Limited, na Steamships Treeding kampani.

Ol lain bilong Motu Koitabu kaunsil tu i givim K10,000 na Mista Skate yet i givim K1,000. Long wankain taim, Hebou Construction na Airways Motel tu i givim K1,000.

PNG, Amerika na Keneda stap poro yet

EVANJELIKOL Luteran Sios bilong Papua Niugini wantaim Evanjelikol Luteran Sios bilong Amerika (ELCA) na Evanselikol Luteran Sios insait long Keneda (ELCIC) i strongim tok pinis long skruim wok poroman namel long ol yet bihainim olpela wokbung i stap pinis.

Dispela tok i bin kamap taim Bisop Getake Gam i bin mekim wanpela wokabout raun i go long Amerika long Jun-Julai, 1993, long lukim tupela Luteran sios insait long Yunaited Stet bilong Amerika na Not Amerika.

Bisop Gam i tok, dispela wok poroman i stap bipo, tasol em i go tasol long strongim wok poroman na pasin bilong wanbel namel long 2-pela Luteran sios insait long Amerika na Papua Niugini.

Sampela ELC-PNG sios distrik husat i gat wok poroman wantaim tupela Luteran Sios em Kote, Yabim, Papua na Niugini Ailan distrik. Visit bilong Bisop Gam i sut long strongim dispela wok bung bilong ol distrik long hap na hia.

Ol distrik bisop bilong sios long hap tu i amamas tru long dispela pasin bilong wok bung wantaim Luteran sios insait long Papua Niugini. Bihainim dispela wok bung, Bisop Gam i tok, sapos ol arapela distrik bilong ELC-PNG i gat laik long wok poroman wantaim Luteran sios long Amerika na Canada, orait ol i ken salim nem na adres i kam long ofis bilong bisop long stretim rot.

NBC teknisen go skul long Jemeni

WANPELA sinia opisa bilong NBC i winim pinis skolasip bilong go skul long Jemeni. Dispela man George

Alokaka. Na gavman bilong Jemeni bai stretim rot na olgeta samting bilong em long go kisim moa skul long

hap. Ekting mausman bilong gavman bilong Jemeni long PNG, Olaf Fitzer i bin givim balus

tiket bilong go long hap long Mista Alokaka long Tunde.

Long Jemeni, Mista Alokaka bai go skul long wok bilong studio mentenens long Redio Trening Senta long Duetschhe Welle. Dispela kos i sut long wok bilong stretim na lukautim ol masin insait long studio bilong ol redio sesin.

Kos bilong dispela sponsa sip em K70,000. Na em bai kamapim ol wok raun, haus slip, kaikai na liklik poket mani bilong olgeta mun.

Pastaim long kos i stat, Mista Alokaka bai go skul long tok ples Jemeni inap long tupela mun.



• Mista Alokaka long lephan i kisim nau balus tiket long han bilong ekting mausman bilong Jemeni long PNG, Olaf Fitzer. Alokaka bai go skul long wok bilong redio teknisen. Foto na stori: Daniel Mona.

Blakaut bagarapim planti Madang Lodge i wok bisnis long Mosbi skruim hotel rum

LOUIS WARIMI i raitim

OL bisnis wantaim ol bin kisim taim stret taim kampani, gavman bikipela blakaut i dipatmen na ol nara- kamap long Mande, pela opis long Mosbi i Februari 28.

Blakaut ya i bin stap inap 4-pela awa olgeta. Blakaut ya i bin stat long 1 klok i go inap long 4 klok long apin-un. Blakaut em taim i no gat pawa i go long ol ples bilong wok na haus na opis. Sapos blakaut i kamap long taim bilong wok, i luk olsem ol wokman bai sindaun nating na mani

tu bai lus nating. Ol hap insait long Mosbi bai kisim blakaut em long eria 1,2,3 na 4. Ol lain bilong Elcom i tokaut olsem long tripela de long wanpela wik, 1 i go inap long eria 4 bai gat blakaut.

Na ol blakaut ya bai stat long Februari 28 i go inap long Mas 5, 1994. Komisen i tok olsem ol blakaut i wok long kamap long wanem i gat sampela bagarap i kamap long wanpela jenereta masin bilong ol.

Ol i tok tu olsem dispela nupela jenereta masin bilong pawa ol i kisim i kam long Skotlen i no inap long wok gut.

Elcom i bin tokaut long ol lain long Mosbi long redio, niuspepa na televisen olsem bai i gat blakaut. Tasol long Mande, blakaut i bagarapim stret taim bilong ol sampela.

MADANG Lodge Hotel long Madang provins i wokim nau 4-pela nupela eksekutiv rum bilong slip bilong ol man na meri long rentim na yusim.

Menesmen bilong Madang Lodge Hotel i kamap wantaim tingting bilong wokim dispela 4-pela eksekutiv yunit bikos ol hotel rum long nau yet i pulap. Na planti pipel husat i gat laik long yusim hotel i no save yusim. Bikos olgeta rum i save pulap.

Menesa bilong hotel, Keung Chan i tok taim dispela 4-pela nupela eksekutiv rum i pinis, ol kas-toma i ken kisim wanem kain rum em ol i laik slip long en.

Mista Chan i tok ol rum bilong dispela 4-pela nupela eksekutiv yunit bai gat ol saming olsem televisen, masin bilong wokim rum i kol na telipon.

"Astingting em long amamasim ol kastoma bilong mipela," Mista Chan i tok.

Wanpela kampani nem bilong em Lae Building Construction i wok long wokim dispela 4-pela nupela eksekutiv yunit.

Wantok Niuspepa i askim Mista Chan long wanem taim ol wok bai pinis. Na tu long kos bilong wokim dispela 4-pela yunit. Na Chan i tok long nau yet, em i no inap tokaut long wanem taim ol wok bai pinis na tu kos bilong wokim dispela 4-pela nupela yunit.



• *Das kirap...Tari ples balus i bin pulap tru long ol man, meri na pikinini taim dispela balus bilong Gemeni i pundaun long hap. Dispela balus ol i kolim Dornier 328 i bin kam raun long Papua Niugini tasol long traum ol ensin bilong en. Photo: James Kila.*


KOPRA				
Pe bilong kopra i go antap nau long K50 long wan wan tan long dispela yia. Pe bilong ol bikipela depo olsem Mosbi, Alotau, Lae, Madang, Wewak, Kavieng, Toboi, Kimbe na Kieta i stap olsem:				
	Smoke	K250		
	F.M.S	K250		
	Hot Air	K255		
Na pe bilong kopra long ol liklik depo i stap olsem:				
SAMARAI	Smoke	K218		
	F.M.S	K220		
	Hot Air	K203		
KANDRIAN na NAMATANAI	Smoke	K215		
	F.M.S	K217		
	Hot Air	K220		
BUKA	Smoke	K214		
	F.M.S	K216		
	Hot Air	K219		
FINSCHHAFEN	Smoke	K210		
	F.M.S	K212		
	Hot Air	K215		
LORENGAU	Smoke	K205		
	F.M.S	K207		
	Hot Air	K210		
KARKAR	Smoke	K215		
	F.M.S	K217		
	Hot Air	K220		
CMB nau bai i no inap long kisim moa prais sapot long Gavman. Dispela i stat long Januari 1, 1994.				

KAKAO				
PRAIS bilong drai kakao long wanwan tan long Rabaul long Mande inap long Fraide long las wik.				
Mande	Tunde	Trinde	Fonde	Fraide
21/2	22/2	23/2	24/2	25/2
Pe ol balya sasim long papa bilong fementri				
K713	K711	K719	K719	K707
Sapot prais				
K500	K585	K585	K585	K585
Prais ol papa bilong fementri i kisim				
K1213	K1296	K1304	K1304	K1292
Sapot prais bilong kakao long dispela mun em K628.95. Dispela prais i no wanka: olsem pe bilong kakao long ol narapela hap bilong kantri.				

KOPI	
Pe bilong drai arabika na robusta kopi long wanwan kilogram long 21/02/94. Dispela i karamapim prais bilong kopi long dua bilong faktori, na i no long sait bilong rot.	
Arabika :	
Kainantu	K120
Goroka	K144 to 148
Minz na Banz	K125
Hagen	K120 to 135
Lae	K125 to 130
Mumeng	K130
Wau/Bulolo	K0
Madang	K100
Ol ripot i kam long Kopi Industri Kopresen. Mipela i no kisim ripot bilong Kundiawa, Wapenamanda, Mendi, Erap, Aseki, na Wasu.	
Robusta :	
Is Sepik	K90
Madang	K80
Ripot bilong ol arapela senta husat i save groim robusta kopi i no kamap.	

PE BILONG AIR NIUGINI LONG PNG TASOL			
KISIM LONG I GO LONG	PE BILONG	PE BILONG	
	BALUS	KAGO	
POM	Alotau	K101	K1.01
POM	Daru	K117	K1.17
POM	Goroka	K114	K1.14
POM	Hoskins	K140	K1.40
POM	Kavieng	K234	K2.34
POM	Kundiawa	K113	K1.13
POM	Lae	K96	K0.96
POM	Madang	K129	K1.29
POM	Manus	K206	K2.06
POM	Mendi	K136	K1.36
POM	Misima	K155	K1.55
POM	Mount Hagen	K132	K1.32
POM	Popondetta	K58	K0.58
POM	Rabaul	K187	K1.87
POM	Tabubil	K189	K1.89
POM	Tari	K153	K1.53
POM	Vanimo	K234	K2.34
POM	Wapenamanda	K141	K1.41
POM	Wewak	K180	K1.80

RABA	
Ol kago em hevi abrusim 16kg bai gat pe	
Gavien faktor (GP) - 21 v kg	
Doa faktori (Sentrel) - 36 v kg inap long 39v/kg	
KADAMON	
Prais bilong kadamon em A. T. Agri Agency Pty Limited long Madang i tokaut long on i stap olsem:	
Drai long san: K1.40	
Hot Air Drai: Yelo/Wait - K2.25	
Hot Air Drai: Grin - K3.25	
Pikinini Kadamon: K2.50	
Lombo gret wan: K1.60	
Lombo gret tu: K1.40	
Lombo gret tri: K0.80	
A. T. Agri i lukautim Kobum Spice em i stap long Bundi we planti ol kadamon i save kam long en.	



MAJIK LAM

Wok long San

Mejik Lam i save wok long pawa bilong san, yu ken sasim gen, isi bilong karim i go long olgeta hap, yu ken yusim oltaim long nait.

- **YUSIM PAWA BILONG SAN:** No gat smok nogut, em i wok tasol long pawa bilong san.
- **LAIT STRONG MOA:** Stap lait strong moa inap longpela taim winim ol arapela lam i save wok long pawa bilong san long wol.
- **SEIF:** Ol pikinini tu inap long yusim.
- **BILONG KAIN KAIN WOK OLTAIM:** Bai givim yu lait olgeta taim long olgeta hap.
- **LIKLIK KOS:** No ken painim bateri, no ken wari long baim bensin.

CLEANLINE SYSTEMS.
(PNG) PTY LTD.

P.O. Box 43, WAIGANI Phone 25 2555/23 2001 Fax 25 0872

Senis i ken kamap tasol ol pipel mas kisim trupela sevis

NAMBA WAN kibung bilong Palamen bilong dispela yia i stat long las wik Tunde, Janueri 22.

Planti gavman minista na bekbensa na tu ol lain bilong Oposisen bai toktok gen long gavman i mas bringim ol sevis olsem helt, edukesen rot, bris na planti arapela samting long wan wan ilektret bilong ol. Planti bilong ol dispela samting ol i bin toktok pinis long ol bung bilong Palamen long las yia.

Tasol planti memba i no kisim wanpela gutpela bekim i kam long gavman. Olsem na ol bai toktok strong na askim gavman long bringim ol dispela sevis i go long pipel bilong ol.

Ol lain long Oposisen i no inap isi long givim kain toktok i go olsem em gavman. Ol bai mekim kain kain toktok i no gutpela long daunim gavman long i no ranim gut kantri. Tasol dispela em i no wanpela nupela pasin. Bikos long bung bilong Palamen long olgeta yia, Oposisen i save mekim dispela.


Wanpela bikpela samting tupela sait wantaim (gavman na oposisen) bai paitim toktok em wanpela bil ol i kolim Ogenik Lo bilong Provinsal Atoriti na Lokol Level Gavman. As tingting bilong dispela bil em long kamapim sampela senis long provinsal gavman sistem insait long kantri. Sapos Palamen i tok orait long dispela bil, bil ya bai kisim ples bilong Ogenik Lo bilong Provinsal Gavman sistem em Papua Niugini i wok long yusim nau.

Nesenel Eksekutiv Kaunsil (NEC) i putim kamap dispela bil bikos dispela bil bai kamapim planti gutpela senis. Taim ol dispela senis i kamap, gavman bai go stret long han bilong ol pipel long ples. Na ol pipel i no inap long wetim o painim gavman long kamap long ol.

Praim Minista Paias Wingti i tok aninit long dispela bil, nesanel gavman na lokol level gavman wantaim bai gat pawa bilong wokim lo. Na provinsal atoriti bai stap olsem wanpela was o lukaut bodi bilong tok orait long provinsal baset long olgeta yia. Na tu long lukim olsem ol polisi bilong lokol level na nesanel gavman i ron gut. Lokol level gavman bai kamapim lo long ranim ol lokol komyuniti.

Narapela samting i olsem aninit long nupela sistem, ol nesanel memba bilong wan wan provins, ol hetman bilong lokol level gavman, wanpela memba bilong ol meri na arapela bilong ol sios bai stap olsem ol memba bilong provinsal atoriti. Dispela i min olsem bai i nogat ol provinsal minista. Bai i gat wanpela komiti ol i kolim Pemenen Komiti tasol long wan wan provins. Wok bilong dispela komiti em long stiaim Provinsal Eksekutiv Kaunsil na ol lokol level gavman.

Wanpela arapela samting ol dispela senis bai kamapim long wan wan provins



em Provinsal Pablik Sevis. Dispela pablik sevis bai i no inap wankain long nesanel pablik sevis long Mosbi.

As tingting em long mekim ol pablik seven em ol i wok aninit long provinsal atoriti na lokol level gavman long mekim wok long kamapim trupela developmen insait long ol ples. Dispela ol senis bai pinisim provinsal dipatmen long wan wan provins insait long kantri. Long kisim ples bilong ol provinsal dipatmen, distrik edministresen bai kamap long wan wan ilektret long wan wan provins insait long kantri.

Wanpela bikpela askim mipela ol pipel long ol ruel eria insait long wan wan provins i ken askim mipela yet em: Watpo na gavman i laik kamapim senis long Ogenik Lo bilong Provinsal Gavman? Mipela i ken askim arapela kwesten olsem: Wanem samting tru i asua na gavman i laik kamapim dispela ol senis?

Sapos mipela i bekim dispela tripela askim orait mipela i ken traime na ansaim wanpela moa askim. Dispela askim em i wanpela bikpela askim tru. Mi ting planti pipel insait long ol ruel eria na tu long ol eben senta (taun) bai i wanbel long dispela askim. Askim mi toktok long en i olsem: Dispela ol senis long provinsal gavman sistem insait long kantri bai givim trupela helpim i go long ol pipel o nogat?

Planti pipel bai i gat tingting olsem watpo na mi putim kamap dispela askim. Sampela bai kisim tingting olsem ating mi mas i no wanbel long ol senis i kamap long provinsal gavman sistem insait long kantri. Sampela bilong yupela ol pipel bai ting olsem ating mi putim kamap dispela askim long mekim yupela i egensim tingting na plen bilong nesanel gavman long bringim sevis na gavman i kam kamap long yupela long ples.

As tingting na mi putim kamap dispela askim i olsem sapos nesanel gavman i gat strongpela tingting long bringim sevis i go long ol pipel, orait em i mas holimpas dispela tingting bilong em na wokbung wantaim olgeta gavman oganaisesen na ejensi long lukim olsem dispela tingting i kamap gut. No long wankain taim i mas karim kaikai na mekim ol pipel i amamas.

Na tu ol i mas luksave olsem gavman em i bilong ol pipel na ol pipel i kamapim gavman. Olsem na gavman i luksave long dispela samting na givim helpim long

ol. Bikos ol pipel i as na papa bilong gavman. Sapos i no gat pipel, bai i no gat gavman.

Narapela bikpela as tingting em senis i ken kamap long Ogenik Lo bilong Provinsal Gavman. Bikos man i wokim dispela lo. Tasol bikpela samting i olsem dispela ol senis i mas mekim ol pipel i amamas. Na ol i ken wokbung wantaim gavman bilong ol long olgeta kain wok developmen insait long kantri. Sapos ol pipel i no amamas, olgeta wok developmen insait long kantri bai i no inap ron gut long stretpela rot na pasin em gavman i laikim. Gavman i stap long wokim disisen log kamapim na bringim developmen i kam insit long kantri. Na putim kamap mani long karimaut ol wok bilong dispela ol wok developmen. Tasol husat tru i stap long beksait na mekim wok bilong dispela ol wok developmen-gavman o ol pipel? Ol pipel i mekim ol dispela wok. I no gavman.

Yumi mas lukave tu olsem no gat wanpela sistem i nogut. Eksampel: Planti pipel i save tok olsem Wantok Sistem em i wanpela sistem nogut insait long kantri.

Tasol yumi mas luksave olsem dispela sistem i gat nogut na gutpela bilong en. Dispela em i wanpela sosol hevi. Bikos sistem o pasin i stap wantaim mipela long taim bilong ol tumbuna papa bilong yumi i kam inap tude. Na em i hat tru long yumi ken egensim dispela sistem. Yumi i no baim dispela sistem long Japan, Saina, Amerika o Saut Afrika na kisim i kam insait long kantri bilong yumi. Dispela pasin i stap long graun na kantri bilong yumi na yumi bikpela wantaim em. Na em bai hat tru long yumi lusim.

Long sait bilong gavman, dispela provinsal gavman sistem kantri bilong yumi i wok long yusim nau i no nogut. Dispela sistem i orait na gutpela. Dispela sistem i no gat wanpela asua long en.

Asua i stap long mipela ol pipel. Mipela ol pipel yet i no yusim gutpela dispela sistem. Mipela ol pipel yet i no bihainim ol lo bilong dispela sistem. Em nau ol samting i go bagarap na i no ron gut na mipela i komplek na tok dispela sistem i no gutpela o i no ron gut. Mipela ol pipel husat i holim ampela kain wok insait long dispela sistem i wok long bagarap dispela sistem. Na ol pipel long ol ruel eria i painim hevi, siksua na i no lukim trupela kaikai bilong dispela sistem. Bikos ol bikpela manmeri husat i ranim dispela sistem i no gat dispela bikpela as tingting bilong mekim gut wok long stretpela na gutpela rot long helpim ol pipel.

Long lukim olsem dispela nupela sistem i mas ron gut long helpim ol pipel, ol bikman bilong gavman i no ken sindaun, slip na raun wantaim amamas long Mosbi tasol. Ol bikman i mas go aut long ol provins na sekap long wanem kain ol hevi i stap long wan wan provins.

Ol i mas wokabout raun long lukim olsem ol pablik sevan i mekim gut wok bilong ol stat long 8 klok moning i go inap long 6-pela minit i lusim 4 klok long apinun. Ol bikman i mas lusim wanpela kain pasin ol i kolim "Mi Pasin" Dispela i min olsem mi tingting long mi yet pastaim bihain orait mi tingim ol pipel.

Taim ol bikman bilong gavman i go aut na lukave long hevi bilong ol pipel, ol i ken wokim gutpela na stetpela disisen long bringim ol wok developmen em bai stretim hevi ol pipel i gat long en. Em nau ol pipel bai wanbel na wokbung wantaim gavman na sindaun bilong ol bai kamap gutpela. Na i no long putim as bilong ol long gutpela matres sia na sindaun long kolwin opis bilong ol na tok: Ating dispela projek i gutpela long ol pipel bilong Lumi long Sandaun provins, i luk olsem ol pipel bilong ol pipel bilong Kamina long Galp provins bai amamas sapos wanpela bikpela welpam projek i kamap long hap bilong ol, mobeta yumi mas putim kamap wanpela ais projek long Boiken long Is Sepik provins o ol pipel bilong ol ailan long Manus bai amamas sapos wanpela pis faktori i kamap long provins.

Tude gavman i laik kamapim senis long provinsal gavman sistem long lukim olsem ol pipel i mas kisim gutpela sevis olsem helt, rot, edukesen, lo na oda, gutpela sindaun na ol sosel sevis. Long mekim dispela ol senis i karim kaikai, gavman i mas luksave long wanpela bikpela samting. Dispela samting em pasin bilong wokbung. Gavman i mas wokbung wantaim ol oganaisesen na ejensi bilong em yet, non gavman oganaisesen, sios grup, yut grup, spot grup, grup bilong ol meri, viles na komyuniti lida na planti arapela liklik grup. Bikos ol pipel i kamapim dispela ol grup. Gavman i mas givim sampela kain liklik helpim long dispela ol grup na askim ol long helpim em long bringim developmen na sevis i go long ol pipel. Gavman i no ken pasim ai bilong em long dispela ol grup na yusim ol oganaisesen na ejensi bilong em yet long karimaut olgeta wok bilong em. Gavman i toktok long helpim ol pipel orait em i mas yusim olgeta kain liklik rot long mekim dispela toktok bilong em i karim kaikai. Taim ol pipel i kisim trupela helpim na sindaun bilong ol i gutpela, gavman i ken paitim brob bilong em na tok. Em nau ol pipel i kisim trupela helpim. Nogut long gavman i putim kamap ol senis na sinaun luluk tasol long ol dispela senis yet long givim helpim i go long ol pipel. Sapos gavman i kamapim senis orait em i mas olgeta taim sanap long tupela lek bilong em. Na wokabout i go i kam long lukim olsem ol senis em i putim kamap i bringim developmen, gutpela sindaun na tu ol arapela sevis long ol pipel.

Ol pipel long Masambu laikim wanpela beskem

BEN TAUMAI i raitim

OL pipel bilong 4-pela ples husat i stap nau long ples Masambu long Naho Rawa konstituensi long Madang provins i tok ol i amamas tasol.

Ol i laik stap long hap. Ol i mekim dispela toktok long las wik Fonde taim provinsal dairekta bilong ol bagarap long Madang, Norman Philemon wantaim George Chapok bilong Viles Sevis na Provinsal Afeas, Kenny Digmai bilong Edukesen Dipatmen spesel projek na wanpela didiman opisa i bin go lukluk raun long hap.

Ol dispela lain i bin go bilong sekap sapos i gat sampela hevi i kamap long ples. Na tu long askim ol pipel

sapos ol i laikim gavman long kirapim wanpela beskem long hap.

Tasol long lukluk bilong ol, ol pipel i amamas tasol long stap long Masambu.

Ol pipel bilong ol 4-pela ples husat i stap nau long hap i karamapim Karabasi, Bengumu, Putemu na Dana. Na namba bilong ol pipel long hap em inapim stret 591 man, meri na pikinini.

Long bipo, ol dispela lain pipel i bin stap long Gusap kea senta inap long 6-pela mun bihain long graun malamum i karamapim ples bilong ol.

Kaunsol bilong ol pipel long Masambu i tokim Mista Philemon olsem ol i laikim gavman long kirapim wanpela beskem long hap.

Minista bilong haus rabisim tingting bilong kirapim ol sekpoim long Mosbi

WANPELA nesanel minista tu i egensim nau tingting bilong kirapim ol sekpoim insait long Mosbi siti.

Dispela man em minista i bosim wok bilong ol haus long kantri, John Jaminan. Toktok bilong em i bihainim wankain toktok em primia bilong Sentrel provins, Paul Kipo na ol arapela lain i mekim pinis.

Mista Jaminan i tok dispela samting em siaman bilong Nesanel Kapitel Distrik Komisen, David Unagi i laik mekim em longlong pasin.

"Dispela tingting bilong kamapim ol sekpoim long siti em wanpela longlong pasin tru," Mista Jaminan i tok.

Minista bilong ol haus i tok dispela tingting bilong kirapim ol sekpoim i no inap daunim hevi bilong lo na oda nau i stap long Mosbi na Papua Niugini.

Em i tok, "Dispela bikpela banis bilong Jemeni i lukautim sindaun bilong ol pipel tasol em i no stapim ol long wokabout. Wanem samting i kamap em moa pipel i dai.

"Nau dispela banis i no stap moa bikos long bilip bilong wok demokrasi. Ating mipela laik kirapim


narapela kain banis olsem long PNG o wanem," Mista Jaminan i tok.

Em i tok dispela tingting i bagarapim tru nem bilong PNG olsem wanpela Kristen kantri. Na olsem tasol, mipela i mas strongim bilip long laip na sindaun bilong man, meri na pikinini.


Mista Jaminan i tok long ol dispela sekpoim bai gat ol plisman husat bai gat ol strongpela samting bilong pait. Na dispela bai kamapim moa pret namel long ol pipel, bikos planti i lukim pinis wanem samting em ol plisman na arapela sekyuriti man na meri inap mekim.

Em i tok pasin bilong wokabout na toktok na autim tingting long laik i mas stap yet. Bikos dispela i save helpim tru wok developmen bilong kantri. Olsem na tambu i no ken kamap long dispela.

"Dispela hevi bilong lo na oda i kirap namel yet long ol pipel. Olsem na rot bilong stretim dispela hevi em bilong lukluk insait yet long ol pipel. Na em i no stret long go na kirapim nabaut ol sekpoim," Mista Jaminan i tok.



Buka
ailan
kamap
orait isi
isi...ol
samting
long poto



BOROKO MOTORS USED CARS



NISSAN
NAVARA
4X4
DUAL CAB
6 TO CHOOSE
FROM

FROM
K14,990



NISSAN CEDRIC
VIP 3 TO CHOOSE FROM ALL
FACTORY OPTIONAL LOW KMS FROM K16,990



NISSAN EXA TARGA TOP RED 1
OWNER LOW K/MS SPORT CAR
ONLY

K14,990

THE GOOD GUYS FOR BEST BUYS
PORT MORESBY, PHONE: 255255

OL MEMBA BILONG NESINEL PALIMEN, YUPELA HARIM DISPELA TOKSAVE

Dispela Amendment Bill bilong Tulapi ino makim interes na gutpela sindaun bilong ol papagraun na pipol bilong PNG. Sapos yu vot long sapotim Tulapi Amendment, yu no makim interes na gutpela sindaun bilong ol papagraun na pipol bilong PNG.

Dispela Tulapi Amendment Bill bai

- **putim pawa bilong lukaut long bikbus bilong yumi i go long han long ol ovasis logging Kampani**
- **bagarapim ol gutpela wok Gavmen na Fores Dipatmen i wokim pinis long daunim ol hevi Barnett Ripot i bin tok i stap yet**
- **rausim pawa bilong Gavmen long banisim ol logging kampani**
- **putim traipela winmoni moa igo insait long poket bilong ol logging kampani**
- **stilim na bagarapim olgeta samting ol pikinini bilong yumi i sapos long kisim bihain long yumi.**

YU MAS TINGTING GUT PASTAIM LONG 1997 ILEKSEN BIPO LONG YUSAPOTIM TULAPI AMENDMENT.



NAGO - PNG

Ol logging kampani i bin kisim 459 milien Kina long 1993 taim ol i salim ol timba bilong yumi i go ovasis. Gavmen yet i tok ol kampani i wok long kisim olsem 110% profit!! Ol pipol bilong yumi i kisim wanem makmak long dispela ?

Fores Indastri em i wanpela gridi industri long kantri bilong yumi!!

Secretary bilong N.G.O. Richard Brunton i Authorisim

Family Choice



COCA COLA 1 LTR
DRINKS ASST'D.
WERE K1.40
K1.35



TULIP
P/LUNCHEON
MEAT 340G. WERE K1.31
K1.26



WANKAI
BISCUITS WITH
PEANUT & JAM 120G
WERE .54t
.51t



PAULS
LONGLIFEMILK
1LTR. WERE K1.25
K1.19



BUSHELLS
TEA 125G
WERE .58t
.54t



MADAM
IN OIL 150Z
WERE K1.32
K1.25



TENDER
CARE BABY OIL
50MLS. WERE K1.02
.98t



PINE-O-CLEEN
500MLS
ASST'D. WERE K1.90
K1.81



CHAMP
DOG FOOD 1.5KG
ASST'D. WERE K3.31
K3.26



SUNCRUSH
CORDIALS
2LTRS. ASSORTED
WERE K3.18
K3.08



FRC
W/WING CAKE MIX
CHOCOLATE 370GM
WERE K1.57
K1.52



ORAL B
INDICATOR
WERE K1.74
K1.59

FAMILY STORE

TOWN & BOROKO



PAPUA NEW GUINEA FOREST AUTHORITY

TOKSAVE I GO LONG OLGETA OL PAPA BILONG GRAUN WE OL TIMBA KAMPANI I WOK LONG KATIM TIMBA

Minista bilong Forest wantaim Papua Niugini Forest Atoriti i stap redi nau long kamapim wok bihainim ol nupela lo bilong Forest Developmen stat long nambawan dei bilong mun Mas.

Ol nupela lo aninit long PNG Forest Atoriti i bin kamap bihain tasol long ol i bin kisim tingting bilong ol papa bilong graun na ol Timba Kampani.

Nesinol Eksekutiv Kaunsel i bin givim tok orait long ol dispela nupela lo.

Tasol bihain askim i kam long ol narapela papa bilong graun, Papua Niugini Forest Atoriti bai ino nap long kirapim wok yet inap long em i kisim tingting bilong ol dispela lain.

Sapos igat ol sampela gutpela tingting i kam long ol narapela lain papa bilong graun long senisim ol lo, bai igat moa senis i kamap. Papua Niugini Forest Atoriti bai i hamamas tasol long kisim ol gutpela nupela tingting we bai halivim Nesinol Gavman long kamapim wok bilong forestri insait long kantri.

Ol nupela lo aninit long Nesinol Forest Developmen i klia na i bilong kamapim tasol gutpela wok bilong forestri insait long Papua Niugini.

As bilong ol dispela nupela lo em long;

- Kirapim gutpela wok long bisnis bilong Timba insait long Papua Niugini na ol narapela kantri we i ken bringim moa moni. Dispela moni bai yumi ken usim long kamapim moa ol narapela samting na lusim tingting long salim ol diwai igo long ol narapela kantri.
- Wok developmen long ol diwai bilong yumi i mas stap longtaim long kamapim gutpela sindaun bilong ol papa bilong graun na olgeta man bilong dispela kantri.
- Wok developmen long katim diwai i mas kamap gut na ino ken bagarapim ol narapela samting bilong bus.

Bihainim tingting bilong Gavman bilong stopim planti ol diwai bilong Papua Niugini igo long ol narapela kantri. Dispela bai stap long yia 2000.

Bilong pinisim olgeta toktok, minista i tok as tingting bilong ol nupela lo em long ol papa bilong graun i mas i gat planti moni long kirapim gutpela sindaun bilong ol.

Minista i tok lukautim tu long ol papa bilong graun olsem ol i mas was gut long ol man o grup husait i save paulim ol toktok.

Em i tok sampela bilong ol dispela lain i wokim ol paul toktok tasol long helpim wok politiks bilong ol yet na ol grup ol i makim.

Ol nupela lo i kamap em bilong stopim ol lain husait i gat tingting long katim na salim diwai kwik long wokim moni hariap tasol na i nogat tingting long kamapim gutpela wok developmen.

Minister i tok tu olsem stat long mun bihain bai opis bilong em bai i toktok wantaim ol papa tru bilong graun long kisim tingting bilong ol.

Minista yet bai i kamap long "Redio (Kundu Sevis) long toksave long ol papa bilong graun long ol as tingting bilong ol nupela lo.

Sapos ol papa bilong graun i laik kisim kopi bilong ol nupela lo aninit long Nesinol Forest Developmen, bai ol i mas rait i go long PNG Forestry Authority P.O. Box 5055, Boroko.

**Authorised by the
Minister for Forests
Hon. T. Neville MP**

Date: 23 February 1994

Specials available until 28/02/94. Hurry while stocks lasts!!!


Lower Prices

erima

SUPERMARKET



SUNCRUSH
2LTR CORDIALS
ASST'D. WERE K3.18
K3.08



PAULS
LONGLIFE MILK
1LTR. WERE K1.25
K1.19



RAMUSUGAR 500G
WERE .74t
.70t



TRUKAI WHITE RICE
1KG. WERE .67t
.63t



STAR OF INDIA
CURRY POWDER 90G.
WERE K1.03
.98t



PARADISE WANKAI
WITH PEANUT & JAM
120GM WERE .54t
.51t



ILMO
CHICKEN BREASTS
WERE K2.22
K1.99



KRAFT
PEANUT BUTTER
WERE K2.34
K2.19



U/T VITA BRITS 375GM
WERE K1.70
K1.66



LAMB PIECES 1/PKG
WERE K1.51
.99t




LAMB FLAP 1/PKG
WERE K2.45
K1.95



ILMO
CHICKEN SIZE 11
WERE K4.13
K3.70

TRADING HOURS

Monday 8:30 am to 6:30 pm
Tuesday 8:30 am to 6:30 pm
Wednesday 8:30 am to 6:30 pm



Thursday 8:30 am to 6:30 pm
Friday 8:30 am to 7:00 pm
Saturday 8:00 am to 6:30 pm
Sunday 9:00 am to 1:00 pm.

PNGFRA Papua Niugini Fores Risos Asosiesen

NO KEN KAMAPIM OL FORES GAIDLAIN


Mipela ol papa bilong ol graun (Fores Risos Onas), i laikim olsem Minista bilong Fores, Tim Neville i no ken kamapim ol Nupela Fores Gaidlain.

Minista i tokaut pinis olsem PNG Fores Atoriti bai orait long holim gen wok bilong kamapim ol dispela gaidlain i go inap long 10 Epril, 1994. Olsem bai husat man o meri o grup i laik givim toktok na tingting i ken mekim olsem.

Tasol mipela, ol Fores Risos Onas, i no oraitim wanem kain las de nabaut. No gat wanpela man bai givim nau ol las de long mipela. Bikos long namba wan taim tru, no gat wanpela man i kam na kisim tingting na toktok bilong mipela long wok bilong ol nupela gaidlain.

Olgeta bus na diwai na graun em i bilong mipela. Olsem na long olgeta toktok bilong wok fores, mipela tu i mas stap insait na givim tingting na toktok bilong mipela.

Nesenel Eksekyutiv bilong PNGFRA i



HENRY PENI
Presiden

PNG Fores Risos Onas Asosiesen



MARK MAIPAKAI
Siaman

Sauten Rijon
Papua Niugini Fores Risos Asosiesen


givim bikpela sapot long tingting bilong ol memba bilong en long **PASIM OLGETA WOK STAT LONG NAMBA WAN DE BILONG DISPELA MUN!!**

Mipela amamas long sapot bilong ol lain bilong Morobe Fores Risos Onas Asosiesen na askim ol bikman long givim gutpela luksave long pawa bilong ol papa graun na kamapim ol gutpela fores gaidlain. Long mekim dispela, mipela laik askim ol long sapotim Tulapi Forestri Amenmen Bil.

Ol papa graun bai kisim stret hap skel bilong ol long olgeta takis, winmani na royalti sapos Palamen i sapotim na oraitim Tulapi Bil.


Mipela laik askim strong gen olsem **NO KEN KAMAPIM OL DISPELA GAIDLAIN.**

Mipela, olgeta Fores Risos Onas, i laik singaut gen long sapotim Tulapi Fores Amenmen Bil long Palamen olsem bai pawa na wok bilong mipela inap kam aninit long lo na luksave bilong ol bikman.



PETER HAROLD
Presiden

Wes Nu Briten Fores Risos Asosiesen



CONRAD MATE
Siaman

Is Nu Briten - Papua Niugini Fores Risos Asosiesen

ENB PNGFRA BRENS I SAPOTIM TINGTING BILONG WES NU BRITEN PNGFRA BRENS LONG- STRETIM GEN FORESTRI GAIDLAIN

Tim Neville) i traim hat tru long putim dispela gaidlain (em i no harim toktok long stretim dispela nupela Gaidlain) i kamap tru long Mas 1, 1994.

ENB -PNGFRA Brens miting long Rabaul long Februeri 11, 1994 na i kamap wantaim sampela astingting em ol i mas lukluk i go insait:

1. I no laikim Stet long ranim ol wok aninit long nupela Revenu Sistem.
2. Ol benefit bilong LOC em Stet bai holim.
3. Re: Salim ol diwai - SPO i nogat tingting long bagein.
4. Infrastraktel Levis bai baim takis egensim LOC Benefit. Hamas mani LOC i gat long plet bilong em long wanpela dei.
5. Nupela Revenu Sistem i kamap na gutpela pasin i save stap namel long ol tupela pati (LOC na Dvelopa) i no stap mao.

Mipela i askim gut Nesenel Minista nau long traim harim ol toktok bilong mipela (ENB na WNB PNGFRA Brens) long kam sindaun na toktok gut wantaim mipela long Nupela Forestri Gaidlain.

Na long pinisim toktok, mipela i sapotim toktok bilong Mista Jim Belford (Seketeri F.I.A.) long pablik notis

namba 9 na 10 bilong em long ol nius-pepa.

Mipela i laik tok klia olsem PNGFRA-ENB Brens i sapotim tru tingting bilong ol wanlain bilong mipela long Wes Nu Briten Provins long stopim olgeta wok bilong katim diwai long provins bilong ol inap long Minista i tokorait long sindaun bung wantaim mipela na toktok long dispela nupela gaidlain bipo long Mas 1, 1994.

ENB-PNGFRA Brens i gat rait long sapotim WNB-PNGFRA Brens. Mipela tu bai pasim olgeta wok bilong katim diwai sapos Nesenel Fores Minista Mista Tim Neville i no tokorait long bung wantaim mipela ENB na WNB PNGFRA Brens.


ENB-PNGFRA Brens i stap isi tasol na wok long harim na ritim ol kros toktok na sapot toktok nambaut. Na nau mipela i tingting long opim maus bilong mipela long kamapim tingting bilong mipela long sampela eria bilong nupela Forestri Gaidlain. Mipela olgeta i save olsem Nesenel Minister (Mista

I Kam long Tokorait bilong:

CONRAD MATE
SIAMAN
ENB -PNGFRA BRENS



•Dispela em wampela strongpela tim husat i save pilal long Hanuabada basketbal resis long Mosbi. Oi i bin kamapim bilpela pret tru long pilal bilong las wiken.



•Susa ya bilong Sharks i mekim narapela kain stall long banisim rot bilong narapela pilala bilong Broncos long pasim bal. Dispela em long Gerehu Netbal op sisen resis long Mosbi.



•I gat kainkain stall kalap i save kamap long op sisen Netbal resis long Gerehu. Planti yangpela i save amamas long go lukim. Na susa ya bilong Sharks i redi tasol long banisim bal i kam.



•Yangpela ya i gat namba. Stall manki bilong Wild Cats i kism wampela tropi bihain tasol long grenfainel bilong Waigani Ragbi Tas resis. Em i bin kamapim gutpela pilal tru na winim dispela tropi. Pilal i bin kamap namel Wild Cats na Panthers. Tupela wantaim i dro 2-2 bihain long ekstra taim.



•Las wiken, planti ol sapota bilong Netbal i bin kamap long lukim grenfainel bilong Waigani op sisen resis long Mosbi. Pilal i bin stap namel long Wild Cats na Panthers. Panthers i winim Wild Cats 12-6.



•Oi lain nogut bilong Panthers tim i sindaun amamas tasol bihain long tim bilong oi i dro wantaim Wild Cats long Waigani tas resis grenfainel. Oi i dro 2-2 bihain long ekstra taim.

LAE WOMENS SOFTBALL ASSOCIATION 1993-94 FINAL PROGRESSIVE LADDER

Division 1			Division 2		
Position	Team	Pts	Team	Pts	
1	Coronation	24	A/Niugini	29, 96%	
2	Defence	20	Karanas	29, 93%	
3	Manolos	16, 120%	Kabi	24	
4	Karanas	16, 110%	Coronation	22	
5	PNGBC	15	Defence	20	
6	Wantoks	10	Royals	18	
7	Aviat	6	BSP	18	
8	KK K/Ston	1	Unitech	16	
9			Manolos	15	
10			KK K/Ston	10	
11			Tarangau	8	
12			Lae Tech	1	

Note: (1) Percentage is used as Tie Breaker
(2) Division Two Teams (2-5) play on Saturday and Sunday
Air Niugini wait for Sunday's games only.

League	Team	Pts	L/Reserve	Pts
1	Malangan	24	Elcess	22
2	Bismark	23	Malangan	21
3	Elcess	22	Bismark	19
4	Taubar	16	Taubar	17
5	Kunai	14	Medics	13
6	Medics	7	Kunai	8
7	Gazelle	5	Gazelle	6
8	Westpac	2	Westpac	4

J/League	Team	Pts	Percentage
1	Elcess	24	
2	Kunai	20	87%
3	Taubar	20	86%
4	Bismark	14	
5	Gazelle	10	
6	Medics	2	
7	Westpac	0	
8	Malangan	0	

DIVISION LEAGUE				
Elcess	10	7	3	14 2nd
Malangan	10	8	2	16 1st
Bismark	10	6	2	14 2nd
Medics	10	5	2	12 3rd
Taubar	10	6	4	12 3rd
Fireballs	10	2	8	4 4th
Karanas	10	2	8	4 4th
Gazelle	10	2	8	4 4th

DIVISION ONE				
Westpac	10	8	2	16 1st
Defence	10	6	1	13 3rd
K.K.Kingston	10	6	4	12 4th
PNGBC	10	7	3	14 2nd
Aviat	10	6	4	12 4th
Manolos	10	3	1	7 5th
Wantoks	10	2	8	4 6th
Tarangau	10	1	9	2 7th

DIVISION TWO				
Coronation	10	10	-	20 1st
Kabi	10	8	-	16 2nd
Royals	10	3	1	7 5th
Aviat	10	5	-	10 3rd
Lae Tech	10	4	-	8 6th
Defence	10	4	1	9 4th
Tarangau	10	2	1	5 7th
K.K.Kingston	10	0	1	9 8th

GEREHU NETBALL COMPETITION

DRAWS

Saturday 05/03/94 - ROUND 11

Time	Team	Vs	Team
9.00	B Bulldogs	vs	Sharks
9.30	B Panthers	vs	Crusaders
10.00	B Broncos	vs	Country
10.30	B Tigers	vs	Raiders
11.00	A Seagulls	vs	Magani
11.30	A Saints	vs	Roosters
12.00	A Bulldogs	vs	Sharks
12.30	A Panthers	vs	Crusaders
1.00	A Broncos	vs	Country
2.30	A Tigers	vs	Raiders

* All clubs are advised that these is the final game of the season. There will also be a meeting on Sunday starting at 2.00. Club officials will be advised on the venue for the meeting.
* Magani and Roosters "R" Grade on Bye.

SEMI FINAL DRAWS

10.00	Magani	vs	Bears
10.20	Broncos	vs	Saints
11.00	Tigers	vs	Raiders
11.20	Knights	vs	Crusaders
12.00	B Roosters	vs	Sharks
1.10	B Bulldogs	vs	Seagulls
2.20	A Roosters	vs	Seagulls
3.30	A Panthers	vs	Country

Points Ladder after Round 10

A Grade	Teams	P	W	D	L	Pts
	Panthers	10	10	-	-	20
	Magani	10	9	-	1	19
	Roosters	10	6	-	4	12
	Saints	10	6	-	4	12
	Crusaders	9	5	1	3	11
	Broncos	10	5	1	4	11
	Bulldogs	9	5	-	4	10
	Country	10	4	-	6	8
	Tigers	10	3	-	7	6
	Raiders	10	3	-	7	6
	Seagulls	10	2	-	8	4
	Sharks	10	1	-	9	2

PORT MORESBY RUGBY FOOTBALL LEAGUE DRAWS

PRL II Saturday 05/03/94

Time	Grade	Teams	Ref
9.00 am	Reserve	Brothers vs Waliya	T/J
11.00 am	Reserve	West vs Magani	T/J
12.30pm	A Grade	Tarangau vs DCA	T/J
02.00pm	A Grade	Royals vs Kone	T/J
03.30pm	A Grade	Brothers vs Waliya	T/J

Sunday 06/03/94

09.30am	Res	Defence vs Paga	T/J
11.00am	A Grade	South vs Hawks	T/J
12.30pm	A Grade	ANG vs Puma Posts	T/J
02.00pm	A Grade	West vs Magani	T/J
03.30pm	A Grade	Defence vs Paga	T/J

PRL III Saturday 05/03/94

PRL 11	9.00am	U/17	West vs Magani	T/J
PRL 111	9.00am	U/17	Brothers vs Waliya	T/J
PRL 11	10.00am	U/17	Tarangau vs DCA	T/J
PRL 111	10.00am	U/17	ANG vs Post Puma	T/J
PRL 11	11.00am	U/17	Defence vs Paga	T/J
PRL 111	11.00am	U/17	Royals vs Kone	T/J
PRL 11	12.00pm	U/17	Souths vs Hawks	T/J
PRL 111	12.00pm	U/19	West vs Magani	T/J
PRL 11	1.00pm	U/19	Brothers vs Magani	T/J
PRL 111	1.00pm	U/19	Tarangau vs DCA	T/J
PRL 11	2.00pm	U/19	ANG vs Post Puma	T/J
PRL 111	2.00pm	U/19	Defence vs Paga	T/J
PRL 11	3.00pm	U/19	Royals vs Kone	T/J
PRL 111	3.00pm	U/19	Souths vs Hawks	T/J

Sunday 06/03/94

PRL 11	9.00am	U/21	West vs Magani	T/J
PRL 111	9.00am	U/21	Brothers vs Waliya	T/J
PRL 11	10.15am	U/21	Tarangau vs DCA	T/J
PRL 111	10.15am	U/21	Defence vs Paga	T/J
PRL 11	11.30am	U/21	Royals vs Kone	T/J
PRL 111	11.30am	U/21	Souths vs Hawks	T/J
PRL 11	1.15pm	Res	Royals vs Kone	T/J
PRL 111	1.15pm	Res	Souths vs Hawks	T/J

MT HAGEN SOFTBALL ASSOCIATION PROPER SEASON COMPETITION DRAW - 1993/1994 SEASON GAME 9 - ROUND: 2

Saturday 04/03/94

Time	Venue	Grade	Teams	Umpire
1.00-3.00	D.2	Women	Hagstars vs Aviat	N. Norlick
	D.2	Women	NGI vs Wantoks	J. Kundi
1.00-3.00	D.1	Men	NGI vs Hagstars	Irong Noi
3.00-5.00	D.1	Men	Unicats vs Elcom	Irong Noi

Sunday 05/03/94

1.00-3.00	D.2	Women	Unicats vs Royals	N. Norlick
3.00-5.00	D.2	Women	Strivers vs Gazelle	M. Rex
1.00-3.00	D.1	Men	Unicats vs Aviat	A. Maradi
3.00-5.00	D.1	Men	TSL vs Aviat	A. Maradi

Women Bye: Elcom
Men Bye: Eagles

POINTS LADDER

Mens Division: Elcom 29, Unicats 24, Brown Eagles 21, NGI 19, Strivers 11, Hagstars 7, Aviat 3, TSL 2.
Women's Division: Unicats 27, NGI 24, Royals 24, Wantoks 21, Hagstars 9, Aviat 5, Elcom 2.

WAU SOCCER ASSOCIATION WEEKEND DRAW PRE-SEASON: SATURDAY MARCH 5, 1994.

Time	Team	Vs	Team	Division	Grade	Referees
11-12	Kande	vs	Brothers	A	One	Jerry
12-1	Yawadubu	vs	St Francis	A	One	Tom
1-2	Sobou-Mandic	vs	Tin Fish Tagabi	A	One	Harvey
2-3	Buresong	vs	Ulung Kid	A	One	Sinaka
3-4	Morobe Utd	vs	Wabu-Kurex	A	One	Bin
4-5	BFC Wau Bus	vs	Fisika	A	One	Less

Sunday, March 6, 1994.

11-12	Buresong	vs	Ulung-Kid	A	One	Harvey
12-1	Wau-H/School	vs	Tin Fish Tagabi	A	One	Sinaka
1-2	Morobe Utd	vs	Fisika	A	One	Less
2-3	Brothers, Vic	vs	Yawadubu	A	One	Davit
3-4	Wabu-Kurex	vs	Sobou-Mandic	A	One	Jerry
4-5	BFC Wau Bus	vs	ST Francis	A	One	

MOUNT HAGEN SOFTBALL ASSOCIATION RESULTS

Men's Div	Gazelle vs TSL	double forfeit	0:0
	NGI vs Strivers	NGI	5:0
	Unicats vs Unicats	Unicats	14:4
	Brown Eagles vs Hagstars	Eagles	5:0
Women's Div	Wantoks vs Elcom	Wantoks	5:0
	Unicats vs Aviat	Unicats	5:0
	Unicats vs Hagstars	Drew	3:3
	Hagstars vs NGI	NGI	5:7

LAE WOMENS SOFTBALL ASSOCIATION DRAW 1993-94 PRELIMINARY FINALS Saturday, 05/03/94

Diamond 1

Time	Fixture	Ref
0800-0930	Elcess vs Coronation (JL)	J Mapai & N Paivu
0930-1100	Winner of 2 + 3 A/Niugini vs Div 2	H Costigan, A Ilikis, N Paivu, J Mapai
1100-1230	Malangan vs Elcess (L/Res)	N Paivu & S Tolurrom
1230-0200	Coronation vs Defence (D1)	M Kalukai, A Rukain & H Costigan
0200-0330	Malangan vs Bismark (L)	M Agilo, N Paivu & A Rukain
0330-0500	Elcess vs Taubar (L)	N Hungrabos, Adu Rukain & N Paivu

Diamond 2

0800-0930	Taubar vs Bismark (JL)	B Geon & H Costigan
0930-1100	Looser of 2 + 3 vs (Winner of 4 + 5 (D2))	M Kalukai S Tolurrom B Geon
1100-1230	Karanas vs Kabi (D2)	B Geon, J Mapai
1230-0200	Bismark vs Taubar (L)	N Paivu, B Geon
0200-0330	Karanas vs Manolos (D1)	H Costigan N Paivu
0330-0500	Defence vs Coronation (D2)	P Pasen, H Costigan & B Geon

All games will be at the showgrounds. Gate fees will be K1.00 Adult and 50c Children.

TELKOM RUGBY UNION 7's TOURNAMENT

March Saturday 4 and Sunday 5

Saturday	Time	Fixture	Sunday	Time	Fixture
2.00	1.	Pom 1 vs Lae 2	3.30	13.	2nd Pool A
2.20	2.	Lae 1 vs Wewak			2nd Pool C
2.40	3.	Pom 2 vs Daru	4.00	14.	2nd Pool B
3.00	4.	Pom 3 vs Marsh. LGN.			2nd Pool D
3.20	5.	Pom 1 vs Kavieng	4.30	15.	Winner Pool A
3.40	6.	Lae 1 vs Goroka			Winner Pool B
4.00	7.	Pom 2 vs Rabaul	5.00	16.	Winner Pool B
4.20	8.	Pom 3 vs Madang			Winner Pool D
4.40	9.	Lae 2 vs Kavieng	5.30		Winner 13
5.00	10.	Wewak vs Goroka			Winner 14
5.20	11.	Daru vs Rabaul	6.00		Winner 15
6.40	12.	Marsh. LGN. vs Madang			Winner 16
			6.30		Presdents Trophy
			7.00		National Champs

PORT MORESBY BANKERS VOLLEYBALL ASSOCIATION DRAWS FOR ROUND ONE

Sunday 06/03/94

Women's Division - Games Five

Time	Teams
10.00	Indos vs Westpac
12.00	RDB vs BSP
14.00	PNGBC vs ANZ
16.00	BPNG vs Indos

Men's Division

10.00	Westpac vs ANZ
12.00	BSP vs BPNG
14.00	PNGBC vs Indos
16.00	R

Ol boi Beon kamapim bikpela pret nau

MADANG LIG RIPOT

NUPELA tim bilong Madang Winfield ig resis, Tarangau i soim pnis olsem em bai wanpela strongpela tim long ragbi lig sisen bilong Madang long dispela yia.

Bikos long ol pilai bilong pri sisen long las wiken, Tarangau i bai givim liklik hetpen long New Town Panthers. Tasol New Town Panthers i strong moa na autim tiket bilong ol woda, 30-20.

Tarangau i bin kamapim gutpela pilai tu long dispela gem bilong ol wantaim New Town Panthers. Ol pilai bilong Tarangau i bihainim gut ol samting ol i lainim long kosa bilong ol, Masuda Lapong. Na ol i tro-

moi bal i go i kam na kamapim gutpela pilai. Planti manmeri i bin amamas tru na singaut long ol pilai bilong Tarangau.

Olpele pilai bilong Royals, Kevin Dungan yet i bin go pas long ol boi long Beon haus kalabus long brukim banis bilong ol New Town. Dungan i kisim gutpela na bikpela sapot i kam long Samo Tie, Gilman Vare, John Goie, Hasley Watepa na Douglas James. Na ol i bung wantaim na mekim het bilong ol boi bilong Panthers i kisim bikpela taim nogut.

Bikos taim bal i stap long sait bilong ol Tarangau, ol i save tromoi bal i go i kam na wokim gutpela sapot pilai. Na dispela i save paulim tru ol Panthers.

Tasol ol Panthers, bikos ol i bin pilai-long-

pela taim na tu i gat ekspirians i winim ol boi bilong Beon haus kalabus.

Long dispela gem, ol Panthers i bin gat ol gutpela pilai olsem Raman Penny (em i lusim Tarangau na go bek long Panthers), Issac Silas na Reuben Tropu. Dispela tripela man i bin go pas long ol yangpela boi olsem man husat i putim tupela trai Robert Tropu, Job Pamela, Rodney Tonny, Peter Simmy na Mathias Itupi long bagarampim sindaun bilong ol boi Tarangau.

Ol pilai bilong Tarangau husat i putim trai em Hasley James, John Goie, Kevin Dungan na Samo Tie. Tarangau i no wari long dispela lus bilong ol. Bikos em i namba wan taim bilong ol long pilai na tu ol i no save long pilai bilong wanpela na

arapela. Tasol i luk olsem long sisen bilong dispela yia, dispela tim bai mekim save long planti tim bikos long kain stail na teknik bilong ol.

Kain stail na teknik tasol i kukim tingting bilong ol selekta. Na ol i makim pinis tupela pilai bilong ol long stap insait long skwat bilong Madang long pilai wantaim inta siti tim bilong Lae long Sande.

Dispela gem em long givim moa trening na save i go long ol inta siti skwat bilong Madang.

Tupela pilai bilong Tarangau ol selekta i makim em Hasley James (insait senta) na Douglas Watera (lok).

Stail yunifom bilong Goroka lig klap Madang glasim gen tim bilong traim Lae



•Provinsal memba Mista Nelson Ipakio i givim ol jesi wantaim sek mani i go long tim menesa bilong Norths Ragbi Lig Klub. Long sait bilong em tasol long raithan em Mista Bona Fia. Photo: Sape Metta

SAPE METTA i raitim

NUPELA ragbi lig klap, Norths bilong Goroka bai stat pilai long Goroka lig resis wantaim stail kala jesi. Na ol dispela stail kala jesi i kam long tupela provinsal politisen, Bona Fia na Nelson Ipakio.

Ipakio i bin givim ol yunifom inap long mak bilong K1,200 na K200 mani bilong helpim ol wantaim pilai registresen fi.

Fia na Ipakio em tupela man husat i papa bilong Town Bus Service. Na Norths tim bai karim nem bilong ol olsem Town Bus Norths.

Tupela politisen taim ol i givim ol yunifom na mani i tok olsem ol i sapota bilong ragbi lig na ol i amamas tru long sapotim wanpela nupela tim.

Norths tim bai pilai long risev gret wantaim ol junia tim bilong ol. Ol bai kamapim wanpela A gret tim long neks yia sapos ol i pilai strong long resis bilong dispela yia.

Ol pilai bilong Norths em ol boi long North Goroka na ol sumatin bilong Goroka Yunivesiti.

Memba sapatim wok spot long ples

TOKTOK i save kamap na toktok i kamap pinis. Ragbi lig em bun stret bilong Isten Hailans. Na long mekim dispela toktok i tru, ol yangpela man long olgeta ples insait long Goroka taun tu i save kirapim das long olgeta wiken taim ol i pilai long ol op sisen resis.

Long Henganofi, Okapa, Lufa, Bena Bena na Notafana, ol sapota i save kamap long bikpela namba tru bilong lukim ol pilai.

Wanpela bilong ol dispela tim husat i save pilai long op sisen em Koki Raiders A gret tim husat i bin pilai strong tru na daunim ol narapela 6-pela tim long kamap long gren fainal. Dispela em long Kenamaro op sisen lig long Bena Bena.

Man husat i go pas long dispela tim em provinsal memba bilong Lowa Bena na minista bilong Helt, Bona Fia.

Fia i tok planti b'khet pasin i save kamap long ol taun taim ol yangpela man i no gat wok na spin i go i kam.

"As bilong raun nating em trabel bai kamap," Fia i tok.

Em i tok long daunim planti pasin nogut insait long ol ples, komyuniti na taun, olgeta lida i mas wokbung wantaim long givim gutpela sevis.

LIG RIPOT

BEN TAUMAI i raitim

MADANG Winfield lig resis bilong 1994 sisen i stat long las wiken.

Tasol planti klap i no bin lukim ol gutpela pilai bilong ol i pilai. Bikos ol dispela pilai i stap long inta siti skwat bilong Madang.

Bikos long dispela, ol dispela pilai i stap lukluk tasol na ol arapela wantaim bilong ol i mekim save long pilai strong wantaim tim em ol i pilai egensim.

Dispela ol pilai bilong inta siti skwat bilong Madang i no bin pilai long klap bilong ol bikos ol i malolo bilong go na bungim inta siti tim bilong Lae.

Ol pilai husat i stap long skwat bilong Madang long traim inta siti tim bilong Lae em Boston Jack (Hawks), Otto Bani (Royals), Max Kasam (Panthers), Halsey Watera (Tarangau), Daniel Somin

(Tigers), Silas Issac (Panthers), Willie Kawage (Tigers), Joe Kunai (Brothers), Michael Kela (Tigers), Tony Kerowa (Brothers), Douglas James (Tarangau), Jack Kasu (Brothers), Jasco Kaveru (Hawks), Luke Tom (Tigers), Raman Kenny (Panthers) na Jonathan (Tigers).

Kosa bilong ol em John Jacob bilong Tigers klap.

Seketeri bilong Madang lig, Opa Liriope i tok long Sande taim inta siti skwat bilong Madang i pilai wantaim wanpela skwat bilong Madang yet em ol i makim, ol selekta bai lukluk long 4-pela fowat. Dispela 4-pela fowat pilai em Joe Kunai, Michael Kela, Tony Kerowa na Jack Kasu long kisim ol i go insait long inta siti skwat na strongim fowat bilong inta siti tim. Bikos long nau yet, ol fowat bilong inta siti tim i no strong tumas.

Ol selekta bai lukluk long wanpela fulbek bilong Panthers tu em Raman Kenny. Bikos long sampela taim i go pinis, planti lain i bin komplek long ol selekta i no makim em long stap insait long inta siti tim.

Nupela progrem sut long kirapim nau tingting bilong ol pikinini

RODNEY KAMUS i raitim

OL skul sumatin insait long Is Sepik, Westen Hailans, Oro, Is Nu Briten na Nesenel Kapitel Distrik bai namba wan lain long kisim Pikinini Spots progrem.

Dispela progrem em PNG Spots Komisen, Edukesen Dipatmen na Aussie Spots i bung wantaim long bringim i go long ol skul. Na dispela

progrem bai stat pastaim long ol dispela 5-pela provins. Na taim em i kamap gut, ol narapela provins tu bai kisim.

Long wanpela semina long las wik, ol spots edministreta, ol mausman bilong Edukesen Dipatmen na ol save-man bilong Aussie Spots i bin tokaut long dispela.

Pikinini Spots progrem bai go long ol pikinini na ol sumatin husat i gat 5-pela

krismas i go inap long 20 krismas.

Progrem ya bai go long 4-pela skul insait long ol wan wan provins ya. Na dispela bai luk olsem 2000 pikinini na sumatin bai lainim ol dispela samting.

Ol pilai progrem ya i karamapim em basketbal, soka, volibal, sofbal, ragbi lig wantaim ragbi yunien na

atletiks.

As tingting bilong dispela progrem em long kamapim ol gutpela yangpela manmeri long pilai. Na sapos planti yangpela i pilai, tingting bilong wan wan long pilai bai kirap bikpela.

Tupela savaman bilong Aussie Spot i bin kam long PNG bilong ranim dispela semina long Mosbi. Semina ya i stap inap long tripela de.



•Papua Niugini Spots Komisina John Davanincura i sanap na lukluk long ol eduksen mausman na ol spots edministreta long taim ol i bin sindaun long dispela semina. Photo: Jack Ami

Guria wantaim Posino wilwilim Ice long pri sisen

WEWAK SOKA RIPOT

GODFRIED YASSAFAR i raitim

WEWAK Soka Asosiesen (WSA) i holim ol pri sisen kik resis bilong en long las wiken.

Insait long dispela kik resis, 4-pela gem tasol bilong primia divisen i bin kamap. Tripela long Sarere na wanpela long Sande.

Long Sande, moa long wanpela gem inap kamap. Tasol ol tim husat i mas pilai long Sande i no bin kisim gutpela tok save i kam long ol opisal. Olsem na ol i no bin kamap long pilai.

Bikos long dispela, wanpela gem tasol i bin kamap. Dispela gem i bin kamap namel long Wewak Ice na Guria.

Tripela gem i kamap long Sarere i bin

stap namel long Posino wantaim Wewak Ice, Garamut wantaim Kay Cee na Passam nesanel haikul wantaim Boco.

Long dispela tripela gem, Posino i bagarapim na wilwilim sindaun bilong Wewak Ice 2-1, Garamut i kisim fri poin bikos ol pilai bilong Kay Cee i no kamap long pilai na Passam nesanel haikul tu i kisim fri poin bikos ol boi Boco i no soim pes long Prins Charles pilai graun.

Long gem bilong Sande namel long Wewak Ice na Guria, Guria i strong na mekim Wewak Ice i sindaun silip wantaim wari na belpen bihain long pilai em i pinis. Bikos golkipa bilong Wewak Ice i no was gut na Guria i hensapim golmak bilong wanpela taim tasol. Guria i winim Wewak Ice, 1-0.

Long dispela gem, tupela tim wantaim i bin pilai hat tru. Olgeta pilai bilong ol i

yusim stail, teknik na save em ol i gat long en. Ol pilai bilong Wewak Ice i traim yusim ol kain stail bilong ol long las yia. Na traim long soim Guria olsem ol i nambawan biknem tim insait long WSA. Tasol ol pilai bilong Guria i no givim sans long Wewak Ice long daunim ol.

Ol tu i putim kamap bikpela na strongpela simen banis long golmak bilong ol. Bikos ol i pret nogut bai Wewak Ice i mekim umben bilong ol i singim singsing bilong Willie Sepas ol i kolim Kela.

Tasol ol boi long Wewak Ice tu i no givim sans long Guria. Nogat tru stret. Ol boi long Wewak Ice i sanapim ol strongpela pos mangro long golmak bilong ol na taitim waia raunim ol dispela bos. Na banisim gut golmak bilong ol.

Dispela strongpela banis long beklain bilong Wewak Ice i no stapim Guria long traim brukim. Guria i hatwok i go na hat-

wok bilong ol i karim kaikai taim ol i bomim golmak bilong Wewak Ice.

Wewak Ice em i primia tim insait long WSA long sisen bilong las yia.

Planti soka manmeri long WSA i save olsem Wewak Ice em i wanpela strongpela primia tim. Olsem na long las yia, taim ol arapela primia tim i pilai egensim Wewak Ice, ol i save putim kamap strongpela pilai tru.

Tasol long las wiken long prisen sisen, Wewak Ice i lusim tupela gem.

Dispela i soim olsem Wewak Ice i no moa strong olsem las yia. Sapos Wewak Ice i gat laik long holim yet taitel olsem nambawan primia tim, em i mas soim ol arapela 7-pela primia tim olsem em i fit yet. Long mekim dispela, Wewak Ice i mas pilai strong na winim ol. Sapos nogat, kain tim olsem Passam, Guria na Kay Cee i ken kisim dispela taitel.



•Ol liklik manki ya em ol sapota bilong Lapwing Tigers. Ol i bin kamap long sapotim tim bilong ol husat i bin pilai long Waigani Ragbi Tas resis long Mosbi. Photo: Lionel Yogomin

Kain kain arapela wok stapim ol kik resis long tupela wiken

WAU SOKA RIPOT

ARI GUH DANDEE i raitim

KIK resis bilong Wau long Morobe provins i no bin kamap gut long las wiken.

Long wanem i bin gat sampela hevi i kamap na stapim ol pilai.

Long wik i go pinis, ol bikman bilong soka long Wau i bin pasim ol pilai bikos i bin gat toktok bilong ol lain Biar pipel long holim wanpela so bilong ol.

Tasol dispela i no bin kamap na bagarapim tru ol pilai bilong dispela taim. Orait long las wiken, wankain samting i bin kamap taim wanpela lotu grup i bin holim bikpela bung bilong en na pasim pilai graun. Olsem na ol kik i no bin kamap.

Dispela nau i bringim bikpela hevi long soka asosiesen. Bikos em bai ron bihain nau long ol pilai bilong en.

Ripot i tok moa hevi olsem bai kamap sapos ol

arapela lain i no givim gutpela tok save pastaim long ol i laik mekim wanpela wok o pilai o holim ol arapela bung nabaut.

Na rot bilong tok klia long dispela em bilong go na lukim ol lain bilong Distrik opis. Olsem bai ol inap kisim gutpela tok save long wanem taim bilong yusim Wau komyniti graun.

Narapela samting tu em ol lain bilong soka i laikim olsem tok save i mas kamap long ol pas-taim long tupela wik bilong holim wanem kain arapela bung.

Orait long dispela wiken, ol kik resis bilong Wau bai go het yet olsem i stap long tok save. Olsem na olgeta klap husat i givim nem pinis bilong kik i mas kamap long Sarere bilong pilai.

Dispela bai i namba wan wiken bilong ol pri sisen kik resis. Bihain long dispela bai sisen propa i stat.

Long nau yet i gat sampela nupela klap i givim nem pinis bilong kik. Ol dispela klap em Kande, Sobou Medics, Tinpis Tagabi, Ulung Kids wantaim Yawadubuma Buresong.

Lae soka inap long bagarap olgeta nau

i kam long pes 32

pilai graun i abrusim tru lobuk bilong kik.

Ripot bilong las wik i tok, "...ol referi husat i lukautim tu ol pilai bilong las wiken (tupela wiken pinis) i no gat nem long rejista buk bilong Lae Soka Referi Asosiesen..."

Long strongim gen ol dispela toktok, wanpela bikman bilong LSRA i tokaut long las wik olsem pasin ya i kamap bikos ol i no kisim wanpela askim pas bilong LFA.

Tasol ripot bilong dispela wik i tok olgeta dispela toktok bilong askim pas na olkain samting olsem nau i pinis.

"Bikos gren fainal bilong LFA Kap i kamap pinis. Na i no gat wanpela samting inap kamap nau," ripot ya i tok.

Ripot i tok kain pasin Peka i wokim i strongim tasol dispela pait bilong pinisim na rausim olgeta soka long Lae. Na long wankain taim, em bai

bringim bikpela askim long luksave bilong PNGFA long dispela resis bilong LFA Kap.

Bikos, ripot i tok, sapos ol ausait referi nating i lukautim ol pilai, dispela i no wanpela luksave resis. Em i olsem wanpela pilai nating. Na ol pilai husat i kik long dispela resis bai no gat sans bilong pilai insait long ol resis PNGFA i kamapim na tu bilong stap insait long PNG nesanel soka tim.

No gat moa taim bilong malolo

POPONDETTA SOKA RIPOT

RODNEY KAMUS i raitim

SOKA resis long Popondetta i no inap kisim malolo long wanpela o tupela wik. Resis bai go insait stret long sisen propa bihain long fainal bilong pri sisen long neks wik.

Long wanem, tupela wik tasol ol bai pilai long pri sisen resis nokaut. Ol planti soka tim i redi pinis long rejistaim tim bilong ol long stat pilai

long sisen propa bihain tasol long pilai bilong pri sisen.

Presiden bilong Popondetta Soka Asosiesen, John Douglas i tok olsem long lukluk bilong em, soka long Popondetta long dispela yia bai kamap gut tru.

Na ol i redi tasol long pilai long ol bikpela resis long dispela yia.

Douglas i tok olsem afiliesen fi bilong wan wan tim long dispela yia em K125 na rejistresen bilong wanwan pilai em K3. Afiliesen fi i op

nau long ol tim long stat baim.

Long las wik Sarere na Sande, Independens pilai graun long Popondetta i bin paia stret taim ol 18 tim i stat pilai long kik bilong pri sisen.

Ol man, meri na pikinini husat i kamap long lukim pilai i no sindaun gut. Ol i wok long kalap kalap tasol long sapotim ol tim bilong ol.

Tupela tim husat i bin pilai long gren fainal bilong las yia, Patti na Kaks i bin kamapim strongpela pilai tru na planti tim i pret long ol.

Bihain tasol long dispela nokaut long las wiken, 9-pela

tim tasol i redi long pilai long Sarere na Sande.

Dro bilong pilai bai sanap olsem long Sarere 10 klok, pilai bai stat. Ixani bai salensim Sen Andrew, BFC 1 wantaim Adopa, Patti wantaim Asum na TKK Medics bai salensim Kaks.

Wina bilong namba wan gem namel long Ixani na Adopa bai salensim BFC 2.

Long Sande, gem bai kamap long wan klok. Na dispela 4-pela tim husat i win bai traim painim wina bilong pilai long fainal. Ol 4-pela tim bai pilai olsem 1 bai salensim 3 na 2 bai salensim 4.

Das kirap long Momase soka resis long UPNG

BEVERLY WAIMAN i raitim

MOMASE SOKA resis ol skul sumatin bilong Yuni-vestiti long Mosbi i save pilai olgeta yia i bin stat gen long las Sande wantaim 10- pela tim bilong ol man na 5- pela tim bilong ol meri.

Ol tim bilong ol man em Wewak United, Madang United, Morobe United, 51 explosiv bilong Popondetta, Kula bilong Milen Be, Chauka bilong Manus, Norgi bilong Goroka, Tumbuna bilong FCA na ol Solomon Ailan na Vanuatu sumatin i bungim tim ol i kolim Solomon Island. Bikos planti memba bilong tim i kam long Solomon Ailan.

Long las yia tim bilong Avisat man na meri wan-

taim i bin kamap namba wan taim ol i winim Morobe United tim bilong man na meri.

Tim bilong ol Sandaun, Bodalain we i save paia bipo i no kamap long dispela yia. Na ol pilai bilong ol i pilai wantaim ol arapela tim olsem Avisat na Wewak United.

Ol lain Morobe i bosim opis bilong dispela pilai resis. Ol dispela man em Patrick Basa, Willie Bawasu, Taki Kawa na Getung Amoring.

Resis i save kamap long tupela soka fil baksait long Toa 4, 5 na 6 haus slip bilong ol man.

Avisat i holim nau taitel bilong dispela resis long foapela yia olgeta. Ol i kamap namba wan stat long 1990 i kam inap nau. Na planti ol arapela tim i wok long resis gen long autim namba bilong ol


long dispela yia.

Tasol ol i bin bungim taim nogut long namba wan gem stret taim stail mangi Kerema, Foxy Ikavape husat i bin bikpela long Wewak i keptenim Wewak United na autim tiket bilong ol 2 nil long Sande. Ol Wewak United i amamas tru nau na tim menesa, Cyril Gare i tok golkipa bilong ol George Jimmy i gat namba long winim prais long pilai bilong em na i hat liklik long ol arapela tim long sutim gol.

Wanpela mangi bilong sutim planti gol long tim bilong Wewak las yia em Mark Komet.

Mark i bin kisim bagarap long skru bilong em na em i no bin pilai long Sande. Toby Krambuke em narapela junia bilong ol Wewak.

WANTOK SPOTS



pes 32



Em i kam... Pitsa bilong Elcom A gret tim long Mosbi, Kay Palvu i taltim stret bun na laik givim K2 long beta nau. Ol fainal bilong ol meri long Mosbi sofbal bai stat long dispela wiken. Tasol asua liklik, Kay na ol lain bilong em i no gat sans. Ol winlain em Malangan, Wantoks, Royals na All Stars.

Globe Trotters bungim bikpela traime nau

MADANG LIG

BEN TAUMAI i rattim

FAINAL tim bilong Madang Kalibobo Globe Trotters bai bungim wanpela tim bilong Madang yet long dispela wiken.

Dispela ragbi lig pilai bai kamap long apinun tru bihain long ol tripela gem bilong pri sisen long Sande. Na olgeta pilai bai kamap long Ron Albert pilai graun.

Ol bikman bilong ragbi lig long Madang i makim dispela pilai bikos ol i laik traime gen ol pilaia bilong inta siti tim pastaim long ol i go bungim Lae Bombers long narapela wik. Dispela pilai bilong ol bai kamap long Lae.

Long winim pilai bilong dispela wiken na kisim strong, ol i mas tromoi bal i go i kam insait long fil. Dispela em wanpela bikpela asua long namba wan taim em ol i bungim Lae Bombers. Bikos ol i gridi tumas long bal na ol boi Wopa i bagarapim sindaun bilong ol.

Long wankain taim yet, em i bikpela samting tu olsem insait long taim bilong takol, ol i mas holim man long lek na i no antap long solda. Bikos pasin bilong holim man long lek o namel long bel inap stapim em tu long rausim bal kwiktaim.

Ol bikman bilong lig i makim pinis Rex Apuka long karim bikpela wok bilong kepten. Na em i hapman tu bilong pilai na i save tru long wok bilong em. Tasol long mekim dispela i karim kaikai, em i mas kisim sapot bilong olgeta 12-pela pilaia bilong em long fil.

Sapos ol i laik abrus liklik, ol boi bilong arapela Madang tim bai mekim save tu long ol.

Sampela man husat bai soim stret stail bilong ol long dispela wiken bilong traime grisim bel bilong ol bikman em Joe Kunai, Michael Kela, Tony Kerowa, Jack Kasu na Raman Penny.

Seketeri bilong Madang ragbi lig, Opa Liriope i tok ol bai glasim tu ol dispela pilaia. Sapos ol i kamapim gutpela pilai, ol bai makim ol bilong stap stenbai long inta siti tim.

RAGBI LIG NIUS: tok save...bai kam nau

Wantok Niuspepa bai kirapim gen *Ragbi Lig Nius* long narapela wik. Nau bai gat senis...Tasol yu husat laik salim stori o poto, em fri. Salim long Edita, Ragbi Lig Nius, P.O. Box 1982, Boroko, N.C.D. Yu ken ringim Edita tu long telipon namba 25 2500. Fax namba em 25 2579.

WOK SOKA LONG LAE INAP LONG BAGARAP

FRANCIS ULIAU i rattim

...sapos gridi pasin stap yet long wok referi

WOK soka long Lae aninit long lukaut bilong Lae Futbol Asosiesen bai pundaun sapos hevi nau i stap namel long ol referi na ol bikman bilong LFA i no stret hariap.

Ol ripot i kam long Lae long dispela wik i tok olsem LFA i no moa luksave long ol referi bilong Lae Soka Referi Asosiesen (LSRA).

Dispela i kamap inap long tupela wiken nau. Long gren fainal kik bilong LFA Kap las wiken tu, ol referi husat i no rejista memba i bin

lukautim ol pilai.

Ol ripot i tok long dispela taim, planti lo bilong pilai em ol i kamapim long fil i bin krangi tru. Olsem na i bin gat ol komplem i kamap long sampela pilaia na klap.

Long wanem ol dispela lo bilong pilai i no stret bihainim ol nupela senis nau i kamap insait long wok bilong soka insait long wol.

Ripot i skruim toktok olsem dispela nau i kamapim bikpela bel pen namel long Lae Soka Referi Asosiesen

na ol lain bilong Lae Futbol (Soka) Asosiesen. Na sapos dispela kain pasin i stap yet, no gat man i klia long wanem haptru em pilai soka bai go long en long Lae.

Wantok Niuspepa i klia olsem presiden bilong Papua Niugini Futbol Asosiesen i save long dispela hevi. Na tu long wanem samting ol sampela strongpela sapota bilong wok soka long Lae i laik mekim.

Tasol presiden yet i no bin stap long opis bilong em long Wabeg taim *Wantok Niuspepa* i laik kisim toktok

bilong em. Long wankain taim tu, mipela i no inap long kisim bekim bilong presiden bilong Lae Futbol Asosiesen, John Peka. Bikos i no gat telipon bilong tok-

tok wantaim em long hap.

Long las wik Fonde, wanpela ripot i bin kamap long dispela niuspepa na i toktok long wankain pasin.

Long dispela nius-

pepa ripot, mausman bilong wanpela klap i bin komplem na sutim toktok long ol referi husat i bin lukautim ol namba wan pilai bilong LFA Kap resis.

Long ol dispela kik

bilong Sarere na Sande, ol referi husat i lukautim ol pilai i no save liklik long wok bilong ol. Bikos long taim bilong pilai, planti lo em ol i wokim long i go moa long pes 31


INSAIT

- Wiken spot dro...pes 29
- Tarangau pawa...p30



POM spot poto...p28

- Madang glasim gen inta siti tim bilong en...pes 30
- Nupela spot program bilong ol pikinini...pes 30
- Wewak top tim dringim taiswara pinis...pes 31





Hepi Niu Yia Olgeta !!

REBO

REBO GO LONG DIP STRET NA PAINIM PIS LONG HAP...



EM LUKIM WANPELA TRAIPELA STON NA EM I GO SEKMA...

UMN! LUK OLEEM HAIT-PES BILONG OL BIK-PELA PIS!



HEY?! EM WANEM SAMTING, YAH!



EM NAU!

REBO TOK STRET... EM MAKIM SPIA-GAN NA SUT I GO...

WAN... TU... TRI... GO!!



SUPSUP I GO KISIM MAK STRET...

YU SUP STRET!!

ZLUUP!



HEY, WANTOK!

YU LAIK RITIM NIUSPEPA LONG TOK- PLES BILONG YUMI?... ORAIT, BAIM

WANTOK

NIUSPEPA BILONG OL PAPUA NIUGINI STRET

EM NIUSPEPA BILONG YUMI OL PAPUA NIUGINI STRET!



INO DIA TUMAS. 40¢ TASOL!

INSAIT LONG BIKBUS WE NOGAT WANPELA MANMERI I STAP

BAMBELLI EM I LUSIM LAIP BILONG SITI...

EM I EKSAIT TUMAS LONG NIPELA EDVENTUS...

TASOL EM I NO LUSIM TINGTING BILONG OL PASIN TUMBUNA!



I gat PAWA!

KLOSTU PE PINIS LONG BIA



SUPA SWIT MOA
The Taste of
Paradise

TETE EM PE-DE NA MONDO! TINGTING LONG GO SPAK...



APINUN NACI NA BOS I GIVIM PE LONG MONDO...



LONG HAUS, MERI NA PIKI-NINI I WETIM PAPA...



SUPA SWIT MOA! HARIM KARAI BILONG OL...



NAU EM I GO PAINIM MONDO...



HARIAP TRU S.S.M I PASIM EM LONG DUA...



EM KARIM EM I GO LONG HAUS NA OL FAMILY I AMANAS TRU...



NOKEN KAMAP OLSEM MONDO... EM KISIM PE NA LAIK GO SPAK... SUPA SWIT MOA I TOK, MASKI SPAK TUMAS, TINGIM OL FAMILI BILONG YU!

MUSIK NA TELEVISEN

PAPUA NIUGINI



Buang na Mumeng musik stap nau long solo kaset

RODNEY KAMUS i raitim

MAN husat i save paitim kundu bilong ol waitman long Junior Membaks Ben, Terry Kapi Panex i katim pinis wampela wampis kaset bilong em long Walter Bay Studios.

Dispela kaset bilong em i luk olsem bai kukim tru ol klab na ol pati ples klostu nau. Na sapos yu harim ol 10-pela singsing bilong em, bai yu kisim tingting na yu laik painim bia hariap tasol o redi long tromoi lek.

Ol singsing bilong em i stap long ol tokples bilong olgeta hap bilong Papua Niugini. Na planti ol singsing em yet i tanim na raitim. Ol tok ples singsing i stap long tok ples Hagen, Madang, Markam, Mumeng, Wain na Tok Pisin.

Ol singsing bilong Terry i gat ol sore singsing, ol singsing bilong tromoi lek na ol singsing i stori long wokabaut bilong ol yangpela.

Long sait wan i gat 4-pela tok ples singsing na wampela long Tok Pisin. Wampela singsing bilong em ol i kolim *Morobe Medley* na i stap long tok ples Mumeng em bai katim lewa bilong yu stret.

Na tu singsing ya bai mekim olsem yu laik tromoi lek liklik. Ol narapela tripela singsing long tok ples i stap long tok ples Hagen, Wain na Mumeng.

Wampela singsing bilong em long Tok Pisin ya em i wampela sore singsing. Na dispela singsing em Terry yet i wokim long bikpela susa bilong em husat i dai taim ka em i ron long en i bam long Lae. Nem bilong singsing ya em *Susa Lewa*.

Long namba tu sait bilong kaset, em ol tok ples singsing tasol. Ol 4-pela singsing i stap long tok ples singsing bilong Buang na Mumeng. Ol singsing bilong tok ples Buang em *Saura*, *Lumburani*, na *Ariso*. Wampela singsing tok ples Mumeng em *JBNG* na dispela i gat kik long kirapim skin bilong yu.

Narapela singsing bilong em long tok ples Madang *Sialumbo* i kisim nupela kain stail stret long ol kain kain musik masin bilong Walter Bay Studio. Ol masin bilong musik i mekim na kra i bilong dispela singsing i wankain olsem we ol waitman i save pilai

long en. Terry i tok olsem em i laik katim ol singsing bilong em wantaim ol narapela bikpela studio olsem CHM na Pacific Gold. Tasol planti man na meri bai i no inap lukluk long kaset bilong em tumas. Long wanem

em i wampela nupela nem long sait bilong wokim wampis kaset. Bikos nau i gat planti man na meri husat i gat biknem i save rekot long ol dispela studio. Olsem na em i katim ol singsing bilong em wantaim Walter Bay Studio long Mosbi.



•Ino narapela man. Em stail manki Buang Terry Kapi Panex. Em i save pilaim drams bilong Junior Membaks. Tasol nau em i rekotim solo kaset bilong em yet wantaim Walter Bay Studio long Mosbi.

I KAM LONG Ela Motors OL WIL BILONG NESEN

AMERICAN TOP FORTY

AS AT 19/2/94


CUR.	TITLE	ACT NAME
1.	<i>The Sign</i>	Ace Of Base
2.	<i>All For Love</i>	Adams/Stewart/Sting
3.	<i>Breathe Again</i>	Toni Braxton
4.	<i>The Power Of Love</i>	Celine Dion
5.	<i>Choose</i>	Color Me Badd
6.	<i>Without You</i>	Mariah Carey
7.	<i>Because Of Love</i>	Janet Jackson
8.	<i>Hero</i>	Mariah Carey
9.	<i>Found Out About You</i>	The Gin Blossoms
10.	<i>Please Forgive Me</i>	Bryan Adams
11.	<i>Amazing</i>	Aerosmith
12.	<i>Because The Night</i>	10,000 Maniacs
13.	<i>Linger</i>	Cranberries
14.	<i>Life (Everybody Needs Somebody)</i>	Haddaway
15.	<i>Rock And Roll Dreams Come</i>	Meat Loaf
16.	<i>Stay</i>	Eternal
17.	<i>Queen Of The Night</i>	Whitney Houston
18.	<i>I Can See Clearly Now</i>	Jimmy Cliff
19.	<i>All That She wants</i>	Ace Of Base
20.	<i>Shoop</i>	Salt-N-Pepa
21.	<i>Mary Jane's Last Dance</i>	Tom Petty And The
22.	<i>Miss You In A Heartbeat</i>	Def Leppard
23.	<i>Dreams</i>	Gabrielle
24.	<i>Now And Forever</i>	Richard Marx
25.	<i>Said I Loved You... But I Lied</i>	Michael Bolton
26.	<i>Mr Vain</i>	Culture Beat
27.	<i>Again</i>	Janet Jackson
28.	<i>What Is Love</i>	Haddaway
29.	<i>So Much In Love</i>	All-4-One
30.	<i>Will You Be There</i>	Heart
31.	<i>Cantaloop (Flip Fantasis)</i>	Us3
32.	<i>Everyday</i>	Phil Collins
33.	<i>Having A Party Special</i>	Rod/Steward With
34.	<i>Can We Talk</i>	Tevin Campbell
35.	<i>Whatta Man</i>	Salt-N-Pepa
36.	<i>Jessie</i>	Joshua Kadison
37.	<i>No Rain</i>	Blind Melon
38.	<i>Daughter</i>	Pearl Jam
39.	<i>I'd Do Anything For Love</i>	Meat Loaf
40.	<i>Crying</i>	Aerosmith

EMTV TELEVISEN

THURSDAY 3RD MARCH, 1994	
5.27	STATION OPEN
5.30	ITN NEWS (G)
6.00	TODAY SHOW (G)
8.00	SESAME STREET (G)
9.00	STATION CLOSE
1.30	MIDDAY SHOW (G)
3.00	KIDS KONA (G)
4.00	SESAME STREET
4.00	KIDS KONA
4.30	FAT CAT (G)
4.30	TOP CAT (G)
5.00	GHOSTWRITER (G)
5.27	EMTV TOK SAVE
5.29	EMTV NEWS BREAK
5.30	HOME AND AWAY (G)
6.00	NATIONAL EMTV NEWS
6.30	A CURRENT AFFAIR (G)
7.00	SALE OF THE CENTURY (G)
7.30	LOTTO DRAW (G)
7.35	NEIGHBOURS
7.57	EM-TV TOK SAVE (G)
8.00	FIZZ (G)
9.00	BEYOND 2000
10.00	RESCUE 911
10.30	A COUNTRY PRACTICE
11.30	NATIONAL EM-TV NEWS REPLAY

11.57	MEDITATION WITH PASTOR WALO ARNI
12.00	STATION CLOSE
FRIDAY 4TH MARCH, 1994	
5.27	STATION OPEN
5.30	ITN NEWS (G)
6.00	TODAY SHOW (G)
8.00	SESAME STREET
9.00	STATION CLOSE
1.20	STATION RE-OPEN
1.27	EMTV TOK SAVE
1.30	MIDDAY SHOW (G)
3.00	KIDS KONA (G)
4.00	FAT CAT & FRIENDS (G)
4.30	TOP CAT (G)
5.00	GHOSTWRITER (G)
5.27	EMTV TOK SAVE
5.29	EMTV NEWS BREAK
5.30	HOME AND AWAY (G)
6.00	NATIONAL EMTV NEWS
6.30	A CURRENT AFFAIR (G)
7.00	THE NEW SALE OF THE CENTURY (G)
7.30	RUGBY LEAGUE (G)
9.30	NEIGHBOURS (G)
9.55	EMTV TOK SAVE
10.00	AUSTRALIA'S FUNNIEST HOME VIDEO SHOW
10.30	JAKE & THE FATMAN
11.30	NATIONAL EMTV

11.57	NEWS REPLAY
12.00	MEDITATION WITH PASTOR WALO ARNI
12.00	STATION CLOSE
SATURDAY 5TH MARCH, 1994	
8.57	STATION OPEN
9.00	WIDE WORLD OF SPORTS
1.30	GILLETTE
2.00	WIDE WORLD OF SPORTS
3.30	MUSIC & THE SPOKEN WORD
4.00	SPORTS SUNDAY (G)
5.00	BONANZA (G)
6.00	NATIONAL EMTV NEWS
6.30	WONDERFUL WORLD DISNEY
7.30	60-MINUTES (G)
8.30	SUNDAY NIGHT MOVIE "Ride Lonesome" (G)
9.57	CHT CHAT WITH SIR PAULIAS MATANE
10.00	CHURCHES MAGAZINE PROGRAMME
10.30	BONANZA (G)
11.30	NATIONAL EMTV NEWS REPLAY
11.57	MEDITATION WITH PASTOR WALO ARNI
12.00	STATION CLOSE
SUNDAY 6TH MARCH, 1994	
10.57	STATION OPEN
11.00	WILD WORLD OF SPORTS
1.00	BUSINESS SUNDAY (G)
2.00	SUNDAY



PNG TOP TWENTY

AS AT 26/2/93

NÖ.	SONG	ARTIST
1 (2)	<i>Honiara</i>	Basil Greg
2 (3)	<i>Misout Tam</i>	George Telek
3 (1)	<i>Em Ino Isi</i>	Basil Greg
4 (7)	<i>Iau Rejected</i>	Kopex
5 (4)	<i>Askere</i>	Hollie Maea
6 (5)	<i>Chako Chako</i>	Chako Chako
7 (6)	<i>Kir Ta Prove</i>	Kokoratts
8 (11)	<i>Bolbol La Kiave</i>	Emfo Band
9 (9)	<i>Abul Wantok</i>	George Telek
10 (8)	<i>Data Tut</i>	Festlight
11 (10)	<i>Swit Smile</i>	Vuvu Vibrations
12 (13)	<i>Mi Lonely Nau</i>	Kopex
13 (12)	<i>Luluk Tamavatur</i>	Barike
14 (15)	<i>Pait Nating</i>	Leonard Kania
15 (0)	<i>Hangu Panu</i>	Old Dog & Offbeats
16 (16)	<i>Nono Peren Pas</i>	J. Boi/Wamsi Ilau
17 (20)	<i>N.S.O.N</i>	Kokoratts
18 (18)	<i>Abul N Rab</i>	Jubist S/B
19 (19)	<i>Rosie Lalokau</i>	JT & Siule Hoods
20 (17)	<i>City Meri</i>	Kanini Brothers

• Ratings based on requests on Radio Kalang and not cassette sales.

ELA MOTORS - OL WIL BILONG NESEN

Wantok

Digitized version made available by



Copyright: Under copyright

Rights Holder: Word Publishing Company Limited

Use: This digital version is made available from the UC San Diego Library under a license granted by the Word Publishing Company Limited. This digital copy of the work is intended to support research, teaching, and private study.

Constraints: This work may be protected by copyright law. Use of this work beyond that allowed by the applicable copyright statute requires the written permission of the copyright holder(s). Responsibility for obtaining permissions for any use and distribution of this work rests exclusively with the user and not the UC San Diego Library. Inquiries can be made to the UC San Diego Library program having custody of the work.

Note on digitized version: Some of the digital versions presented here reflects the quality and contents of the microfiche. Problems which have been identified include misfiled or out-of-order pages, illegible text; these problems have been rectified whenever possible.